

沈雲龍主編

近代中國史料叢刊

第十五輯

文海出版社印行

近代中國史料叢刊第十五輯
沈雲龍主編

清開國史料考

謝國楨著

文海出版社印行

近代中國史料叢刊

沈雲龍教授主編

近代中國史料種類之繁，卷帙之多，遠過其他時代。就內容而論，可別爲原始資料（Primary sources of materials）與次要資料（Secondary sources of materials）兩類。前者如歷朝實錄、東華錄、政治官報、大臣奏疏、外交檔案、名臣專集、函牘手扎、日記、自訂年譜、回憶錄等；後者如官書傳記、行狀、碑誌、新聞記載、雜誌論文、私人筆記、以及參用史料，專題研究所得而成之史籍，與夫總合敘述史蹟之真相，而使讀者明瞭一事，或一時代之政治外交社會經濟情況及人民生活之專著等，均其明例。

本社向以搜集史料影印流傳爲職志。其卷帙較多之大清實錄、東華錄、十朝聖訓、清季外交史料，政治官報等鉅製，均已先後出版，甚獲好評。茲再商得近代史學家沈雲龍教授之同意，就上述範圍，代爲搜羅選輯卷帙較少而有價值之史料，陸續影印，並承惠允將其所藏罕見之孤本若干種先行借出攝印，以供海內外學人治近代中國史者之參考。

文海出版社謹識

中華民國五十五年十月

近代中國史料叢刊

第十五輯

目錄

清開國史料考	謝國楨著
清代名人手扎甲集	吳長瑛輯
靳文襄公(輔)奏疏	靳治豫編
駱公年譜	駱秉章自注
左文襄公(宗棠)年譜	羅正鈞編
合肥李勤恪公(瀚章)政書	李經畬等編
撫滇奏議	張凱嵩著
國朝通商始末記	王之春著
清光緒朝中法交涉史料	軍機處原檔編印
國防與外交	謝曉鐘著

10/22/2011

清開國史料考

傅增湘題



辛未元月刊成

清開國史料考

凡例

一本書研究之範圍自明初建州衛之設以至清兵未入關以前之歷史資料此等史料可分四類

甲清初之檔冊

乙明時人對於清代之記載

丙清代官纂及近代追述纂輯之書

丁朝鮮及日本及其它國之記載

一是書分類之外仍分子目清初之檔冊則分遼寧舊檔故宮舊檔內閣大庫流傳各地諸檔明代記載則分專記方志邊備籌邊諸書待訪諸書金石附焉清代官修則分官修及近人著述二類國外記載則分朝鮮人記載日本人撰述二類或以內容或以地域列爲子目

於摭輯史料之中稍具編纂之法期爲目錄學組織之研究

一本錄所載概以成書或成篇章者爲限片紙隻字掛一漏萬反致自亂其例故不載入特有關係者間附注下

一凡某書中有成一卷關於遼事者則依章實齋之例爲別出之法其不能別出則詳載於某條之下以便參考

一金石文字有關掌故者附之於每類之後

一叙跋提要有關掌故者或不易經見者錄其文於每條之下無關史事之文或擇錄其要或概行從略

一學者研究所得重要論文足供專門研究者間附其文以資觀覽

一輒近乾隆間禁書日出整理檔冊亦時有所發現此不過舉其耳目所及者而已俟有所得再爲二編

一是書承師友改訂指導之力頗多謹誌感謝

清開國史料考

目次

圖

一日本南滿鐵道株式會社編滿洲歷史地理明代建州衛圖

二明天啓刻秘冊兵衡建州女直巢窟道路全圖

三北平故宮博物院藏清初天命天聰朝滿文老檔二帙

四遼寧故宮博物館藏清初崇德朝滿洲老檔文諭

卷一

叙論

卷二

目錄一 清初之檔冊

卷三

目錄二 明代之記載上

卷四

目錄三 明代之記載下

卷五

目錄四 清代官修及近人纂輯之書

卷六

目錄五 朝鮮及日本之記載

巡按山東監察御史劉 鹿伏乞
 照詳施行奉此
 巡按山東監察御史劉 鹿伏乞
 照詳施行奉此

卷之四

Handwritten signature or name.

[illegible]

上
重
元
あ
す
ま
ら
な
い
あ
ま
あ
ま
し

[illegible]

見んがまゝに

九 月 九 日

崇 德 季 春 瑞 文

右滿文老檔照片爲
義寧陳寅恪師所藏
據云字畫整潔仍爲
清乾隆後修改本也

清開國史料考卷一

安陽 謝國楨 輯

叙論

余既輯清開國史料竟乃爲之敘曰夫女真在古爲肅慎國由戰國之獮狚以迄金源所謂夫餘勿吉靺鞨諸名其興廢沿革載在諸史歷歷可考然而大氏蹶起渤海阿骨打氏突興金源當其盛時文物風教不亞中土乃其勢之興則如暴風疾雨及其不振亦如冰霜消歇欲求其遺蹤識其文字考其系統其事綦難則又何也余考清建國之始基其世系之隱晦傳說之荒誕蓋亦有同渤海金源之慨焉豈寢饔食鮮之民有倨傲不羣之勢而無收攝保守之心歟

清之初祖即金之餘裔也金爲女真之族女真避遼諱改名女直元滅金以其地置軍民萬戶府明代置建州衛析爲三部曰建州即清發祥之地

曰海西即今吉林諸地曰野人所處遙遠即今黑龍江一帶諸地明代目之爲東夷遼地自明洪武四年置定遼都指揮使司以馬雲葉旺爲都指揮使總制遼東諸衛時元孽未靖元將阿哈出屢寇遼東葉旺征破之阿哈出降悉境來附十四年明封子權於大寧爲寧王開藩以彈壓上游北控蒙古東制女真屹然有建瓴之勢永樂遷都北平當其南下之時惡寧王之扼己乃徙大寧都司於保定府而以所屬營州等十一衛所亦省入順天乃以大寧之地自古北口至山海關立朵顏衛自廣寧前屯衛至廣寧迤東白雲山立大寧衛自白雲山迤東至開原立福餘衛元年遣行人邢樞招諭奴兒干諸部野人酋長來朝九年遣中使治巨艦練水軍江上召集諸酋廩以官爵於是康旺佟答剌哈王肇舟瑣勝哥四酋率衆降始設奴兒干都司建碑紀事自開原東北至松花江以西置建州毛憐塔山等衛一百八十四兀者等所二十官其酋爲都指揮千百戶鎮撫賜勅印各統分部復置站地面各七寨一不領於衛所令歲以冬月從開原入朝

貢唯野人女真僻遠無常期諸部願內附者於開原設安樂州遼陽設自在州處之已又爲海西建州立馬市開原歲時賜予甚厚蓋遼東之地自宋迄元純握於胡人之手自永樂以後乃重入中國版圖乃大寧之內徙卒失東北之藩屏失敗之因間已隨之

阿哈出既降賜名李思誠子釋家奴賜名李顯忠顯忠弟猛哥不花亦均內附俾領毛憐衛累官都督同知顯忠死子滿住嗣猛哥不花死子滿答失里嗣是時海西女真數寇邊都督巫凱請討之不許當正統初建州女真由三姓南遷據日人稻葉岩吉云其一遵遼東海岸以移住於豆滿江之谷地其一則溯松花江以移居今吉林之附近由酋長李滿住統之復移向鴨綠江枝流修家江居住推其南遷之因蓋當時左衛都督猛可帖木兒爲七姓野人所殺其族中必有互相仇殺之事故舉族而南遷猛可帖木兒弟凡察子童倉逃居朝鮮童倉弟董山嗣爲建州衛指揮亡何凡察童倉逃歸建州而建州民族與朝鮮毗隣正值李氏第四代之英主世

宗在位於是不能不發生衝突建州乃不得不重徙而居於竈突山之東南渾河之上方七姓野人之難建州亡其印詔更給比後得故印詔上更給者凡察匿不出乃更分建州左衛置右衛剖二印使董山領左凡察領右於是建州有左右之分而建州女直先處開原者叛入毛憐自相攻殺宣德間招降之命居於建州老營地老營者明廷歲收人參松子之地名爲東建州於是建州衛有左右及東建州之分

當正統時北虜也先併吞外蒙舉凡青海西藏乃至天山南路無不奉其號令供其趨使至正統十四年直犯大同而有土木之變英宗北狩是時遼東建州諸衛相繼煽動滿住董山等咸爲北虜耳目入寇不絕殺掠遼東吏民無算巡撫王翱遣指揮王武等招之稍稍歸附復擢用畢恭爲遼陽百戶沿遼河爲界築遼東邊牆實爲大寧內徙後防胡之唯一方策此後董山仍糾毛憐海西夷入盜邊不絕成化二年乃命都御史李秉與武靖伯趙輔分三道入搗其巢朝鮮亦發兵退東邊獲董山斬之輔斬首頗

多滿住死明年築撫順清河靉陽諸堡邊備日嚴夷稍斂跡建州之重徙
竈突山者大概在此時是時明廷亦欲羈縻之後以董山子脫羅爲指揮
滿住凡察後皆得襲諸從叛者視先世遞貶一官是謂成化三年之役在
明廷頗相誇耀者然此役未能實搗其巢建州諸夷頗不能平以此快快
多以報董山之讐爲辭巡撫陳鉞不能禁大閹汪直方倖功惑於通事王
通之言謂夷易與與巡撫馬文升不合汪直與巡撫陳鉞撫禦無法寇入
益急自此邊事日壞此明代建州初期之事也

明中葉以還建州稍衰而海西興海西之夷哈達葉赫最強哈達酋長王
台居開原東北貢市在廣順關故稱南關葉赫酋長祝孔革及其子逞加
奴仰加奴居開原北貢市在鎮北關地近北故稱北關自永樂以來皆給
其勅諸酋各由其道按勅驗馬入貢使不相擾其法至善王台勃興海西
剪除葉赫酋長祝孔革撫有北關地廣千里事明最忠而良將李成梁巡
撫張學顏善於撫禦諸夷建州諸夷王杲王兀堂阿台以次剪除授首京

師萬曆元年成梁與學顏協謀共展寬奠甸長奠永奠大奠新奠及張其
哈刺奠子等六堡築城徙民屯墾以實邊實爲畢恭建築遼東邊牆後之
最善政策乃王台老慣諸子爭立海西諸夷自相攻殺成梁亦以老而日
驕漸生暮氣寬奠六堡亦相繼撤退於是海西廢而建州奴兒哈赤氏興
禍起東北明廷遂致不祀

奴兒哈赤氏突起東陲併吞諸夷始南窺明邊吾於此時不能不先明其
部族清太祖實錄云是時諸國分裂滿洲國之部五曰蘇克素護河曰渾
河曰完顏曰棟鄂曰哲陳長白山國之部二曰訥殷曰鴨綠東海國之部
三曰渥集瓦爾喀曰庫爾喀扈倫國之部四曰葉赫曰哈達曰輝發曰烏
拉所謂國者實當時諸夷之一部落耳若滿洲長白山諸部實即附近奴
兒哈赤氏所居赫圖阿拉之諸小部落非有戎馬城郭堪成一國之強也
惟扈倫四部在遼東爲較強明代載籍言之尤繁而奴兒哈赤氏與之交
涉最多併扈倫四部而金國之根基始定是不可不記

按扈倫二字實爲明代忽剌溫野人之轉音指海西諸夷而言是哈達即王台之部葉赫即祝孔革之部輝發即明代之灰扒烏拉即明代之兀刺均在黑龍江沿岸所謂江夷也茲將諸夷列表並少識之於後所謂哈達葉赫前文述之已明其世系表之如右

葉赫部

祝孔革 (一名捏哈正德
時被王台所殺)
 暹加奴 兀孫宗羅 (成梁所殺)
 卜寨 白羊骨
 卜兒漢
 仰加奴 哈兒哈麻 (成梁所殺)
 那林孛羅 金古失 (得力革)

哈達部

王忠 王台
 虎兒罕 (性好殺) 歹商 (騷尙住)
 三馬兔 (早歿) 吾把太
 康古陸 (奸生子)
 猛骨孛羅
 虎爾干
 白虎赤

輝發先世本姓伊克得里生於黑龍江岸尼馬察部有星古禮者自黑龍

江載木主遷於扎魯居焉有呼倫部之噶揚阿圖二人居瑯地姓納喇氏因附其姓是謂輝發始祖生子備臣備臣生納靈阿納靈阿生拉哈都督數代之後旺吉努出招服諸部築城於輝發河邊傳至孫拜音達哩國亡烏拉先世曰扈倫姓納喇因建國於烏拉河岸故以烏拉名其國至布占泰國亡當時海西而外則爲朶顏三衛嘉靖中花當革蘭台影堯爲患時專設薊遼總督以禦之三衛部多至八十餘種惟長昂董狐狸爲兇狡萬曆中則伯言花當最盛其酋則大委正小歹青虎喇赤逸把亥抄花諸名酋名最繁不能悉舉西虜則有虎墩兔愁等名此皆與當日時事最有關係不可不知者也

奴兒哈赤崛起於遼東黑圖阿刺之地實建州之支部所謂其先興祖福滿六子稱寧古塔貝勒各築城分居以黑圖阿拉爲主城其世無考惟可知者其祖覺昌安塔克失從李成梁死於討王杲阿台之難奴兒哈赤氏與其弟速爾哈赤奮起戎行斬夷克五十得賜龍虎將軍捕殺仇人尼堪

築城於呼蘭哈達併有長白棟鄂諸部未幾即囚殺其弟乘王台之死其子弟之紛爭王台之孫歹商爲葉嚇那林孛羅所戕猛骨孛羅單騎來歸奴兒哈赤氏利用其狡猾之智奸詭之計乘其來歸遂遽殺之而滅南關乃稱建州國汗北關則以那林孛羅之女老女相許白羊骨竟以許暖兔子麟兒骨大適烏拉卜占泰爲奴兒哈赤之婿以得罪來歸於是奴兒哈赤師出有名以老女通婿之事遽攻南關所謂老女通婿之役在明代記載極爲重視奴兒哈赤既併有南關諸部僅有北關葉嚇未下於是奴兒哈赤由建州國汗建國號曰金稱■號曰天命乃於天命三年明萬曆四十六年以七大恨誓師興兵伐明是時明廷已鑒奴酋之強葉嚇氏爲明東北之藩屏已垂於危於是經略楊鎬命杜松馬林李如柏劉綎分四路出師奴兒哈赤既破葉嚇金台失白羊骨二酋自焚死乃乘餘勇一鼓而墮楊鎬四路之師所謂薩爾濟之役金國之基遂於此定明廷乃命熊廷弼經略遼東廷弼未出而開原鐵嶺繼陷廷弼至遼招流移繕守具固守

不浪戰之旨乃忌者劾其不戰乃以袁應泰代之時蒙古大饑招降數萬異族雜居瀋陽雖至不守明廷復起廷弼乃建三方布置之策廣寧登萊各設巡撫而經略駐山海關廣寧巡撫王化貞與廷弼不合廣寧不守是時明廷則魏闡擅政政出多門以廷弼之熟於邊事而信任不專卒至債事未幾左光斗魏大中諸賢均罹大辟追賊之說即由庇廷弼而起說者謂廷弼不死於邊疆而死於門戶識者哀之繼廷弼而起者則爲經略王在晉薊督王象乾象乾主款蒙古以捍東陲在晉則主守關門而弃關外其說均不免書生之見惟大學士孫承宗主關外築重城與寧遠覺華島相犄角不主款蒙古之策較爲得之但未幾爲魏闡排去是時奴兒哈赤氏則繕甲兵聚卒乘自薩爾滸之役後天命七年由興京遷都太子河右岸築東京城遼瀋繼陷乃移都於瀋陽清之所謂盛京今之所謂遼寧者是也於是奴兒哈赤氏復撫有東海瓦爾喀虎爾哈渥集三部黑龍江之索倫部儼然蔚爲大國不幸於天命十二年大舉征寧遠爲巡撫袁崇煥

火礮所傷遽崩是謂太祖其第四子黃台極嗣位是謂太宗國號天聰袁崇煥之爲人其殺皮烏毛文龍卒失海隅之屏障文龍之部下若尙可喜孔有德耿仲明輩多降入清爲明末一大禍端固爲失計然其遏禦悍敵之功則不可沒也其五年破敵之說固爲誇言然其精悍之才則不可掩也崇禎帝信之而復疑用之而不專乃中敵人反間之計卒殺崇煥豈不哀哉其後孫承宗修復關外四城頗具恢復之志而不能竟用其材餘則更不足與謀戰事置餉設官繁複無當巡撫總督一處數設權勢寵雜不能統一餉則有剋餉練餉之名竭天下之資以供遼東盈廷築室嫫螳羹佛雖無勁敵明祚亦不能持久也明矣

太宗即位當太祖時其武功亦足以懾明廷之氣於是太宗乃得整理其內部及併服朝鮮蒙古之地當太宗之初立太祖之子八人兄弟最繁所謂三尊佛之制乃與鱗爾古泰代善共理國政內部實未能統一未幾鱗爾古泰叛代善亦知幾而退於是權歸於一尊不可謂太宗應付有方是

時朝鮮李适李貴等責其君光海君之無道迫其退位太宗乃乘此機會進據江都朝鮮習服約爲兄弟之國在朝鮮之史名爲丁卯虜亂而蒙古插漢諸部亦相繼歸附統有漠北諸地乃於天聰十年改元崇德更國號曰大清國皇帝是時朝鮮新有國喪乃命貝勒前往弔唁間附蒙古貝勒勸進之書朝鮮直斥來使於是太宗乃爲第二次之征伐進據韓城立豐功碑於三田渡以紀其事是謂丙子虜亂

當此之時明廷山東沿海之地毛文龍之部將尙可喜等亦相繼歸降渤海無後顧之憂東兵可以直抵膠東以掠山東之地插漢旣服則西路可以西趨大同會師宣府明廷所持者僅山海關及關外錦州永平等四城耳有孫承宗之守大凌河之築關塞儼然屢挫清師其興復屯戍禦備之計實不亞李成梁之興築寬甸六堡乃小有挫折立即去之於是太宗四路出師錦州松山杏山之戰薊遼總督洪承疇被擒當時明廷自詡天朝諱言搆和者至此乃命陳新甲赴遼請和而所謀不成新甲以洩謀弁市

當時則兵盡餉竭流賊充斥西寇李自成直迫近畿北京不守甲申三月十九日之變崇禎自縊吳三桂不忍愛妾陳沅之被掠乃東趨清師入據北京而明亡矣然而時太宗新崩冲子嗣位內部方發生立嗣之爭實不暇有南顧之事吾觀內閣大庫所留遺金國汗之詔誥書牘未嘗無求和之意自慚之心據天聰二年失名奏本云南朝雖師老財匱然以天下之全力畢注於一隅之間蓋猶裕如也我國處南朝之大計惟講和與自固二策而已南朝亦知宋爲覆轍但賄賂之積習日久而玩愒必生明知固蹈勢所必至待我國益富兵益強乘間再圖破竹長驅傳檄天下矣正兵法所謂卑驕利誘之術也蓋其初願殊不及此使主國是者處置得宜何至有甲申之變哉今惟有供後人之垂弔而已

以上之文據馬文升撫東安夷記王在晉三朝逸事

實錄葉向高女直考爲上通公東夷考略彭孫貽山中聞見錄梅溪野史建州私志國史中央研究院院務處編纂開國體與記等書日人內藤虎次郎讀史叢錄稻葉岩吉編洲發達史孟森清初前紀輯爲一文取便讀者不致注出處以下之文乃用考證之法以疏證其事

今明清史事大要已明吾所以不憚煩而縷述之者曾聞吾師陳寅恪先

生云自元代蒙古大帝國瓦解之後在歐亞之間實起一劇大之變化蒙古征服諸國得以獨立俄國之得興於北土而明代之得征服遼東創自唐以來數千年未有之舉未始不因於此建州突起東北併吞蒙古淹有華夏阻止外藩之南侵實亦在世界史上一重要問題然建州一蕞爾之地其勢之強乃能包舉宇內推其原因必有故焉然試嘗思之日本一彈丸之地自明治改革之後乃一蹶而爲強國則其制度之建設與國家之強盛必有其因清代之勃興與其制度之更張亦必有其故勢不可研究其制度之建設茲既述明清之史事再就明清史事問題與其興亡之故分別而言之明代對於遼東建州之建設吾人所當注意者

一明自阿哈出內附明廷對於遼東之設置本極詳明上文已略言之在遼東者則有巡撫以撫遼東都指揮之職總制諸衛先後置建州等衛一百八十四兀者等所二十都司一曰奴兒干其酋爲都督指揮千百戶鎮撫俾統其部落別爲站爲地面各七不領於衛所並約歲一朝貢野人遠

無常期又設馬市開原並設安樂自在二州於開原遼陽以撫降夷

以上
樂向

高女
直考

立寧王於大寧以屏藩王室必遼之藩籬固而後京師之藩籬始固

於是有兀良哈朵顏三衛之設其在內者長城古所以防邊自山海關起西則居庸紫荆所謂三關近畿之地薊州昌平保定遼陽所謂四鎮在明代極爲重視其後時事不同遞有變更如後遼事日莽經略之設置山海昌平保定之各設總督寧遠永平順天昌平密雲天津保定之設六巡撫籌餉之策則有因饘溢地事例驛遞之分餉餉練餉之別其事至爲複雜至明之綠營規制漸已墮敗將領則侵蝕兵餉不能足額不足以禦敵於是有家丁之制每一部曲動輒千數百人自家丁之制壞而遼事益不可爲此亦敗亡之一因若考而訂之可以見明代建置之大概焉

二兀良哈三衛之設置兀良哈爲蒙古之族名當明洪武二十年築大寧城封子權爲寧王翌年元之宗室遼王及朵顏內附明因分爲三衛一朵顏二福餘三泰寧此三衛者究在今地何處日人稻葉岩吉滿州發達史

謂朵顏蒙古所以語官人者即成吉思汗之曾孫朵顏是也其封地在今嫩江一帶福餘即扶餘爲今農安附近地方泰寧地址雖不能確指大約即元之泰州即伯都訥之北方諸地其說必有所據自永樂遷都北京大寧內徙於是明代載籍多有謂分大寧之地以卑三衛遼東失其藩籬禍端即肇於此然稻葉氏則以永樂之英武其計當不出此引明陳組綬明職方地圖大寧圖考以作証然以大寧卑三衛之說自馬文升之撫安東夷記鄭曉吾學編即主其說文升去其時未遠其言必不致有誤且無論如何大寧內徙實永樂之失計固無可諱言者則其餘地安知久而不併入三衛兀良哈三衛之設置於明代之遼東極有關係近來日人頗注意及之此不可不研究者也

三明代遼東邊疆之建築實大寧內徙後第二大政其建築者始於畢恭即創修遼東志者也惟邊牆之設明代記載記之甚鮮近來見稻葉岩吉氏謂邊牆之區劃約有三部一爲遼河流域之邊牆二爲遼西之邊牆三

爲遼東東邊之邊牆所以防禦東夷其法至善遼河在明代一稱三岔河王在晉三朝遼事實錄云

按三岔河當全遼適中之所爲東西咽喉其上流爲遼河分爲三水俱出建州界內逶迤潞洄歷黃泥窪合而爲一南行百餘里爲三岔河又一百八十二里而歸於大海

惟畢恭之築邊牆經遼河之套而邊牆中斷成凹字之形至棄水草鮮美之地漸爲三衛所蠶食防胡之具已漸失效惟邊牆之設因遼河之變遷其遺跡是否可尋當時建置之法若何此又不可不研究者也

四明代通遼道路究於現在若何大氏通遼之路可分海陸二方言之明之初年定遼之師多由海道故有遼海之稱王在晉三朝遼事實錄云

國初置遼故屬山東其航海自金州旅順關口南達登州新河水關岸計水程五百五十里而海中島嶼相望遠可百里近止數十里舟易停泊有羊塢島石碣舊鑄可考先年由登萊轉運濟遼豐歉有無彼此兩

利嗣因亡命竄入海島爲患設禁始嚴遼遂坐困萬曆二十五年以來
議從海運餉東征士卒其禁稍弛而旅順復設防海游擊以控扼之雖
則爲運實以爲防戊午奴陷清撫復開海運創始者登州道陶朗先也
歲運十萬石者東撫李長庚也

由海運而通遼實爲得計王氏之文可以略見其崖略惟由薊北通遼之
路陳仁錫無夢園集山海紀聞記全遼道路城堡頗詳蓋萬曆天啓間明
清交涉日繁其通遼之路乃爲不可忽之事考遼東故城有都爾鼻地爲
至遼東西必由之路日人內藤湖南博士曾有都爾鼻考一文考其地即
今之彰武縣據朝鮮日記清實錄等書當日太宗伐明爲必經之路嘗諭
三貝勒曰爾等率兵二萬由義州進發屯於錦州大凌河之間以俟將大
兵由白土場入趨廣寧大道初六日會於大凌河是當日之路徑從奉天
渡遼河之後先出邊門再由白土場起義州入遼西可以推知至康熙間
開新民屯之路線而此路遂廢若夫建州三衛之道路城站衛所等之名


目大明一統志及何喬遠名山藏記之甚詳全遼志亦記其事若董而理之則於明代遼東之地理頗有關係者也

五明代經略之設及籌遼之議經略之設蓋非常置遼東故有巡撫必有邊事而後有經略之置以總理其事大氏以兵部侍郎副都御史充之如正統間遼夷猖獗則以王翱爲經略以撫其事後此則無聞自以楊鎬爲經略四路出師東夷考略稱其以新銜往經略順天撫臣移鎮山海保定撫臣移鎮易州皆爲創例有經略與巡撫並設者有經略兼巡撫者自出師喪敗之後以熊廷弼代之未幾以袁應泰代熊廷弼後熊廷弼與王化貞不合遼陽喪師乃以王在晉代之繼之者則有孫承宗高第王之臣後乃以袁崇煥巡撫寧遠罷經略不設乃有督師之名其實即經略也其後則設官雖繁而邊事愈不可爲至籌遼之方熊廷弼三方布置之策袁崇煥以遼人守遼土以遼土養遼人之計王在晉之主守關門欸插胥孫承宗之修關城繕守備均各有其得失惟當日政權不一有經臣撫臣樞臣

之分諸事掣肘能廷弼已痛乎言之雖有謀臣勇士亦安足用至於朝野之士監於國是之日非亦多爲籌遼之策所謂漸進漸復用夷攻夷修屯政爲久計諸說見無夢園集當是之士發爲著述以痛言遼事者則有程開祐籌遼碩畫喻龍德秘書兵衡張一龍武庫纂略諸書就其所論則亦不過書生之見以口打賊而已以上乃就明代對遼東之政策言之若清代建國之史事則更有可研究者茲略舉之於後

一清代之氏族問題太祖姓愛新覺羅氏清實錄所云愛新覺羅乃天女佛庫倫所生始祖已稱此姓所謂愛新金也覺羅即族之意惟八旗氏族通譜不載此姓以爲國姓諱至太祖之在明代稱佟氏亦稱董氏日人內藤湖南博士爲清朝姓氏考一文則謂其姓佟氏者則以明永樂間建奴兒干永寧寺碑其中有佟答剌哈其人事明最爲恭謹故對明代則稱佟氏董山爲明正統間名酋最爲兇猛童董雙聲故對內則稱董氏明天啓間佟卜年以與太祖同姓而致罪即此因也至太祖又稱棟鄂氏與佟董

二氏有何關係內藤博士則據盛昱八旗文經作者考是書爲近人楊鍾云鐵保字治亭一字鐵卿號梅菴舊譜姓覺羅氏自稱趙宋之裔後改棟鄂乃以佟董與棟鄂氏之關係在此其說不無武斷至清代之世系清實錄與明代記載其不同之處約有數點據內藤博士所列之表錄之於後



明代及朝鮮記錄次序應如此

建州左衛都督

童孟哥帖木兒

猛哥帖木兒

童倉

凡察

董山

脫羅叉

脫脫

叫場

教場

塔失

他失

奴兒哈赤

此孟特穆即猛哥帖木兒充善即董山妥羅即脫羅覺昌安即叫場塔克世及塔失都督福滿無著錄近人孟森撰清朝前紀敘次清朝世系以與祖福滿無考則以兀升哈當之不無過當至太祖奴兒哈赤究係何族東夷考略稱其爲建州之支部至內藤氏則以爲太祖乃建州之贅婿凡此諸事與清代建國極有關係不可不研究者也

二滿州之國號徵諸明代載籍及清初檔冊太祖之始興乃稱建州國汗後乃稱金國汗觀清初檔案歷歷可明至崇德元年改稱皇帝乃稱大清而當時所通用者仍稱金國而無滿州之稱至清官修之書乃凡關於金

國汗之名概行諱之而改爲滿洲滿洲之稱日人謂爲文殊之對音孟心史則以滿洲亦稱滿殊明代書作滿住係最大之酋長之稱又李顯忠之子爲李滿住楨意滿洲之稱自太宗合併插漢佛教東漸觀明袁崇煥管遣喇嘛問弔則清初之迷信佛教可知滿洲之名蓋由其習俗滿珠之稱其祖爲李滿住又與佛氏曼殊之音相合展轉而成者也

三清初之承繼問題在蒙古成吉思汗時代其死後因其國俗遺產分配之制嫡妻之子拖雷不但受之最多而且爲全版圖之主是謂庫里爾特之制度在清初立嗣之制度是否與之相同不得而知清代自康熙而後不立皇太子皇帝默簡置之乾清宮正大光明匾額之後此制固爲奇異然當太祖太宗二代之立嗣則更有問題當太祖時其長子褚晏因謀叛被殺在其族中共選四人每日由一人執掌國政即大貝勒代善二貝勒阿敏三貝勒莽麟爾古泰四貝勒皇太極阿敏爲其弟速爾哈齊之子後被殺及太祖崩何以立皇太極爲嗣是不可不知者清實錄太祖崩大福

晉賜死一事多爾袞多鐸即其子也其事因有爭立關係後被刪去據朝鮮人撰燃藜室記述引丙字錄云

丙寅五月建州奴酋奴兒哈赤疽發背死臨命立世子貴榮介貴榮介讓弟弘他矢太極曰汝智勇勝於我汝須代立弘他失略不辭讓而

立

則當時之無遜讓之心可知太宗立與莽爾古泰代善共輔國政所謂三尊佛之制度後莽爾古泰得罪代善亦知幾而去權乃歸於一尊及太宗崩而繼嗣又發生問題世祖實錄卷一崇德八年乙亥條云

和碩禮親王代善諸王貝勒會集以大位不可久虛定議以太宗之第九子嗣位共立誓書詔告天地公議和碩鄭親王濟爾哈朗和碩睿親王多爾袞共輔國政

依當日情勢多爾袞最爲有功且最機警依蒙古少子立嗣之制度則固有應立之關係惟當日人民屬望太宗之子乃以太宗第九子嗣位是謂

世祖其間多爾袞之力爲多朝鮮瀋陽狀啓云

十四日諸王會於大衙門大王發言曰虎口帝之長子當承大統云虎口曰福小德薄非所堪當固辭退去定策之議未及歸一帝之手下將領之輩佩劍而前曰吾屬食於帝衣於帝養育之恩與天同大若不立帝之子則寧死從帝於帝地下而已大王曰吾以帝兄當時朝政老不預知何可參於此議乎即起去八王亦隨而去十王默無一言九王應之曰汝等之言是矣虎口即讓退出無繼統之意當立帝之第三子而年歲幼稚八高山軍兵吾與右眞王分掌其半左右輔政年長之後當即歸政誓天而罷去所謂第三子年今六歲

是當非傳聞確係事實虎口即豪格九王即多爾袞是事多爾袞周折之力最多據世祖實錄卷二十二順治癸卯條云

攝政王多爾袞集調王貝勒貝子公大臣等遣人傳語云今觀諸王貝勒大臣但知諂媚於予未見尊崇皇上者予豈能容此昔太宗升遐嗣

君未立諸王貝勒大臣等率屬意於予跪請予即尊位予曰爾等若如此言予當自刎誓死不從遂立皇上以此危疑之時以予爲君予尙不可今乃不敬皇上而媚予予何能容

是多爾袞有立嗣之功日人內籐博士清代繼嗣問題一文記之最詳清初是否用蒙古立少子之制不可得其詳然繼嗣問題固爲清初重要之一事也

四建州部族之譯名建州民族其人名制度與吾國多異而譯名亦多不同然明代載籍譯建州人名作奴作鼠錫以狐狸犬兔之名獐鷹之官存心謾罵固無論已大氏清初其名物之名或取之蒙古或取之中國如皇太極即蒙古之皇太極章京即將軍之轉音其記名物制度之名者如陳仁錫無夢園集山海紀聞云

奴酋名號

號愍者主也

四男名湯罕
稱愍不出戰

號貝勒者子姪也

凡老奴子姪
孫正溫稱之

號恰者總督也

以真爲有號娥夫者駙馬也號姑嫗者女婿也凡愛者俱中配之人號孤山

者總兵也者不常此任號牛鹿者將官也俱不用中國人號獐鷹者千

把也亦以雜用號擺言者好漢也按軍中紅纓者最精也

此爲明代記建州名號者此雖未能允當然亦可見明代對於建州名物推測可見一般其記人名者明代記載與清代官書多有不同清實錄所記之名則漸從雅馴如逞加奴仰加仰歹商清實錄則作清佳努楊佳努岱善其祖先猛哥帖木兒作孟特穆董山作充善安羅作脫羅叫場作覺昌安塔克世作他失等類不能悉舉至朝鮮記載則更與明代記載不同大貝勒代善作貴永介皇太極作洪他失肅親王豪格作虎口碩託作小退英俄爾岱作龍骨大剛林作加隣亦作葛林希福作皮牌巴克氏作博氏八旗作八高山凡此之類不知幾何不知其事者多不易明大氏譯名一事在遼金元史極爲重要在清初歷史亦應注意然清初譯名經乾隆時改定者極多如能將清初未改之名及清人官修書之人名朝鮮人之

記載列表而對照之則取便於讀者多矣

五建州之遷徙及其疆域建州三衛之分置及建州衛由渾同江之東被忽刺溫野人所侵南遷於婆豬江之西南後又爲朝鮮所迫遷於興京西南虎欄哈達之地其遷徙之跡上文已略言之至其後併有諸部其疆域日廣日人稻葉岩吉曾有文考其事對於建州之遷徙言之頗詳然對於其後併吞諸部後之疆域若何此不可不研究者也

六遼東之部族當明代遼東部族極繁建州三衛海西野人女真及兀良哈三衛此其犖犖大者若清實錄所記滿州長白扈倫諸部所記尤繁即如一部族之中其酋名目亦至繁如明張鼎寶日堂集遼夷略所記以寧前而論其革蘭泰一種凡八枝廣寧錦義而論其土蠻懃一種凡九枝巖塔必一種凡十枝大委正一種凡三枝克石炭一種凡三枝向領市賞在鎮遠關其克石炭一種凡三枝領市賞亦鎮遠關其鬼麻一種凡五枝小歹青一枝市貢則在大康堡額參委正一枝市貢亦鎮遠關耿耿歹青青

歹青石保赤丑庫兒三枝市貢在大康堡其五路台吉一種凡七枝共十八箇而領市賞亦鎮遠關也其把伴一種入於泰寧凡二枝共十六箇而領市賞亦鎮遠關也泰寧諸夷虎喇赤一種凡五枝長男速把亥一枝凡二十二箇直廣寧海州西平東勝東昌等堡而領市賞亦鎮遠關也至萬曆後西虜則以伯耍兒抄花二族爲最勝若考而比之遼東部族之盛衰極有關係者也

七清初之征朝鮮及征蒙古建州與朝鮮爲比隣自與明代絕貢建州已不能自持於是不得不攻朝鮮在東北地域成爲一體而朝貢之入亦足以補明代賞給之不足其征朝鮮之役一在太宗天聰元年一在崇德元年在朝鮮之記載一爲丁卯虜亂一爲丙子虜亂朝鮮公私所記言之頗詳至插漢之歟附與明廷極有關係朝鮮即降則明廷之東邊亡插漢既與建州和則明廷之西陲闕此爲不可不研究之事也

八清初之軍制清太祖以遺甲十三副起家遂能雄視東方則其兵制編

製必有其故如清之中葉兵制已壞而曾國藩之練湘勇乃能所向無敵
兵制之改革與時局極有關係清初八旗之制在明代之記載陳仁錫無
夢園集山海紀聞云

奴酋統屬總統貝勒恰娥夫孤山牛鹿獐鷹擺言等酋貝勒八恰四
娥夫六孤山八牛鹿三百六十擺言共紅擺言千有餘各牛鹿所屬健
夷或五七名或十數名或三四十名各不等非如中國整營整隊連帥
什伍之節制

在清代之記載清史稿兵志云

設四旗曰正黃正白正紅正藍復增設四旗曰鑲黃鑲白鑲紅鑲藍統
滿洲蒙古漢軍之衆八旗之制自此始每旗三百人爲一牛录以牛录
額眞領之五牛录領以札蘭額眞五札蘭額眞領以固山額眞每固山
設左右梅勒額眞天命五年改牛录額眞俱爲備禦官天聰八年定八
旗官名總兵爲昂邦章京副將爲梅勒章京參將爲甲喇章京各分三

等備禦爲牛泉章京旗長爲專達又定固山額真行營馬兵爲阿禮哈超哈其後曰驍騎營巴雅喇營前哨兵爲噶布什賢超哈其後曰護軍及前鋒營駐防盛京兵爲守兵預備兵爲援兵各城寨兵爲守邊兵舊蒙古左右營爲左右翼漢兵爲烏真超哈孔有德之天祐兵尙可喜之天助兵并入漢軍九年以所護察哈爾部衆及喀喇沁壯丁分爲蒙古八旗制與滿洲八旗同崇德二年分漢軍爲二旗置左右翼四年分爲四旗曰純皁曰皂鑲黃曰皂鑲白曰皂鑲紅七年設漢軍八旗制與滿洲同

吾意清初之兵制決不如清代記載之複雜其內容當不必如是蓋當時本一部落無兵與民之分幾如零國皆兵故其勢極強及後國土既廣軍民分治而其勢漸弱吾師陳寅恪先生云清之八旗與遼金之紮軍有相似之處金代紮軍之制日人箭內互羽田亨藤田豐八及先師王靜安先生均有文紀其事惟清初之兵制則注意及之者尙鮮此不可不研究者

也近日人浦廉一有關於漢軍烏真超哈一文曾研究及之見桑原博士還曆紀念東洋史論文

九清初之財政日人內藤博士曾有清國創業時代之財政一文惜未見蓋明代建州諸夷其致富之道在於貢市明廷給勅以防衛之其次則在於請賞明廷羈縻諸夷賞賜不菲建州諸酋得依賴之清太祖奴兒哈赤氏初則斬克五十頗得賞賜繼併有諸夷貢市集於一身洎與明廷決裂賞賜不及乃征服朝鮮勒其入貢並得交通互市此亦清初財政之一因凡此諸事散見諸籍若考而比之與清初史事極有關係者也

十清初與佛教之關係建州與蒙古比隣受蒙古佛教之化實多其滿洲字之製造即由蒙古宗教家所爲明代袁崇煥之通遼遺問之使多遺喇嘛前往清代篤信佛教歷祀不替大氏佛教之傳入先由蒙古而次及西藏其後乃爲清廷懷遠之方策此皆有待研究者也

十一建州之風俗古昔所傳建州民俗桀桀矢良弓其俗善射若民初生以

石壓頭故其面扁其說荒誕滿洲源流考早已闢之惟其風俗若嚴從簡殊域周咨錄所記女直野人性剛而貪文面椎髻帽綴紅纓衣緣綵組惟袴不襪婦人帽綴珠珞衣綴銅鈴射山爲食暑則野居寒則室處其說亦頗與今之滿洲人衣冠相近若夫滿洲之傳說更有荒誕者若天女佛庫倫之說究從何處流傳而起據朝鮮之記載老獺稚之說近來日人今西龍朱蒙傳說及老獺稚傳說一文記朝鮮會寧一帶種種之傳說記之頗詳是可知天女之說即由老獺稚之說演變而成又如滿洲祭堂子神之說有滿文祭神祭天典禮一書惜未能詳其內容近人孟森清朝前紀謂堂子神即祭明將鄧佐征建州戰死建州人畏之故祭之云故其祭堂子神時跪時其像始展而跪起則其像已捲之矣或云爲一裸像或曰其像可畏故急捲之然此事皆與滿洲風俗有關傳說之演變有不可不知者十二清初史事詳於近而略於遠自太宗有實錄之作雖後多有修改然其事尙易明惟明代之建州除馬文升撫安東夷記荅上愚公東夷考略

稍記其事餘則記載更鮮若景祖福滿之記載無聞固無論已即如叫場塔失之事清太祖與李成梁之關係叫場塔失死時太祖年究有幾何明代記載有謂年四五歲者有謂其年十六七者以時考之天啓六年太祖崩年已七十是當時年已及壯可知凡此諸事固不可不注意者也

右明清史事問題特舉其大者而言之者然代遠年湮則史事演變清廷對於其祖先之史事惡其不文屢加修改更失其真故欲考訂清建國史事非博搜載記野史檔冊傳記諸書何以能得其真故下文專述清開國期未入關以前之史料其史籍可分爲四類

一 成於清初本身之手者

二 明代記建州之書

三 清人官修之書及近人著作

四 朝鮮人之記載及日本研究清初史事之著作

當時金石文字亦足參攷附於每篇之後茲綜而論之遼東諸族有文字

甚久若金之女真文間有碑碣流傳然識之者少太祖立國初用蒙古文字至己亥年天命前十七年始創修文字據清實錄及清史額爾德尼傳太祖用蒙古字以製成滿文命額爾德尼巴克什及噶蓋札爾齊酌定之未幾噶蓋因事伏誅額爾德尼獨成其事頒行國中此即用蒙古字寫滿洲文所謂無圈點之老滿洲文至太宗天聰六年以舊文不易諳識乃命巴克什以初學所應讀之十二字頭加以圈點因無圈點之字母上下字互相雷同不易區別故書籍中普通語言以舊字綴成考察上下文義多不能通曉人名地名尤易錯誤因加以圈點以區別同形異音之字且於漢字音頒寫滿文者於十二字頭之尾添以變化以示區別是謂新滿洲字即今通行者是也

此滿洲字制成之後用以書寫文書日記簡冊即後遺留之老檔用其所記之日記起居注諸文纂修實錄即今流傳之滿文實錄圖等書其二則用滿文以譯漢文之書籍天聰朝奏疏稿云卷上楊方興條陳時政疏云

一編修國史從古及今換了多少朝廷身雖往有名尙在以其有實錄故也書之當代謂之實錄傳之後也謂之國史此最要之事我全國雖有榜什在書房中日記皆係金字而無漢字皇上即爲金漢主豈所行之事止可令金人知不可令漢人知耶遼金元三史見在書房中俱是漢字漢文皇上何不做而行之乞選實學博覽之儒公同榜什將金字翻成漢字使金漢書共傳使金漢人共知千萬世後知先漢創業之艱難皇上續統之勞苦凡仁心善政一開卷朗然誰敢埋沒也

是清初用滿文以寫定實錄並以譯成漢文故實錄典章率有滿漢蒙文三本榜什即博士之意掌翰院之事者也奏疏稿卷下仇震條陳五事奏云

一曰譯書史簡明以便睿覽古來明聖帝王莫不勤好書史汗今好學將書史盡皆譯寫金國字樣誠天縱聰明堯舜再見但人君之學與衆人之學在章句者不同須得其精要古人云務博不如務約即中國宿

儒亦皆選精要專用工夫況國君機務甚多精神有限何能傍及煩史
昔唐太宗集古今書史凡係君道國事者編爲一冊名曰君鑑日夜披
覽成貞觀之盛治後世法之今汗宜選漢人通經史者二三人金人知
字法者三四人將各經史通鑑擇其精要有裨君道者集爲一部日日
講明則一句可包十句一章可并十章此舉約該博執要貫煩之法工
夫極簡明便易聖心一覽便知道理如在目前五帝三王不能過也
由上可知其第二功用則爲譯書今日流傳滿文譯本之四子書及說部
說尙可以獲見惟吾人可疑者滿文記載史事之書僅有老檔中諸文而
坊肆所發現者惟有文法字典說部諸書記載滿洲史事之書則頗不易
見然說部語法諸書究有若干董而理之亦深有意義之事也

檔案文字之意已明其檔冊存貯之地爲何王先謙東華錄天聰十一崇
德十年三月條云

辛亥改文館爲內三院一名內國史院記注上起居詔令收藏御製文

字凡用兵行政六部所辦事宜外國所上章奏俱令編爲史冊並纂修歷代祖宗實錄擬郊天告廟祝文功臣誥命諸貝勒冊文一名內秘書院撰與外國書及上賜敕書並諭祭文錄各衙門奏疏及詞狀一名內弘文院注釋古今政事得失進講御前侍講皇子并教親王頒行制度又大清會典事例卷十一云

天聰三年設文館於盛京十年改文館爲內三院曰內國史院內秘書院內宏文院順治二年以翰林官分隸三院稱內翰林院內秘書院內翰林宏文院十五年改內三院爲內閣大學士俱改內閣銜十八年復改內閣爲內閣史院內秘書院內宏文院裁翰林院康熙九年仍改內閣另設翰林院如舊制

自清入據北京內閣仍明舊制明代內閣之職掌據明史職官志凡上達之詔誥制書冊文下達之題奏表講章書狀文冊揭帖皆審署申覆爲存貯檔冊之地其內閣學士修實錄史志諸書則充總裁官會試充考試官

殿試充讀卷官清代承明之舊而地位較崇其權更重至順天康熙間纂修明史更搜輯明季史事東華錄載順治五年諭內三院云

今纂修明史闕天啓四年七年實錄及崇禎元年以後事蹟著在內六部都察院衙門在外督撫及都布按三司等衙門將所闕年分一應上下文移有關政事者作速開送禮部轉送內院以備纂修

是明代史料亦集於內閣之中但內閣之制至雍正間設軍機處而權勢稍衰趙翼曝燄雜記云

軍機處本內閣之分局國初承前明舊制機務出納悉關內閣如唐翰林學士掌內之制雍正年間用兵西北兩路以內閣在太和門外慮泄事始設軍需房於隆宗門內

至此內閣遂爲貯存檔冊之所及清宣統年間內閣大庫樓壞大學士張之洞奏請以大庫所藏書籍設學部圖書館即今之國立北平圖書館其舊檔則主銷焚幸上虞羅叔蘊先生振玉時充學部參事以檔冊關係史

事請於張氏罷免銷焚入民國後此項檔冊移於午門歷史博物館民國十年因經費支絀隨將檔冊八千餘麻袋售於紙商同懋增以重造新紙所謂還魂紙者也後經羅氏見之乃以四千元獲得復歸於羅氏先師王靜安先生爲作庫書記以記其事曾印行史料叢刊多爲清初罕見之史料其仍存於歷史博物館者蔡子民先生元培爲之請存於國立北京大學研究所國學門即今明清史料會所整理之檔案也後上虞羅氏以此項檔冊讓與江西李盛鐸木齋民國十八九年間吾師陳寅恪馬叔平先生衡請於當事以二萬元歸於國立中央研究院歷史語言研究所即今所印之明清史料是也吾友徐中舒爲內閣檔案之由來及其整理一文記之甚詳日人內藤湖南博士清開國朝之史料一文言清初史事頗確此節即節取其意由上之文吾人於檔案內容可分爲三類

一清代未入關以前之檔案存於遼寧故宮博物館之崇謨閣即今崇謨閣之舊檔

二清代入關後之檔案在內閣大庫以外尙保存於宮中者即今清故宮之檔冊

三內庫大庫散失後之檔冊流傳至北平圖書館上虞羅氏北京大學研究所中央研究院今各處所整理之檔冊皆是

凡此皆清初史事之大略也清初之史事已明其檔冊之名辭有不可不注意者今先言檔字之名辭官署案卷清初稱爲檔子內閣有滿漢檔字房楊賓柳邊紀略云

邊外文字多書於木往來傳遞者曰牌子以削木片若牌故也存貯年久者曰檔案曰檔子以積累多貫皮條掛壁若檔故也然今文字之書於紙者亦呼曰牌子檔子矣

文書之名辭足以辨年代之真偽識一時之風氣然此爲專門之學非倉卒間可以解釋楨曾訪於楊雪橋先生鍾羲楊君熟於明清掌故之學承其解答錄之於後

紅本 奏本用白摺題本黃面紅裏故稱紅本

題 題本以別於奏本奏本直達御前題本由閣票籤多例行事件

揭帖 簡明說帖參劾曰揭參呈報曰揭報

塘報 隄塘送遞之報奏報呈報皆是

題行稿 行者行各衙門具題之件分行各該衙門

書簡 公事說帖

以上六則嘗見於檔冊之中雖此寥寥之數語亦於研究清初史事不無小補者也

至於明代人對於建州之記載當以明十三朝實錄較爲準確其中天啓四年七年兩年之記載爲順治二年開修明史館時爲馮銓所盜竊又無崇禎一朝然其書按年記載而尙未被清廷之修改萬季野斯同之修明史最憑實錄已先言之洎夫邊事日急朝野熹談兵事凡奉使邊事者無不有著述若熊廷弼之按遼疏稿張鼎之寶日堂集孫承崇之督師紀略

王在晉三朝遼事實錄邊事一時有一時代之不同讀此最可見當日之情勢其它在野之士亦憊爲兵事之談若明張一龍之武庫纂略蘇門山人郭滄之東事書雖不無書生之見然一鱗一爪亦可以見當日之史事惟自清乾隆開庾申禁書之令書多不傳今幸時異日遷燬禁之書稍稍間出以吾人所已見者其記建州事者依其性質可分爲三類

一專記建州史事之書若馬文升撫安東夷記蒼上愚公東夷考略天都山臣女直考等類是也

二記遼東之方志若遼東志全遼志等類是也

三籌遼方策之書若程開祐之籌遼碩畫喻龍德之秘書兵衡張一龍之武庫纂略等書是也

其他專記一人一事之記載若李清記斬毛文龍始末錢謙益之孫高陽行狀等類可以見一人或一域之情勢若夫明代之著述兼記遼東事者若何喬遠之名山藏嚴從簡之殊域周咨錄等書若能別而出之則明代

對於遼東史事之真像大略可見矣若清代官修之書則在凡改舊事滅沒史蹟即如清初太祖太宗世祖實錄爲史事之最確者然太祖實錄始修於天聰十年日人內藤博士謂崇謨閣之太祖實錄圖即最初之本未知確否但觀故宮博物院所藏之實錄一修於康熙二十五年再修乾隆四年其後歷朝遞有修改其事實亦不知失去凡幾詳載下文至若清乾隆間所纂之皇清開國方略滿洲源流考王先謙東華錄依一改再改之實錄而鋪張揚厲之則去事實更遠矣然亦不可知其修改之跡也至若朝鮮與建州爲毗隣自太宗征服朝鮮之後朝鮮嘗遣子入朝今流傳有瀋陽日記瀋陽狀啓諸書清初史事不彰者尙可於朝鮮載記中見之自民國改元人士乃稍稍研究清初史事若近人章炳麟之清建國別記孟森之清朝前紀此其犖犖大者海東日本亦憲研治其事若滿鮮歷史地理研究報告滿蒙叢書記載清初史事尤詳其治滿洲史事者若內藤虎次郎稻葉岩吉今西龍諸君均有文以記其事此吾國人所不可不注意

者也

右既舉清開國史料之大凡然吾所以謂整理史料之重要者其故即如上所云清官修之書一在肥改舊文二在沒滅史蹟茲先就肥改舊文處言之

一實錄歷次之修改日人內藤博士清開國朝之史料云

凡言中國之史料正確官修之記錄無論何朝當以實錄爲第一但實錄之性質往往本朝之臣子記錄本朝之事故有關避諱之事記載不詳者頗多如宋朝政治上黨派之激爭與明朝帝系之障礙此事實錄多有修改可信之程度甚低因此清朝之實錄究竟有幾分可以相信不可不先加考慮就此實錄言之有必注意者清三朝實錄寫本實已早傳於日本即清太祖太宗世祖三朝是也此三朝實錄文化四年卹山芝塢永根氷齋二人抄錄成書名清三朝實錄採要十六卷出版行世一時中國遊日者因本國實錄不易獲見頗喜採購其書此種實

錄探要尙有簡略抄本即大清三朝事略二卷刊行於寬正十一年反在探要本之前留傳日本之實錄與北京奉天所藏之實錄是否一樣尙不可知吾之所以發此疑問蓋以現在通行之蔣良騏之東華錄與王先謙之東華錄均係由實錄抄錄而記事體裁與傳抄本頗有不同之處例如滿洲蒙古所用之名字傳抄本實錄與東華錄多有不同如官名與人名並記之時照滿洲書法人名在上官名在下如博而晉蝦博而晉人名蝦乃官名侍衛之義然東華錄則作侍衛博而晉剖此疑問所得之結果傳鈔本之實錄乃鈔之康熙年間之纂修本東華錄所根據之實錄乃乾隆後所修改者其故因清太祖之謚法傳鈔本作太祖承天廣運聖德神功肇紀立極仁孝睿武弘文定業高皇帝乃康熙年所改定其後雍正元年於睿武弘文間加端毅二字乾隆元年又端毅下加欽安二字此考查之結果清朝之實錄有一部分已經修改傳鈔本實錄乃最初之記錄比官修本較爲質實

右言實錄之修改及謚法遞次之加增書官爵例由滿洲之俗而漸變爲漢俗已失本來面目

二刪改舊文徵諸檔冊清太祖實錄稿本其七大恨誓師之文其原文本極馴順尙不敢有叛明之文凡三加改定始成今通行七大恨誓師之文又平定朝鮮三田渡紀功碑其首句爲以壞和自我始赫然一怒以武臨之頃見北平圖書館藏清太宗實錄殘本改爲以我實始敗和赫然一怒以武臨之金石文字尙可更改則舊文被刪改者多矣

三粉飾事實據日人內藤博士清開國期史料一文清太祖之妃大福晉賜死一事似於太祖之子爭立有關實錄稿本曾紀其事而修改之本則無又如太宗之嗣位將帥之擁立世祖諸事其內政頗不能和穆朝鮮記載曾紀其事而實錄反無至於人名官名其初則質野無文至修改之書則一歸於雅馴如獐鷹改作章京猛哥帖木兒改作孟特穆之類是也所謂沒滅史蹟者有三

一明廷征服遼東北至黑龍江庫頁島諸地爲自唐征服遼東以後武功僅有之事明史則云明代疆界僅北及開原鐵嶺清光緒間曹廷杰發現明永樂間奴兒干永寧寺碑而後知明代邊疆遠及塞北荒寒之地而明人記載如彭孫貽山中聞見錄等書亦記其事使無此記載則後人將不知明代武功之遠及索倫諸部矣

二建州之名載在明人著述彰彰可考乃明史地理志不記建州之名列傳亦不記其事如馬文升之撫安東諸夷董山之叛本傳記之極略使無撫安東夷記一書則明初建州之情勢將更益暗然至李成梁之築寬奠六堡幸明史李成梁張學顏傳少記其事其他若畢恭之築邊牆事爲明史所無此皆有待於野史之補證者也

三清初史事至乾隆以後惡其不文頗多避諱如滿洲國號在關外時本無此名徵諸史冊歷歷可見至入關以後凡有金國汗之名悉改爲滿洲然舊存檔冊不可掩也又如順治之稱多爾袞爲皇父後世亦多諱之其

他若其先也服從明代之事及其族中爭立之蹟非徵諸檔冊及朝鮮人記載何以能知其事至康熙以後清廷所諱之事尤繁此不可不研究者也

餘若明代征遼諸將若熊廷弼袁崇煥孫承宗諸人明史事實率多缺落如孫承宗之傳與錢謙益所撰之孫高陽年譜相較則簡略實多至明人之記載若馬文升撫安東夷記葉向高之女直考記明初建州之事極詳王在晉三朝遼事實錄記遼事之建置頗明若上愚公之東夷攷略海濱野史遼州私志記遼事始末最確張鼎之遼夷略記兀良哈三衛部族最晰何喬遠名山藏王亨記記衛所之名獨備嚴從簡之殊域周咨錄記建州之風俗鄭文彬之籌邊纂議記阿哈出之內附程開祐之籌遼碩畫記籌遼之奏疏之始末然而當時野史鈔綴成文襲人之說或存心謾罵羌無故事者亦所在多有蓋攷訂史料之事在於排比舊說去其重複考其源流列爲長編或攷訂舊事創爲新史史料既富則真象自明如其故爲

創見不如信而闕疑至於審定史事辨別真僞是在讀者而已民國十九年大除夕草成於國立北平圖書館

清開國史料考卷一終

清開國史料考卷二

安陽 謝國楨 輯

目錄一

滿洲實錄八冊

遼寧故宮博物院崇禎閣藏本

不知撰人名氏按清初太祖太宗兩朝實錄檔冊爲肇治清初史事者不可少之書前清盛京之崇謨閣北京宮禁內閣諸處皆有存貯惟內閣所存實錄檔案在康熙乾隆時已屢經修改崇謨閣所貯存者雖亦加後人修改然較內閣諸本則必少勝故極爲國內史學家及日俄之學者所重視今據著錄編次於後日人內藤湖南博士肇治清初史事極精近著讀史叢錄彙輯生平史學著述內有清朝開國期之史料一文於清初史料之分類時代之斷定極爲允當而對於清初關外之史料言之尤詳故擇要譯其文附之於各篇之後清初檔案之次序即照

其文以編入

清開國期之史料云存於奉天之實錄藏於崇謨閣中者有滿文漢文兩種此閣中除實錄外尙有聖訓滿漢兩文及其他重要之史料其中於實錄最相近者爲標題滿洲實錄之書此書凡八冊爲繪圖寫本用滿洲蒙古漢文三種文字並寫其記事殆與太祖實錄相同其圖畫始於長白山三神女之傳說以及太祖一代事跡末方附記左向數語云實錄八冊乃國家盛京時舊本敬貯乾清宮恐子孫未能盡見因命依式重繪二本以一本貯上書房一本恭送盛京尊藏傳之奕世以示我大清億萬年子孫毋忘開創之艱難也

原本存於乾清宮其存亡未可知至此本之由來太宗實錄天聰九年八月乙酉條云

畫匠張倫張應魁恭畫太祖實錄圖成賞倫人戶一牛一頭應魁人戶一

故盛京所藏尙是傳寫之本畫中太祖太宗之面貌幾乎皆有一定表示一種特異之像似有所根據傳鈔本之實錄與崇謨閣之實錄與之比較可以得其史料之價值傳鈔本實錄所記當太祖病時正妻大福晉者吳喇國滿大貝勒之女也時年三十七歲大福晉原係後妻前之嫡庶所出頗衆大福晉所出有睿親王豫親王等其異腹兄弟諸貝勒承太祖之遺囑強請大福金從死大福晉屢被強請著禮服飾金玉珠翠之物託幼子與人而殉焉傳鈔本載此事而東華錄則無但滿洲實錄記載此事極詳而崇謨閣所藏之官本實錄關於大福晉殉死之事則未載入由此觀之傳抄本實錄與滿洲實錄乃質實最初之記錄故避諱之事較少而乾隆重修之實錄則滿洲之不名譽之事刪除較多矣

以上研究之結果清開國期之實錄傳鈔本最可信據至繪圖之滿洲實錄關於太祖一代之事跡與傳鈔本有同等之價值而滿洲實錄有

滿蒙兩文對於滿洲蒙古兩種文字正
閣所成各朝實錄皆有滿文副本惟寧
鈔之本無滿文是其所短耳至內閣十
文康熙乾隆兩度重修其跡甚明

按槓至遼寧晤金息侯先生梁據云
檔時屬宮禁之地時金氏總管其事
得縱觀閣中之書但約以不爲發表
外復影滿洲實錄圖八冊五體文清
世至滿洲實錄圖乾清宮尙存貯一
貢氏復轉鬻於日本矣國中史料日
崇謨閣漢文舊檔六冊

遼寧故宮博物院藏

不知撰人名氏按清開國期之史料
其中有一冊係重複實有五冊其內容

一各項稿簿一冊

二朝鮮國來書簿三冊

三奏疏稿一冊

第一種所謂各項稿簿者乃蒐輯鈔錄自太宗天聰二年九月起至天聰五年十二月份來往文書也其目爲

金國汗致朝鮮國王書十七通

下八旗國山川勅諭

下各漢官勅諭蒙古軍民人等

下官生軍民人等勅諭

下各城屯堡秀才八通

下皮島副將陳毅盛等勅諭

下國汗及執政千總勅諭

下遊擊李獻職勅諭

馬卷之二

三

國立北平圖書館

下頒行各官及諸門人勅諭

下傳八箇山下各官民勅諭

下各將親世勅諭

下駙馬中漢人修養性勅諭

下僧綱司官勅諭

下靖安司住民孟安邦勅諭

下與朝錄司會事府咨

下金將領宣生軍民人等勅諭

下禮部勅諭三官員

下兵部傳行八門上勅諭

附錄金國汗致都府來書七通

此外尚有瑣細記事頗多所謂金國汗者即清太宗據實錄所載此時應稱滿洲皇帝而事實仍稱金國汗此等事跡存留於奉天省各地刻

石又與明代及朝鮮所記載相符知此爲真確之史料書中所謂毛大將軍指明毛文龍祖大將軍指明祖大壽此中事實未被實錄所採錄者甚多其被採錄者蓋皆經修飾亦不存本來面目此等文書於未入關前之政治外交等事極可得其真相

朝鮮國來書簿第一冊自天聰元年起至八年十二月止第二冊天聰九年起至崇德四年十二月止第三冊崇德五年六月事記太宗第一次征伐之經過此國書之遺留據朝鮮之同文彙考第二次征伐以前之國書彙考所不載朝鮮實錄載不載不得而知但清朝實錄未被採者頗不少因之有此書而兩國交際之變態其再戰之原因乃得明瞭奏疏稿者自天聰六年正月起至九年三月止諸臣奏疏之蒐輯如刑部承政高鴻中新副將張弘謨等參將高光輝遊擊方獻可參將姜新服生員孫應時禮部侍郎李伯龍秀才高士俊總兵佟養性廂紅旗相公胡貢明秀才馬國柱書房相公王文奎相公江雲深廂白旗副將孫

得功書房鮑承先整白旗備禦劉學成書房秀才李棲鳳藍旗總兵官馬光遠書房秀才楊方興兵部啓心郎丁文盛趙福星整黃旗下副將祖可法凌河備禦陳延齡總兵官麻登雲整白旗下隱士扈應元整白旗下遊擊佟整永平府新人徐明遠大凌河都司陳錦生員沈佩瑞新順生員楊名顯等整紅旗牛祿章京許世昌俘臣仇震等明之降將孔有德尙可喜又所謂韓輓范文成等所存奏疏甚多尤爲降將所上策略大抵爲滅明之計廉恥道喪醜態畢露此皆實錄所未採皆貴重之史料也至於官名之書法例如章京書爲相公正黃旗與整黃旗兩用足以想見制度草創之際尙未有一定之狀態可以想見奉天之十餘里塔灣之刻石以章京爲將軍等於此相合此項舊檔於明治三十八年與東京市村教授共同用藍寫真全部錄出

按各項稿簿已於日本史苑雜誌陸續印出奏疏稿羅叔蘊先生已印入史料叢刊中題天聰朝臣工奏議羅氏以爲內閣大庫物實即此本

也據金息侯先生言與原書略有更改耳

滿文老檔一百七十九冊

遼寧故宮博物館崇禎閣藏本

不知撰人名氏清開國期之史料云崇謨閣所藏之史料關於清開國期最大關係者爲滿文老檔此項老檔有兩種寫法一爲舊滿洲字一爲新滿洲字

Tongi fuka aku herge i dangse

無圈點之檔子

此題舊檔

Tongi fuka sindaha hegê i dangse

加圈點之檔子

此題新檔原始滿洲字用蒙古字母記載其滿洲文之創造始於太祖己亥年天命前十七年其創始之事據實錄及國史額爾德尼傳皇朝通志所記太祖用蒙古字以製成滿文頒行國中命額爾德尼巴克什及噶蓋札爾固齊酌定二人辭曰蒙古字者臣等習知之相傳已久未能更製太祖諭之曰漢人讀漢文凡習漢字或未習漢字者亦皆知之

蒙古人讀蒙古文未習蒙古文字者亦皆知之今我國語不以蒙古文讀之未習蒙古文者則不能知如何以我國之語製字爲難反以他國之語爲易耶二人對曰以我國語製字最善但更製之法尙未能明太祖因語曰阿字下加一麻字豈非阿麻乎父之額字下加一墨字豈非額墨乎母之以蒙古字及滿洲語相和聯綴成句即足因文見義吾籌之已悉爾等試書之何爲不可二人因太祖明斷尊旨編輯不久噶蓋因他事伏法額爾德尼獨擬製成奏上裁定頒行國中此即用蒙古字寫滿洲文所謂無圈檔案舊滿洲字是也然滿洲蒙古文字頗有不同例如蒙古字 *Kha. sha* 發音滿洲語 *Ka. ha. ga* 二音通用故爾 *ga* 與奴僕 *nu. ta* 此二字語音混同不清戶口之戶 *baigon* 與泥土之土 *boihon* 多混同魚刺 *haga* 與男子 *haha* 混同在此處不免發生困難因此太宗天聰六年三月命巴克什以初學所應讀之十二字頭加以圈點因無圈點之字母上下字互相雷同不易區別故書籍中普通語言以舊字綴成考察上下

文義多不能通曉人名地名尤易錯誤因加以圈點區別同形異音之字母且以漢字音頒寫滿文字者於十二字頭之尾添以變化所以往往連寫兩字以漢字之表見於切音以漢字之裏表示其精當此即新滿洲字加圈點之檔案也以新舊二種文各寫一通因此二種文字皆比較爲時甚早之記錄故稱老檔所謂檔字者即記錄檔冊之意義也此製字之額爾德尼其名與後藏班禪額爾德尼有相似之處歐西人認以爲西藏人其實錯誤額爾德尼原係滿洲人都英額地方之納喇氏也此老檔之內容即太祖太宗兩朝之記錄今記其目於後

太祖第一套	四冊	丁未年正月乙卯年四月十二月	明萬曆四十四年至四十七年
太祖第二套	九冊	天命六年正月辛未年五月	明天啟元年
太祖第三套	九冊	天命六年正月辛未年五月	明天啟元年
太祖第四套	九冊	天命六年正月辛未年五月	明天啟元年
太祖第五套	十一冊	天命七年正月至六月	明天啟二年
太祖第六套	八冊	天命八年正月至五月	明天啟三年
太祖第七套	九冊	天命八年五月至十一月	明天啟三年
太祖第八套	七冊	天命九年正月至十一月	明天啟四年
太祖第九套	六冊	天命十年正月至十一月	明天啟五年
太祖第十套	九冊	天命十年正月至十一月	明天啟六年

太宗第一套 八冊 天聰元年正月至十二月 明崇禎七年

太宗第二套 七冊 天聰二年正月至十二月 明崇禎元年

太宗第三套 五冊 關於毛文龍之記事 天聰三年正月至十二月 明崇禎二年

太宗第四套 七冊 天聰四年正月至四月 明崇禎三年

太宗第五套 六冊 天聰四年五月至十二月 明崇禎二年

內第三十三等書 並遺書 給滿漢官員官銜勅諭檔子

太宗第六套 五冊 天聰五年正月至八月 明崇禎四年

太宗第七套 六冊 天聰五年八月至十二月 明崇禎四年

太宗第八套 六冊 天聰六年正月至二月 明崇禎五年

太宗第九套 六冊 天聰六年三月至六月 明崇禎五年

太宗第十套 五冊 天聰六年七月至十二月 明崇禎五年

內第十一套 一冊 天聰六年之檔案六件不記年月者 明崇禎五年

太宗第十一套 六冊 崇德元年正月至三月 明崇禎九年

太宗第十二套 六冊 崇德元年四月至五月 明崇禎九年

太宗第十三套 七冊 崇德元年六月至八月 明崇禎九年

太宗第十四套 七冊 崇德元年九月至十一月 明崇禎九年

太宗第十五套 六冊 崇德元年十一月至十二月 明崇禎九年

以上諸書從天命紀元前九年起至崇德元年止三十年間日記體裁
天聰七八年及天命七年下半年均殘缺其它尚有殘缺之處實錄中
太祖不過八卷此老檔有八十一冊之多太宗在位十七年實錄不過

六十七卷老檔七年有九十九冊之多尤爲崇德元年初稱大清國號上皇帝尊號時一年有三十八冊之多假使滿洲文與漢文相較篇幅多卷帙相同則其事實當更加詳密無疑至其內容余尙未十分考察但爲清開國期第一等之史料可斷言也此老檔之由來據太宗實錄天聰三年夏四月丙戌條有云

上命儒臣分爲兩直大海榜式同剛林蘇開顧爾馬渾托布臧等四筆帖式翻譯漢字書籍庫爾纏榜式同吳巴什查蘇喀胡丘僇霸等四筆帖式記註本朝得失以爲信史

傳鈔本實錄

記翻譯記注之事除此條外前此尙無明白之記載但就老檔考察太祖創滿洲字不久即開始記錄天聰三年又將翻譯及記錄分開此極進步之事也按以上記事大海榜式即達海巴克什因康熙時修改而音相異者榜式巴克什音從博士二字轉來在滿洲語即文人之意庫爾纏榜式改修本作庫爾禪巴克什至筆帖式從蒙古字必闡赤所出

即學士之意後乃爲滿洲司書記之事微小之官名

如前所云加圈點者爲新滿洲字天聰六年所曾經改定者老檔大部分舊字即無圈點檔案可以推知然現存老檔及寫定之歲月尙不明瞭大概寫定於乾隆之時其時或因發見檔案已殘腐故重加修改乃成現在之體裁因處處可見到有用絹所書原檔殘缺字樣黃箋貼附蓋改寫之際舊字本難讀乃更改定新字本可以推測而知其已成於新字改定之後而關於崇德年間紀事舊檔則因乾隆帝憲體裁整潔故無圈點之檔案亦添加圈點矣此記錄發現七年後至今已影寫四千餘張現在正在整理不久即可完成此新鮮寶貴之史料當可供研究者之自由利用此外藏於內閣大庫中者近年已交與學部關於清初文書當屬不少據清光緒二年調製清查東大庫底檔可以推知其中可以與老檔匹敵或竟在老檔之上固在意中事也

金國外藩各蒙古貝勒致朝鮮國王推戴太宗書

遼寧故宮博物館藏本

不知撰人名氏是書記金天聰十年即崇德元年金使英俄爾岱馬福塔至義州並齎此書朝鮮人不附此意卒起丙子之戰見日人中村榮孝滿鮮關係之新史料朝鮮國來書簿記太宗第一次之征朝鮮此篇記第二次之征朝鮮可以相補証

滿洲老檔譯本一百七十九冊

遼寧故宮博物館藏稿本

滿洲老檔秘錄十卷

鉛印本

近人金梁息侯等譯日人內藤湖南博士本題爲滿文老檔此題曰滿洲老檔各從本文故兩用之老檔譯本東海徐氏藏有鈔本據云未曾譯完戊午秋金息侯氏摘錄其要輯爲二卷名曰老檔秘錄前有自序徐世昌序林紓序趙爾巽跋擇其有關史事錄於後

自序云盛京故宮舊藏滿洲老檔一百七十九冊分紀天命天聰崇德朝事多三朝實錄開國方略東華錄所不載見所未見聞所未聞誠三百年來之秘史也原本爲無圈點體滿文其字近蒙古與通用滿洲文

字不同繙譯至難經滿漢文學士十餘人之手費時二載今始脫稿當分編百卷以卷帙過多校刊非易遂擇要摘錄名曰滿洲老檔祕錄分上下兩編先付繕印此不及全書二十分之一以索觀者多聊快先睹云爾戊午中秋瓜圃老人金梁

趙跋云盛京大內崇謨閣藏有舊檔二種一爲滿文百數十冊所載皆太祖太宗朝事編年分紀金息侯總管輯譯成書世傳滿洲老檔是也一爲漢文六冊分載勅諭奏疏及朝鮮國書皆天聰崇德年事息侯錄副編次名曰崇謨舊檔即是編也息侯留心掌故抱殘守闕嘗輯刻國故零刊十數種名爲瓜圃叢刊自撰叙錄流傳海內外無不重之是編所錄奏疏皆開國儒臣密籌帷幄有署書房秀才者即後來上書房南書房所自本想見草創規模之簡略焉羅叔言參事刊大庫史料曾取以編入與他種同託爲庫書其實非也蓋即崇謨舊藏耳崇謨兩檔久爲各國所重視日本早攝照爲圖俄德學者亦時訪息侯研討滿洲並

借影其副本以去而邦人知者轉稀惜滿文老檔冊帙過多未易付印是編當早刊行既免散失且補國史所不及幸息侯速起圖之无補老人趙爾巽

據金息侯先生言識滿洲老檔之字者極尠當譯書時請滿洲翰林數人從事編譯彼亦不識其字也乃就官修開國方略等書與之約略相同者即鈔錄其文不同者乃以意譯之即彼亦不敢自信也似此書者雖譯亦等於未譯若能孰諳其文董而理之亦盛事也

右遼寧滿洲老檔

清太祖高皇帝實錄十三卷

故宮博物院文獻館藏本

內閣史院大學士希福等修鄂爾泰等奉勅重修是書據乾隆四年修改本原題曰大清太祖承天廣運聖德神功肇紀立極仁孝睿武端毅弘文定業高皇帝實錄今據封面題從省滿洲歷史地理引用書目提要云此書編於天聰十年康熙二十年改修二十五年年成乾隆四年

又更改修最初之實錄不能得其詳惟內簾博士以奉天崇謨閣太祖實錄圖即原書之底本而加畫者第二三次之改修本已傳至日本內閣文庫所貯存者是也蔣良騏之東華錄即依照此書第三四次之改訂本奉天崇謨閣亦有藏本爲黃緞裝訂朱絲本王先謙之東華錄即依乾隆之改修本也乾隆本有乾隆四年御製序張廷玉序進實錄表康熙二十五年序纂修凡例爲最後所加擇要錄之於後以見其改修之跡

乾隆四年序云太宗文皇帝繼天登阼命儒臣敬輯實錄規模略備聖祖仁皇帝復加蒐考修纂成書藏內府並貯史宬惟是山川疆土以及臣僚名氏前後間有異同清漢之文或簡或繁未經畫一皇考世宗憲皇帝懼有舛訛特開史館重加校訂按日進呈親爲閱定朕續承丕緒仰體前徽用復潔誠披覽卷帙如舊繕錄一新祇祇乎規開國之鴻謨昭垂統之大業

張廷玉進實錄表命臣鄂爾泰等虔開內府之函慎檢史歲之帙凡風土山川之未備用竭搜羅或臣僚姓氏之偶譌重資考訂體歸畫一歷五載而竣功文勿紛歧殫衆心以歲事恭校成太祖高皇帝實錄合凡例目錄滿洲蒙文漢文各一十三卷聖訓滿蒙文各四卷繕寫進呈康熙二十五年序朕惟帝王誕膺圖籙混一寰區經營締造之勤日不暇給矣於以承叙萬年詒謀百世金匱石室之藏勳猷爛焉煌煌乎上聖之宏模太平之駿業也太祖承天廣運聖德神功肇紀立極仁孝睿武弘文定業高皇帝躬首出天姿維持之運上承乾春下順人心當起兵之初屬犀兕者僅十有三領而戰勝攻克靡堅不摧應變雷動乘機電發用能覆九姓之銳師掃四路之勁旅諸部羣雄以次剗削遼瀋之域悉歸我有何其盛也朕嗣守丕基作求世德觀耿光而如在對方策以通追特命儒臣詳加纂輯朕復敬慎考詳悉心裁定爲實錄合凡例目錄共十二卷朝夕式觀以申繼序紹庭之志

修纂凡例

一皇朝發祥之始書自肇祖原皇帝以後世系備書

一諸貝勒大臣等奉表勸進上首登大寶告天御殿羣臣朝賀儀注書

一諸進上尊號書

一祭天堂子祭素諸祀典書

一起居之始出奇制勝以克衆書

一躬親征討剪滅羣雄備書

一命將出師指授六略及凱旋宴勞書

一各國來侵神武聖算殲其衆書

一設八旗兵制書

一創設滿洲字者

一始定國政立法制書

一置理政聽訟諸大臣及樹二木以達民隱書

一設固山額真以下牛衆以上各官制書

一設八大臣副八和碩貝勒共理國政書

一設總兵以下官制書

一遠近諸部盡入版圖書

一烏喇達葉赫輝發四國興廢本末書

一遷都築城建立宮室書

一擢用賢能恩禮優渥書

一愛惜材勇宥罪授官書

一始興屯田重農敦本書

一開理財源立法互市書

一崇尚節儉書

一優禮宗親書

一立后妃書並聘諸國安爲諸皇子妃及筵宴賞賚亦書

一諸國朝謁貢獻耆宴賚並書

一公主下降諸國書

一與諸國通好盟誓書

一以書遣明及蒙古朝鮮諸國書

一諸國遣使並書辭書

一天休華集星氣呈祥備書

一諸國災異書

一撫馭蒙古諸部落恩威互用以收人心書

一俘獲敵國文武將吏不加誅戮量材授職書

一俘獲兵民家養得所書

一降附兵民給妻子田廬書

一俘獲官員有抗節捐生者嘉其忠義以禮優書

一訓誡皇子諸貝勒備書

一訓誡公主格格等備書

一誠諭文武諸臣備書

一頒示兵法書

一頒示酒誡書

一奉還陵園書恭迎視饗儀注備書

一皇后崩皇弟皇子薨亦書

一大臣卒書上躬臨其喪恩禮有加亦書

一建諸神祠書

清太宗文皇帝實錄六十七卷

故宮博物院文獻館藏本

禮部尙書武英殿大學士覺羅勒德洪等修原題大清太宗應天興國弘德彰武寬溫仁聖睿孝隆通顯功文皇帝實錄今並從其封面題此書修於順治九年迄未成功康熙十二年開史局重修二十一年修成乾隆年間修改本王先謙東華錄所依據者也茲綜其叙例於後

武英殿大學士覺羅勒德洪等康熙二十一年進實錄表略云獨念文廟一朝實錄曾經章皇申命重編未告成書特開史局於康熙十二年八月命臣圖海爲監修總裁官遂歷歲時恭成太宗文皇帝實錄合目錄凡例滿洲蒙古漢文各六十七卷繕寫進呈

實錄序云朕惟天生聖人經綸草昧以光前而啓後其神謀睿慮度越百王非簡策所能悉載而創業垂統之規致治戡亂之略見諸設施而傳諸信史固可爲世世子孫法也我國家開基東土太祖高皇帝誕膺天眷肇造有邦我皇祖太宗應天興國弘德彰武寬仁聖睿孝隆道顯功文皇帝以聖神文武之資繼承令緒式廓弘圖踐祚伊始即早夜孳孳惟定國安民是務自是建官分職綱舉目張持賞罰之平謹賢奸之辨嚴貪黷之禁開諫諍之途稱農桑以固邦本談科目以羅羣彥情不隔於尊卑人無歧於新病一時景從豫附之倫咸欣欣仰戴如父母焉至興師討罪仁義並施往往稱天以臨示非得已而戈鋌所指無不畏

威懷德稽首來王如朝鮮兩征而島人職貢蒙古屢伐而諸邦稱臣凌
錦松杏相繼攻拔撫綏其人民收服其將士而關門險隘悉爲我有大
一統之規模燦然畢具矣總之興師以不嗜殺爲心立國以善養人爲
本羣情皆附則天命斯歸十七年之間文教覃敷武功燁赫版圖日闢
而景運寢昌良有由也洪惟皇祖勲德隆盛應有紀載昭示來茲舊編
實錄六十有五卷皇考世祖章皇帝嘗命和碩鄭親王等重加校閱未
及歲事朕嗣服丕基仰承遺志特命儒臣蒐討訂正纂輯成編卷帙如
舊於戲構大廈者非一日之基建弘業者非一朝之積書不云乎鑒於
先王成憲其永無愆凡我後人思櫛風沐雨之維艱知保泰持盈之不
易則考展斯錄以率祖攸行庶克享萬年有道之長也已

修纂凡例

一登極上尊號祝詞誓詞禮儀宴賚書建國號改元詔赦皆書

一立后妃並冊封和碩親王多羅郡王貝勒固山貝子福金公主格格

皆書公主格格下嫁外藩諸國亦書

一建立郊壇宗廟歲時祀享及祭山陵堂子拜享神遣官祭先師孔子
皆書有宴賚亦書

一追崇烈祖王爵恭上皇考皇妣尊諡書功臣配享亦書

一詔書上諭勅諭皆全錄

一遣書明國降勅朝鮮及外藩蒙古諸國通使往來書賚示招撫亦書

一上親征祭告太廟詣堂子行禮書宣布捷書亦書

一上親統大兵入關及親征蒙古平服朝鮮書外藩蒙古來歸屬國遣
子入侍亦書

一大閱巡幸出獵書有宴賚亦書

一皇子生書

一立皇子福金書諸王貝勒貝子納福金書

一設立大駕鹵簿書賜內外親王郡王貝勒貝子公主格格儀仗亦書

一命將出師指授方略及軍中馳報機宜皆書獻俘
一命諸王貝勒大臣統師出征上出郊拜天誠諭啓
書

一每歲聖節元旦冬至行禮慶賀宴享書頒歷亦書
一外戚來朝迎宴禮儀書進貢儀物亦書

一召內外諸王貝勒文武大臣入宮賜宴書諸王貝
書

一封異姓王公授印邦章京以下牛录章京以上世
一外藩貝勒大臣明國將士來歸書遣官宴勞亦書
一初立八旗定官制書

一更定馬步兵噶布什賢兵擺牙哈喇兵守兵援兵
一以有功臣專管牛录書

一設內三院衙門分別職掌書

一設六部衙門命王貝勒管理部務書

一授議政大臣內大臣書有罪削奪亦書

一文武大臣官員自大學士以下副理事官等以上固山額真以下牛

录章京等以上纛章京以下擺牙哈喇章京等以上除授降黜皆書

一更定宮殿門名書

一更衣冠制度書

一諸貝勒大臣行聞著績賜予名號書外藩蒙古大臣賜達爾漢等號
皆書

一安插投誠將士分隸八家收養及賜予房屋奴僕器皿等物皆書一
以投誠蒙古編爲固山設立官員書

一有事征討調集外藩諸貝勒書

一王以下文武官員兵丁人等遇有恩賞書優免人丁亦書

一纂修實錄翻譯經史有宴賞亦書

一增定滿文字體書

一鑄給印信書

一初試秀才舉人分列等第書賞賚優免人丁亦書

一分別戍守邊境年滿官員功罪及部院官員考滿書

一文武大臣年老有疾致仕及特恩許令間住遣官慰問皆書起復亦書

一編新附虎爾哈蒙古漢人朝鮮人等爲牛录披甲書

一文武大官員歿於王事者書有褒卹亦書

一王貝勒貝子大臣病故書

一修葺城垣更定門名書

一沿邊築城分兵戍守書修治橋梁道路亦書

一遇國喪外藩蒙古貝勒赴弔書

一修治陵寢遷葬合葬祭享禮儀書

一朝鮮國進貢禮物書遣使報答亦書

一備荒賑恤書

一臣工建白有關國體政事亦書

清世祖章皇帝實錄一百四十四卷

故宮博物院文獻館藏本
南滿洲圖書館藏舊鈔本

清光祿大夫內大臣吏部尚書中和殿大學士巴泰等修故宮藏清史館稿本題爲大清世祖體天隆運定統建極英睿欽文顯武大德弘功至仁純孝章皇帝實錄嘉業堂劉氏藏有一本題大清世祖體天隆運英睿欽文大德弘功至仁純孝章皇帝實錄修於康熙十一年知爲舊本前有御製序進實錄表凡例大致於太祖太宗實錄序例相同茲僅錄其御製序於後

御製序略云我皇考世祖體天隆運英睿欽文大德弘功至仁純孝章皇帝達孝承先洪仁撫世以天縱之姿奮有爲之業掃除寇亂奠安民生六師所如有征無戰莫不望風攝息競逐壺漿而殊方絕域聲教未

通之地亦皆受吏請封凜遵正朔不數年間天成地平區宇寧謐於是
戢戈櫜矢而典章文物興焉制禮作樂仁漸義摩百度維新四門時闢
至夫詔命之宣布廟算之運籌禋祀之精誠政刑之損益罔不斟酌百
王標準萬世遂致絃歌比屋玉帛遐陬時若歲登湛恩熙洽猗歟盛哉
蔑以加已朕纘承鴻緒宵旰靡寧每念厯隆常深愾慕爰開史局選群
儒臣發秘府之藏檢諸司之牘摭摭較訂萃爲一代成書紀載班班洵
奕萃之桀驁矣雖化神德峻巍巍難名而因事徵心亦足以見惕勵憂
勤政治太平之有由也

按大清會典卷二內閣條凡實錄聖訓告成繕寫三部一呈御覽一藏
皇史宬一貯內閣是實錄有滿蒙漢三種文字並寫三部存貯內府不
易經見傳鈔本流傳海東而吾國反不易睹深爲憾事實錄之存遼寧
者今已不可考其卷數在北平者自清帝出宮故宮改爲博物院元老
遺民雖有離黍邱墟之感而人民反得閱覽及整理史事之機會該院

之組織其圖書典籍則歸入圖書館古器物則歸入古物館朝章文物則歸入文獻館植親至其地訪問其事其已發見之實錄約有數本一爲乾清宮所貯之實錄紅綾皮本共爲滿蒙漢三種文字起居注亦三種文字二爲實錄大庫所貯有黃紅二本黃者爲黃綾套黃綴狀涇縣榜紙烏絲格鈔本三種文字其紅皮本運至南京清史館本共有三本一長本二方本三稿本清史館之長本太祖實錄已避弘字諱大福金之事亦無知爲乾隆以後之本其它則有皇史宬所貯之紅皮本分類有旌表儀注等類爲光緒庚子後重修該館尙未檢查卷數以上諸本匆匆閱過未能考其異同辯其年代幸獲其簿錄略能知其卷數茲鈔錄其序錄錄之於上惟所貯諸本均有殘缺並稍爲之統計其總數爲表書之於後惟僅及清初三代餘不在本書研究範圍故不着錄

文獻館藏實錄表

朝代類	現	存	月	月	失
年	冊	數	年	景	計
乾清宮紅 皮本	天命元年七月至十一年八月	六 明萬曆癸未歲至乙卯歲凡例目錄表卷一 至卷二缺	六	缺	
太祖 實錄庫黃 皮本	明萬曆癸未歲至乙卯歲 天命元年正月至十一年八月	一〇 缺首兩凡例目錄表 缺首兩卷一至卷四		缺	
清史館稿 本	明萬曆癸未歲至乙卯歲 天命元年正月至十一年八月	十二		全	
乾清宮紅 皮本	天命十一年八月至天聰八年十月 天聰九年十一月至崇德八年八月	六二 天聰八年十一月至九年十月缺首兩卷凡 例目錄本		缺	
太宗 實錄庫黃 皮本	天命十一年八月至崇德八年八月	六五 缺首兩凡例目錄表		缺	
清史館實 錄稿本	天命十一年八月至崇德八年八月	三四		全	
乾清宮紅 皮本	崇德八年八月至順治十八年正月	四七 缺首兩凡例目錄表		缺	
世祖 實錄庫黃 皮本	崇德八年八月至順治十八年正月	一四四		缺	
清史館稿 本	崇德八年八月至順治十八年正月	五三		全	

文獻館藏清史館稿本實錄表

朝代	年	月	現存卷數	冊數	備	考
天命	起發未春二月至天命十一年丙寅八月	一	至十	四	具	本
	起發未春二月至天命十一年丙寅八月 有前冊目錄建表	一	至十	三	方	本
天命	起發未春二月至辛亥十二月	一	至二	一	具	本
	起壬子正月至天命二年十二月	三	至五	一	長	本
	起天命四年正月至天命六年六月	六	至七	一	處	本
	天命六年七月至十一年八月	八	至十	一	方本每卷前冊有目錄表	本
天聰	天命十一年正月至十二月	一	至二	一	具	本
	天聰元年正月至五年三月	三	至八	六	方	本
	五年四月至七年七月	九	至十四	三	具	本
	七年八月至崇德元年八月	十五	至三十	一	具	本
崇德	元年九月至四年九月	三十一	至四十八	七	具	本
	四年十月至八年八月	四十九	至六十五	七	具	本

又一部

凡例	目錄	表	天命	天聰	崇禎
一 長 本	一 長 本	一 長 本	一 至 二 本	五 至 三 二 本	三十三至六十三 六方 本
			八年八月至八年九月	三年正月至崇禎元年十一月	二年二月至七年十月

首表據文獻館之簿錄嫌其於清史館稿本未分長方諸本故復至文獻館據其鈔錄本補之於此首表附記云此項稿本係自天命朝至光緒朝爲歷次修纂實錄之稿本式樣各不相同並有數卷合訂一本者光緒一朝尙未分卷各種稿本中間有爲清史館補鈔者除重複不計外依朝代年月拼合之亦有所缺知此本爲最後之本矣

次實錄而要者則爲起居注按崇漢閣舊檔之奏疏中有日記之名即起居注所由始清史稿職官志卷二初天聰二年命儒臣分兩直巴克什達海等譯漢字書即日講所由始巴克什庫爾禪等記注政事即起

居注所由始順治十二年始置日講官康熙九年始設起居注館

在太和門西廡

置滿洲記注官四人漢八人以日講官兼攝之五十七年省起居注館

改隸內閣今據文獻館報告亦無康熙以前起居注附記於此

清太祖高皇帝聖訓四卷

北平故宮博物院藏內府刻本

國立北平圖書館藏

清康熙間敕編是書爲清康熙命儒臣分類編輯爲目二十六爲條九十二總爲寶訓四卷成於康熙二十五年至乾隆四年刊行據乾隆序云用敬加剴勵宣示萬方是僅加刊行並未修補前有康熙二十五年序及乾隆四年序惜未有如太宗聖訓有內閣大庫之底稿得以印證之耳計目爲敬天聖孝神武智略寬仁論治道訓諸王訓羣臣經國任大臣用人求直言興文治崇教化勤修省節儉慎刑恤下輯人心通下情明法令鑒古賞功昭信誠逸樂謹嗜好諸條

清太宗文皇帝聖訓六卷

北平故宮博物院藏內府刻本

國立北平圖書館藏

清康熙間敕編是書編於康熙二十六年刊行於乾隆四年前有康熙

二十六年乾隆四年御製序原題大清太宗應天興國弘德彰武寬溫仁聖睿孝敬敏昭定隆道顯功文皇帝聖訓今從封面題計一百一十一條二十三類分爲論治道訓諸王訓羣臣謙德寬仁智略求賢求言輯人心恤民勸農興文教訓將勵將士懷遠人訓諸藩恤降招降恤舊勞敦睦節儉謹嗜好禁異端等項按北京大學明清史料整理會有太宗實錄稿本與此大半不同足資參攷

清世祖章皇帝聖訓六卷

北平故宮博物院藏內府刻本

國立北平圖書館藏

清康熙間敕編是書編於康熙二十六年計一百一十三條乾隆四十年刊行計目爲論治道敬天聖孝聖學謙德節儉儆戒敦睦諭羣臣求言納諫任官考積選舉誠飭臣下理財恤民賑濟重祀典禮前代褒忠節興文教諭將帥招降諭外藩仁政體羣情安民慎刑懲貪佞除弊宥過等條前有康熙二十六年乾隆四年序

右北平故宮博物院所藏檔冊

玉牒

北平故宮博物院藏本 孔德學校藏宗人府副本

清歷代敕編按孔德學校所藏副本題玉牒匱刻大清宗室譜牒今從封面題是譜舊藏宗人府正本入民國後移置故宮博物院副本仍存舊處即今孔德學校校址也據大清會典卷一宗人府凡纂修玉牒國初定宗室覺羅子女名字俱令詳載冊籍順治十三年題定宗人府會同內院禮部十年一次纂修玉牒今觀孔德學校所藏譜牒有紅黃之分匱亦如之譜面所書有太祖高皇帝等年代之記號玉牒題字下有宗室列祖列孫之分簽條有正黃正紅十五格天地格之別簿式亦有長短之不同有題曰直檔者有題曰橫檔者頗可以考見檔冊之形式譜牒於考察歷代世系最有關係惜原書鼠矢蛛塵斷爛污穢不能細檢也

史料叢刊初編八冊

上虞羅氏鉛印本

上虞羅振玉叔蘊校錄按清內閣之設本明舊制趙翼簷曝雜記謂軍

機處本內閣之分局國初承前明舊制機務出納悉關內閣如唐翰林學士掌內之制雍正年間用兵西北兩路以內閣在太和門外慮泄事機始設軍需房於隆宗門內又蘇何簪醉雜記卷二云明初罷中書而其後有殿閣大學士之設官止五品權重秩卑殊不相稱本朝康熙九年定滿漢大學士皆正二品雍正七年升大學士爲正一品而品秩與事權並極優崇然是年以西北兩路用兵設軍機處於隆宗門內爲承旨出入總匯凡明發諭旨皆由軍機撰擬寄信上諭亦由軍機封發而內閣之任遂輕是後凡閣臣不入樞府者則一切要政皆不得預聞宰相備位而已遂不甚重視然明清兩代檔冊實貯於此又康熙十七年詔修明史採輯野史遺書多有名貴之本亦貯於此宣統間庫壞多流出人間羅叔蘊先生得其大半擇要印行語詳敘論及先師王靜安先生庫書樓記此編彙輯關於清史料者有太宗文皇帝日錄太宗文皇帝致朝鮮國書招撫皮島諸將諭帖天聰朝臣工奏議聖祖仁皇帝起

居注順治九年服色肩輿永制順治元年禮曹章奏工曹章奏內弘文
院職官錄豫通親王事實冊等如太宗致朝鮮國書則可與朝鮮國來
書簿相校招撫皮島諸將諭帖則與東江史事有關臣工奏議則清初
建置均可略見其它朝章典故頗可與此考鏡先師王靜安先生推爲
中國新出史料之一殆爲此也惟太宗致朝鮮書招撫皮島將諸帖天
聰朝臣工奏議爲崇謨閣舊檔非內閣大庫之書附記於此茲錄庫書
樓記及羅序於後

先師王靜安先生庫書樓記云光宣之間我中國新出之史料凡四一
曰殷虛之甲骨二曰漢晉之簡牘三曰六朝及唐之卷軸而內閣大庫
之元明及國朝文書實居其四顧殷虛甲骨當其初出世已視爲骨董
之一土人仍歲所掘率得善價以去幸無毀棄者而西陲簡牘卷軸外
人至不遠數萬里歷寒暑冒艱險以出之其保藏之法尤備獨內閣大
書除宋之刊寫本書籍入京師圖書館外其餘十三年之間幾毀者再

而卒獲全者雖曰人事蓋亦有天意焉案內典籍廳大庫爲大樓六間其中書籍居十之三案件居十之七其書多明文淵閣之遺其案卷則有列朝之硃諭敕諭內外臣工之黃本題本奏本外藩屬國之表章歷朝殿試之大卷其他三百年間檔冊文移往往而在而元明遺物亦間出其中蓋今之內閣自明永樂至國朝雍正歷兩朝有五帝實爲萬幾百度縱出之地雍乾以後政務移于軍機處而內閣尙受其成事凡政府所奉之硃諭臣工所繳之敕書批摺胥奉儲于此蓋兼宋時宮中之龍圖天章諸閣省中之制敕庫班簿房而一之然三百年來除舍人省吏循例編目外學士大夫罕有窺其美富者宣統元年大庫屋壞有事繕完乃暫移于文華殿之兩廡地隘不足容其露積庫垣內者尙半外廷始稍稍知之時南皮張文襄公方以大學士軍機大臣管學部事奏請以閣中所藏四朝書籍設學部京師圖書館其案卷則閣議概以歸檔無用奏請焚毀已得諭旨矣適上虞羅叔言參事以學部屬官赴內

閣參與交割事見庫垣中文籍山積皆奏準焚毀之物偶抽一束觀之則管制府幹員督漕時奏摺又取觀他束則文成公阿桂征金川時所奏皆當時歲終繳進之本排比日月具有次第乃亟請于文襄罷焚毀之舉而以其物歸學部藏諸國子監之南學其歷科殿試卷則藏諸學部大堂之後樓辛壬以後學部後樓及南學之藏又移于午門樓上所謂歷史博物館者越十年館中資費絀無以及升斗乃斥其所藏四分之三以售諸故紙商其數以麻袋計者七千以斤計者十有五萬得銀幣四千元時辛酉冬日也壬戌三月參事以事至京師於市肆見洪文襄揭帖及高麗國王貢物表識爲大庫物因蹤跡之得諸某紙舖則庫藏具在將毀之以造俗所謂還魂紙者已載數車赴西山矣亟三倍其值償之稱貸京津間得銀萬三千元遂以易之于是此七千袋十五萬斤之文書卒歸于參事參事將築庫書樓以儲之而屬余爲之記余謂此書瀕毀者再而參事再存之其事不可謂不偶然固非參事能存之

也國朝祖宗聖德神功之懿典章制度聲明文物之盛先正訐謨遠猷之富與夫元明以來史事之至頤至隱固萬萬無亡理天特假手于參事以存之耳然非篤于好古如參事者又烏足以與于斯役也今茲所得又將以十年之力檢校編錄而擇其尤重要者次第印行其事誠至艱且難然以前事徵之余信考事之必能辦此也其諸山川重秀天地再清舉斯樓之藏還之天府以備石室金匱之儲至千萬也傳之無窮余又信參事之有樂守此也然則斯書之歸參事蓋猶非參事之志歟羅叔蘊先生序云壬戌春予既得大庫史料謀籌金築館以貯之而力未逮乃權賃僧寺暫爲置之充關塞牖不可展閱而四方友人多移書問其中所有苦無以應乃運其少半至津沽以數月之力檢理其千百之一二沈乙庵尙書聞而欣然函問何時可畢事予報書曰檢理之事以近數月爲比例十夫之力約十年當可竟顧檢查須廣宅就理者須部署庋置均非建專館不可顧以前稱貸既竭吾力將何從突兀見此

屋耶即幸一二年間此屋告成天假我年俾得竣清釐之事典守傳布
又將于誰望之私意此事竟非一二人之力所能及而又何能執塗人
而語之若得三五同志協力圖之一面鳩金建築一面貸大屋從事檢
理所得隨時刊布假以月成百紙計則十年得萬餘紙是檢理告終緊
要史材亦得大要矣雖然茫茫人海何從竟得其人亦託諸空言而已
尙書復書尊論不刊天壤之大德必有鄰鄙人將傳布公旨冀以殘年
得觀盛事乃未幾而尙書遽歸道山益無可與謀此者去年夏予既瓶
東方文化學會印刷局乃寫定史料之已檢理可校寫者二十二種付
之手民顏之曰史料初編當繼是而二三以至十百然固非予力所能
任也而尙書所謂德鄰者將旦夕過之耶抑畢吾世不可邁耶予且企
足以俟之矣書成爰弁言于首王觀堂徵君曾爲作庫書樓記並揭之
卷端俾寰宇學者知此事顛末焉

清太宗告祭文章稿

上虞羅氏藏稿本

不知撰人名氏是篇爲太宗征朝鮮祭文尙有朝鮮總督府圖書館所藏清太宗與朝鮮議和之詔諭文均見日人所撰滿鮮關係之新史料滿清入關前與高麗交涉史料

國立歷史博物館叢刊第一一年第一冊至第三冊

國立歷史博物館編是書記朝鮮之關係按年記載前有小引

小引云民國十年本館整理清內閣大庫檔案得鈔本清太宗朝與高麗往來詔諭書表一冊自崇德元年五月起至崇德六年八月止計詔諭十五通書表二十二通戶部往來咨文二十二通禮部往來咨文五通兵部往來咨文十四通都凡七十八通足補明史及清實錄所不及爰爲刊布以存掌故十九年九月記

清太宗實錄十六冊

國立北京大學明清史料整理會藏稿本

不知撰人名氏據北京大學研究所國學門明清史料整理會要件陳列室目錄云粉紙本青箋紙面皮共百九十九頁每半頁縱八寸六分半橫六寸一分半字三分楷書亦有行書殘缺處甚多中間次序多不

連屬

清太宗實錄殘卷

國立北京大學明清史料整理會議稿本

不知撰人名氏史料整理會目錄云同上書爲卷二卷三卷四卷六卷十三十五二十九三十六三十九等卷殘頁白宣紙本硃格墨書硃圈共一百四十七頁半每半頁縱三寸一分橫七寸八分

清太宗聖訓底稿殘本十六冊

國立北京大學史料整理會議稿本

不知撰人名氏史料整理會目錄云青箋紙面皮共五百七十三頁每半頁縱九寸六分橫七寸三分半中間間有殘缺塗改處亦多

清太宗聖訓底稿殘本十六冊

國立北京大學明清史料整理會議稿本

不知撰人名氏吾友胡君文玉曾著有校勘記謂聖訓始於順治修於康熙十年至二十六年乃成然未刊行至乾隆四年始詔刊而行之民國十一年夏北京大學研究所國學門整理清內閣大庫所藏檔案發見清太宗聖訓底稿殘卷十六冊五百七十餘頁覽其內容凡全用墨

筆凡去者刻本聖訓皆無之僅有數則未凡去其事實雖與刻本同而其文異者亦十居八九此殘本中多載清太宗與明季遼東朝鮮之交涉其關史事尤爲重要

按此本標題亦與刊本不同如宥過戒飭明罰武功尊儒明決恩澤聖德約信定制遠略却貢獻崇禮禮下訓將閱兵征伐收人心命將武備仁慈定罪過恤舊勞孝思頒曆慶賀賞賜等條皆與刻本有出入是書起崇德七年至壬午止余閱各篇與刻本同者如崇德二年丁丑七月戒飭諸王條刻本已較此本刪去大半而論軍制謂固山下二十人爲蝦蝦爲滿洲人書侍衛最早之名詞且此本爲編年與刻本之分類紀事者不同固知此本爲最早本也

金國汗天聰四年正月攻永平以明七大罪誓師文一幅

國立北京大學明清史料整理會藏稿本

不知撰人名氏爲太宗入犯京師回攻永平時以明七大罪諭地方軍民墨諭縱二尺二寸五分橫二尺七寸文中所載與開國方略諸書多

不同太宗自稱金國汗尤資學者考訂此文雖經刊布然有關史事亦錄於後

金國汗諭官軍人等知悉我祖宗以來與大明看邊忠順有年只因南朝皇帝高拱深宮之中文武邊官欺誑壅蔽無懷柔之方略有勢利機權勢不使盡不休利不括盡不已苦害侵凌千態萬狀其勢之最大最慘者計有七件我祖宗與南朝看邊進貢忠順已久忽于萬曆年間將我二祖無罪加誅其恨一也癸巳年間南關北關灰扒兀刺蒙古等九部會兵攻我南朝休戚不關袖手坐視仗庇皇天大敗諸部後我國復仇攻破南關遷入內地贅南關吾兒忽答爲壻南朝責我擅伐逼令送回我即遵依上命復置故址後北關攻南關大肆擄掠南朝毫不加罪然我國與北關同是外番事一處異何以懷服所謂惱恨者二也先汗忠于大明心若金石恐因二祖被戮南朝見疑故同遼陽副將吳希漢宰馬牛祭天地立碑界銘誓曰漢人私出境外者殺夷人私入境內者

殺後沿邊漢人私出境外挖參採取念山澤之利係我過活屢屢申稟
上司竟若罔聞雖有冤怨無門控訴不得已遵循碑約始敢動手傷毀
寔欲信盟誓杜將來初非有意于欺背也會值新巡撫下馬例應叩賀
遂遣干骨里方巾納等行禮時上司不究出口招贅之非反執送禮行
賀之人勒索十夷償命欺壓如此情何以堪所謂惱恨者三也北關與
建州同是屬夷我兩家結構南朝公直鮮分可也緣何助兵馬發火器
衛彼拒我騎輕騎重良可傷心所謂惱恨者四也北關老女係先汗禮
聘之婚後竟渝盟不與親迎彼時雖是如此猶不敢輕許他人南朝護
助改嫁西虜似此恥辱誰能甘心所謂惱恨者五也我部看邊之人二
百年來俱在近邊住種後南朝信北關誣言輒發兵逼令我部遠退三
十里立碑占地將房屋燒毀口禾丟棄使我部無居無食人人待斃所
謂惱恨者六也我國素順並不會稍倪不軌忽遣備禦蕭伯芝蟒衣玉
帶大作威福穢言惡語百般欺辱文口之間毒不堪受所謂惱恨者七

也懷此七恨莫可告訴遼東上司既已尊若神明萬曆皇帝復如隔於天淵躊躇徘徊無計可施於是告天興師收聚撫順欲使萬曆皇帝因事詢情得申冤懷遂詳寫七恨多放各省商人願望并候不見回音迨至七月始尅清河彼時南朝恃大矜衆其勢直欲踏平口地明年二月四路發兵漫山寨野孰意衆者敗而寡者勝强者傷而弱者全乎嗣是而再取開鐵以及遼瀋既得河東發書廣寧思欲講和當道官員若罔聞知竟無回復故再舉兵而廣寧下矣逮至朕躬實欲罷兵戈享太平故屢屢差人講說無奈天啓崇禎二帝渺我益甚逼令退地且教削去帝號及禁用國寶朕以爲天與土地何敢輕與其帝號國寶一一遵依易汗請印委曲至此仍復不允朕忍耐不過故籲天哀訴舉兵深入渡陳倉陰平之道破釜沉舟之計皇天鑒佑勢成破竹順者秋毫無犯違者陣殺攻屠席捲長驅以至都下朕又五次奉書無一回音是崇禎君臣欺傲不悛而藐辱更熾也今且抽兵回來打開山海通我後路遷都

內地作長久之計爾等毋誤謂我歸去也朕諸凡事宜惟乘于公成敗利鈍悉委于天今反覆告諭不顧諄諄者叙我起兵之由明我奉天之意恐天下人不知顛末怪我狂逞因此布告咸宜知聞特諭朕每戰必勝每攻必剋雖人事天意兩在朕毫不敢驕縱今仗天攻下此城是朕好生一念實心養活爾等當啣我再生之恩勿得驚惶勿起妄念若皇天佑朕得成大業爾等自然安康若朕大業不成爾等仍事南朝臣子朕亦毫不忌怪爾等若不遵朕命東逃西竄祇自尋死亡自失囊橐即至異鄉別土亦難過活即行至天涯朕果得成大業爾等亦無所逃推誠相告咸宜遵依附諭天聰四年正月日諭

按中央研究院新發現之清太祖實錄殘卷此文凡改至三四次末附改定之文與此七恨條目亦不相同此文稱金而不稱滿洲且文明言爲大明看邊忠順有年猶存恭順之意至改定之文則儼然以至尊自居故知清初史事不獨事實失真即文書誥諭亦失其原來面目矣

清滿文起居注

國立北京大學明清史料整理會藏稿本

不知撰人名氏史料整理會目錄云紛紙本黃綾皮面共三千零四十六頁每頁半縱一尺一寸九分橫七寸一分有一本脫落皮面及各頁騎縫均蓋有朱文滿漢文翰林院印又十一冊有歷史博物館印一

清崇德五年十月二十五日朝鮮國王李棕賀萬壽表

國立北京大學明清史料整理會藏稿本

不知撰人名氏史料整理會目錄云高麗紙本縱一尺一寸七分五橫四尺五寸七分前半幅墨書漢文小楷中寬溫仁聖皇帝陛下八字書於縱一尺二寸七分五橫三分之黃綾上其漢文年月日上蓋有滿文印一方後半幅墨書滿文無黃綾條表

清太宗史稿冊殘本一冊

國立北京大學明清史料整理會藏稿本

不知撰人名氏史料整理會目錄云青箋紙面皮杠連紙本橫六寸七分縱八寸九分共二十七頁墨書楷

順治元年封攝政王等冊文

國立北京大學明清史料整理會藏稿本

不知撰人名氏史料整理會目錄云爲封攝政王豫王肅王衍禧王承澤王牙西王波羅貝勒泥湛貝勒等冊文白宣紙本墨書共七頁每半頁橫九寸六分縱一尺二寸五分各頁上方中間殘缺約縱四寸許橫二寸許

順治元年封鄭王等冊文

國立北京大學明清史料整理會議稿本

不知撰人名氏史料整理會目錄云冊鄭王肅王英王豫王衍禧王承澤王平西王泥湛貝勒等冊文及封滿達海屯齊薄托屯赤哈何托商山公爵等誥命文白宣紙本墨書十頁縱一尺三分橫八寸各頁中間漫漶前二頁殘數字

清室王公傳殘本一冊

國立北京大學明清史料整理會議稿本

不知撰人名氏史料整理會目錄云白粉紙本墨書共四十四頁首殘中多硃批墨批塗抹之處亦多每半頁縱九寸七分橫七寸二分按爲清太祖第五子多羅貝勒莽古爾泰第六子輔國愍厚公塔拜第七子

和碩饒餘敏親王阿巴泰第九子鎮國恪僖巴布泰列傳

清滿洲八旗世系三冊

國立北京大學清史料整理會藏稿本

不知撰人名氏史料整理會目錄云爲嵩佳氏賽密勒氏尼瑪察氏拖沙喇哈番額爾等世系雜用東昌杠連白粉連等紙各頁大小不一硃書亦有墨書滿文間附漢文

明季兵部題行彙稿二十二冊

國立北京大學明清史料整理會藏稿本

不知撰人名氏明清史料整理會目錄云是編彙輯兵部題行彙稿三千餘件自明天啓四年以至崇禎十七年計天啓四年一冊五年一冊七年一冊崇禎元年一冊至十七年各一冊崇禎年一冊闕年月一冊凡二十二冊皆記明代兵事明實錄缺天啓七年此冊當有補益處是編雖不全記遼事然題行稿爲當日兵部文書記遼東兵事極多考遼事者所必徵也所中又有排印本一大捆未考異同然似其重複本也以上諸書皆北京大學研究所國學門明史料整理會所藏檔冊據先

師王靜安先生之文民國十年歷史博物館資緒乃售其檔冊於故紙商次年羅叔蘊先生既得其大部分而其它各部分則歸入北京大學據北京大學國學季刊研究所國學門重要紀事整理清內閣檔案之始末謂教育部歷史博物館所存之清內閣大庫檔案爲研究近世史必要之參考書蔡元培先生商請教育部將此項檔案蓄存北大代爲整理許焉此項檔案自明迄清之題本報銷冊揭帖賀表謄黃金榜起居注實錄等均在其中共計裝運六十二木箱一千五百零二麻袋乃組織一整理檔案會於七月四日著手整理其辦法約分三步第一爲形式之分類第二爲編號摘出第三爲整理成績研究考證其發現者已如上錄據其紀事尙有明兵部請殺袁崇煥之題順治七年追尊攝政王生母爲皇后詔順治七年攝政王上賓哀詔罷攝政王母子配享太廟詔殘缺皆有開清初之史料也

明清史料四冊

國立中央研究院歷史語言研究所排印本

國立中央研究院歷史語言研究所編按上虞羅氏庫書樓所藏之檔案以資繼鸞於九江李木齋盛鐸李氏亦未暇整理也民國十七年國立中央研究院成立吾師陳寅恪馬叔平衡先生商於當事將李氏之物購置於中央研究院歷史語言研究所吾友徐中舒實董整理之事擇其檔案中之尤要者彙爲斯編前有蔡元培先生序及中舒著內閣檔案之由來及其整理一文敘述內閣檔案原委頗詳論斷亦極中肯惜文過長不易逐錄今明清史料一書原文俱在可資參考也

清太祖實錄殘卷

國立中央研究院歷史語言研究所藏鈔本

不知編者名氏右清太祖實錄殘卷字跡模糊竄改之處甚多其改易之處筆跡俱在歷歷可見知係稿本首冊起卷一癸未明萬曆十一年至卷二是年八月二冊起卷四辛丑明萬曆二十九年卷五壬子九月明萬曆四十年三冊起卷六清天命元年丙辰明萬曆四十四年至三年戊午十二月計缺卷三及缺甲申至庚子十七年癸丑至乙卯三

年事又國立北平圖書館藏清太祖實錄殘本有癸丑年事及天命四年事足補此本之缺今按蔣良騏之東華錄及王先謙之東華錄均在史館依實錄紅本而修者蔣氏取材於乾隆三十年以前之修纂之實餘王氏則取材在其後其可信之事當更益減然二書均據自實錄底本茲依二書校之則於乾隆後改編之況及此本纂修之年代亦可得而徵焉

一今先述此本與蔣良騏之東華錄異同如下

卷一季女得之至言已則去一節蔣本無

天生汝以定亂國至其後傳至肇祖較蔣本加詳

除烟 蔣本作緒晏長拖落蔣本作長安羅

顯祖諱至宣皇一節約三頁蔣本刪奚塔喇氏作喜塔喇氏

吳喇國 哈達國 葉赫國 輝發國 蔣本置在後無此本之詳

卷二上伯祖德石庫至被賊刺殺蔣本無

卷四上從虎欄哈達南岡移居黑圖河阿喇地方二本同

卷六天命元年蔣本略有刪節

天命三年七大恨之誓師文此本修改極繁蔣氏即依其修改之本

上頒民法訓戒領兵貝勒諸臣書蔣本無

上與蒙古貝勒論金朝事蔣本無

二此本與王先謙東華錄之異同如下

范梈 王本作范察

東果部 王本作董鄂部

自辛丑至戊申大致相同謂羣臣曰一條原本作一念及惡崇朝而作以善爲則歷世難得王本作念人之惡崇朝而作式好無尤歷世難求戊申祭天誓詞王本字多原本作明國若渝此盟必受其殃王本則廣寧巡撫總兵遼東道副將開原道參將等官均受其殃冬十月辛酉朔上以太牢告天王本作十二月係誤

天命元年勅諭 此本無

丁亥達爾漢下春科羅巴圖魯二臣王本作戶爾漢費楊古與原本全改

秋九月癸亥朔諭貝勒諸臣 此本無

七大恨之文王本依其修改本

諭侍臣 諭貝勒 此本無

又七大恨之文此書修改數次末附改定之文與北京大學所發現之原文墨諭已完全不同

今校此二本及故宮文獻館所藏實錄惜文獻館之實錄未能一一校對然大半與王本相同之處甚多知在其後其先後時代之評斷其結果可得有四

一是本首題曰大清太祖承天廣運聖德神功肇紀立極仁孝睿武弘文定業高皇帝實錄按清康熙元年睿武下加端毅二字乾隆元年端

毅下加欽安二字又清史館所藏之實錄爲實錄大庫本弘字不避諱爲古本日人內藤湖南博士亦先言二書官爵例原本例在人名之下而名在下猶不失本來面目

三人名地名凡最早之本則愈質樸存心謾罵固無論已即清初修本之褚晏長拖落後作長安羅凡名字必爲最晚之本也

四誓師訓誡之文章多後人增加此後人增加之跡而後來官書所記載文諸類是也

統上四例言之則此本猶存舊觀至

缺次序紊亂惟該本侍衛達爾漢作達爾漢蝦此本蝦作下字爲雙聲當爲古本亦間有不同之處恐亦係稿本之一日人傳抄之實錄首行所題與此本相同惜大福晉之死一事此本下亦殘缺不能與被本相校惟傳抄本除烟作褚晏長拖落作長安羅劉詔作劉闡豹石德作寶實德字較雅馴則此本恐係最初修改之稿本而日本之實錄反爲傳鈔之本矣似此本爲最早之本可無疑也

按中央研究院整理檔案所得者尙有太宗實錄殘本世祖實錄殘本計天聰六年一冊天聰名臣傳卷十抄本九年正月起至十二日崇德名臣傳鈔本一冊清世祖十六年九月實錄一本太宗實錄三十六卷至四十卷止起崇德六月訖崇德三年二月功臣事實記載天聰七年太宗實錄一厚冊崇德六年一冊等類其金國汗書稿明清檔案塘報等屬均輯於明清史料中故不另述焉

太宗本紀卷三殘本一冊

國立北平圖書館藏稿本

不知撰人名氏是書首題曰太宗本記改題曰大清太宗文皇帝本記用開化紙所書始崇德元年四月訖四年十二月上加簽條如朝鮮三田渡碑原文云寬溫仁聖皇帝以壞和自我始赫然怒以武臨之改以我實始敗和赫然一怒以武臨之此文有一簽條冠蓋交跡跡字查下附查實錄原是交跡二字後所通行者即用所改之本二年四月條朕或有遺失爾等當即面諍若不能諫而在外歸咎其主非人臣也改在外爲退有後言又聚財積穀所以備荒而賞功雖不可吝亦不可吝改奢固不可吝亦非宜知此本爲史館據實錄所修之本記多存實錄本來面目而後人修改之跡亦於此可考見焉

右內閣大庫流傳各地之檔冊

天聰名臣存二冊

未見傳本

不知撰人名氏目見清內閣舊藏書目中尙有天命丙寅年封延詔

諭

朝鮮三田渡大清皇帝功德碑

碑文

大清崇德元年冬十有二月寬溫仁聖皇帝以壤和自我始赫然怒以武臨之直擣而東莫敢有抗者時我寡君棲于南漢凜若履春冰而待白日者殆五旬東南謂道兵相繼崩潰西北師逗撓峽內不能進一步城中食且盡當此之時以大兵薄城如霜風之卷秋籊爐火之燎鴻毛而皇帝以不殺爲武惟布德是先乃降勅諭之曰來朕全爾否屠之有若英馬諸大將承皇命相屬於道於是我寡君集文武諸臣謂曰予託和好于大邦十年於茲矣由予悖惑自速天討萬姓魚肉罪在予一人皇帝猶不忍屠戮之諭之如此予曷敢不欽承以上全我宗社下保我生靈乎大臣協贊之遂從數十騎詣軍前請罪皇帝乃優之以禮拊之以恩一見而推心腹錫賚之恩徧及從臣禮罷即還我寡君于都城立召兵之南下者振旅而西撫民勸農遠近之雉烏散咸復厥居詎非大

幸歟小邦之獲罪上國久矣己未之役都元帥姜弘立助兵明朝兵敗被擒太祖武皇帝只留弘立等數人餘悉放回恩莫大焉而小邦迷不知悟丁卯歲今皇帝命將東征國君臣避入海島遣使請成皇帝允之視爲兄弟國疆土復完弘立亦還矣自茲以往禮遇不替冠蓋交跡不幸浮議煽動構成亂梯小邦申飭邊臣言涉不遜而其文爲臣所得皇帝猶寬貸之不即加兵乃先降明旨諭以師期丁寧反覆不翅若提耳面命而終未免焉則小邦羣臣之罪益無所逃矣皇帝既以大兵圍南漢而又命偏師先陷江都宮嬪王子暨卿士家小俱被俘獲皇帝戒諸不得擾害令從官及內侍看護既而大霈恩典小邦君臣及其被獲眷屬復歸于舊霜雪變爲陽春枯旱轉爲時雨區宇旣亡而復存宗祀已絕而還續環東土數千里咸囿于生成之澤此實古昔簡策所希觀也於戲盛哉漢水上游三田渡之南即皇帝駐蹕之所也壇塲在焉我寡君爰命水部就壇所增而高大之又伐石以碑之垂諸久矣以彰夫皇

帝之功之德直與造化而同流也豈特我小邦世世而永賴抑亦大朝之仁聲武誼無遠不服者未始不基于茲也顧慕天地之大晝日月之明不足以彷彿其萬一謹載其大略銘曰曰天降霜露載肅載育惟帝則之并布威德皇帝東征十萬其師殷殷轟轟如虎如貔西番窮髮暨夫北落執戈前驅厥靈赫赫皇帝孔仁誕降恩言十行昭回既嚴且溫始迷不知自貽伊戚帝有明命如寐覺之我后祇服相率而歸匪惟但威惟德之依皇帝嘉之澤洽禮優載色載笑爰束戈矛何以錫之駿馬輕裘都人士女乃歌乃謳我后言旋皇帝之賜皇帝班師活我赤子哀我蕩析勸我穡事金甌依舊翠壇維新枯骨再肉寒亥復春有石巍然大江之頭萬載三韓皇帝之休崇德四年十二月初八日立嘉善大夫禮曹參判兼同知義禁府事臣呂爾徵奉教篆資憲大夫漢城府判尹臣吳竣奉教書資憲大夫吏曹判書兼弘文館大提學藝文館大提學知成均館事臣李景奭奉教撰

按清之征朝鮮共有三次一爲明萬曆四十七年清太祖天命四年朝鮮光海君十一年己未之役二爲明天啓七年清太宗天聰九年朝鮮仁祖五年丁卯之役三爲明崇禎九年末十年初朝鮮仁祖十四年十五年清崇德元年二年丙子丁丑之役此爲第三次平朝鮮紀功之碑此碑首句壞和自我始頃見北平圖書館藏清太宗年紀殘本改爲我實敗和赫然一怒以武臨之碑而可改則可改者甚多矣日人鴛淵一有清初關於清鮮關係三田渡之碑文一文登在史林第十三卷中考證甚詳是碑有滿蒙漢三體文字鴛淵氏並譯爲日文

塔灣刻石

此爲清太宗崇德時所建仍稱金國汗目見日人內藤湖南博士清開國期之史料清初金石文字當不止此安得考而理之於清初史事至足印證者也

大清皇帝功德碑

是碑立於崇德四年目見清內閣舊藏書目

右清初刻石之文

以上清初檔冊之屬

清開國史料卷二終

SECRET

三十四

清開國史料考卷三

安陽 謝國楨 輯

目錄二

明神宗顯皇帝實錄五百九十四卷

國立北平圖書館藏鈔本 南潯嘉業堂藏鈔本

明顧秉謙等修

明光宗貞皇帝實錄一卷

國立北平圖書館藏鈔本 南潯嘉業堂劉氏藏鈔本

明葉向高等修

明熹宗哲皇帝實錄八十四卷

國立北平圖書館藏鈔本 南潯嘉業堂劉氏藏鈔本

明溫禮仁等修黃虞稷千頃堂書目云缺天啓四年口月及七年口月按四年七年實錄據楊椿再上明鑑綱目館總裁書謂爲馮銓所竊去崇禎一代事蹟起居注久亡故未成書說詳晚明史籍考明代遼東奴兒哈赤之興始於萬曆四十年以後萬曆後黨奄流寇之記事外當以

遼東之事爲尤繁故首列萬曆以後實錄足資參攷

然尋討史事必求其源如洪武間阿哈出之內附永樂間之建奴兒干都司立永寧寺碑記正統間之征董山成化間馬文升之撫安東夷等皆爲清朝開國前紀之事研究滿洲事者所不可忽若明實錄爲明代史事最爲可信之書章太炎著清建國別記其范察董山李滿住事狀全取明實錄之事以作參攷吳向之廷燮孰歷代掌故亦推重實錄曾別出宣德一代邊事爲宣德別錄又取實錄爲遼寧省志之沿革志日人內藤湖南稻葉君山董理滿洲史地多本明實錄惟此書多傳鈔之本極不易得槓擬輯其中遼事成爲一編其崇禎一朝之關於遼事者已全缺者則用譚孺木國權孫承澤山書等補之名曰明實錄遼事鈔存現正肄事及之也

按考證史事取重實錄古人已然萬季野斯同之修明史即以實錄爲藍本方靈臬苞萬季野墓表云吾少館于某氏其家有列朝實錄吾默

識暗誦未敢有一言一事之遺也長遊四方就故家長老求遺書考問往事旁及郡志邑乘雜家誌傳之文靡不網羅參伍而要以實錄爲指歸蓋實錄者直載其事與言而無增飾者也因其世以考其事覈其言而平心以察之則其人之本末可八九得矣然言之發或有所由事之端或有所起而其流或有所激則非他書不能具也凡實錄之難詳者吾以他書證之他書之誣且濫者吾以所得于實錄者裁之雖不敢具謂可信而是非之枉於人者蓋鮮矣是可知實錄之價值

次明實錄而尤要者則爲明史明史一書爲張廷玉等修成開局歷數十年之久其稿屢更不滿人意之處自多而遼東一事於清有切膚關係尤多舛謬外國諸傳則無建州范察與董山相爭建州始分左右明史隱之其見建州事者僅張學顏李成梁等傳其它對於建州之事則語焉不詳凡清修諸書在所不免近人章太炎孟心史言之頗備然明史要爲有明一代國史典章文物一代制度悉備於是野史筆記則東

鱗西爪遺聞瑣事非讀明史則亦無由知其原委故野史可以補訂正史之缺而正史要不可廢明史之所關於遼東事者神宗熹宗本紀之外在明天順成化間記范察董山事者則有李秉程信趙輔諸傳萬曆以後明史卷二百三十八則有李成梁麻貴明史卷二百二十二張學顏此二傳卷二百五十九熊廷弼楊鎬袁應泰袁崇煥趙光抃卷七十一賀世賢童仲揆趙率教何可綱滿桂卷二百五十七張鳴鶴卷二百三十一朝鮮卷二百三十八朶顏三衛此舉其犖犖大者均不可不讀也

明史而外則清史稿清史稿爲近人趙爾巽次珊柯紹忞鳳蓀等所編草創成事遺漏甚多然其中可參考者如太祖太宗世祖本紀記滿洲事最要者則列傳九阿哈出王杲列傳十二額亦都費英東何和禮費揚古扈爾漢列傳十五額爾德尼達海尼堪滿達爾漢英織爾岱列傳十六明安恩格德爾鄂齊爾桑等傳皆與清初之事有關而阿哈出傳記清初世系尤爲詳允近坊間印有清史列傳一書亦足參考以上明史及清史稿等

書非全記清開國事之書明史原委已別見於晚明史籍考故附記之於此

撫安東夷記一卷

紀錄彙編本 明刊馬端嶠三記本

明馬文升負圖撰按文升字負圖鉤州人景泰二年進士明史有傳成化十二年九月以兵部右侍郎奉命整飭遼東邊防時海西兀者前衛都指揮散赤哈上番書言開原驗放夷人管指揮者受其珍珠豹皮兵部移文勘之管指揮者懼乃因本衛都督產察係散赤哈姪入貢歸賄求產察言管實無所受散赤哈聞之乃山撫順間進赴廣寧自白時參將周俊等守開原恐散赤哈至事情畢露乃詭云海西人素不由撫順關進恐熟知此道啓他日患也守臣阻之散赤哈因合建州董山餘孽犯邊而巡撫陳鉞與文升有隙十四年正月散赤哈等乘虛入鳳集諸堡陳鉞與總兵韓斌意在撲剿夷人以掩罪乃乘夜襲各寨屠之訖無所掠人畜而精壯者間亦脫去時太監汪直惑於通事王英之言謂往

撫可邀大功乃與文升多所舛悞卒勞師無功撫之而歸旣而以兵部失機下文升於獄謫戍四川癸卯乃赦還仍巡撫遼東此書爲文升自記當爲可信明代自永樂征服遼東而後正統三年征討董山之役實與遼東史事最有關係惟明代記載不詳故研究清初世系史蹟頗覺困難有此一書吾人始能略知其端倪爲徵明清掌故者不可少之書已

三朝遼事實錄十七卷

江蘇省立圖書館藏明崇禎間刻本

明王在晉明初撰按明史卷二百五十七王洽附傳云在晉字明初太倉人萬曆二十年進士授中書舍人自部曹歷監司由江西布政使擢巡撫山東右副都御史進督河道天啓二年署部事三月遷兵部尙書兼右副都御史經略遼東薊鎮天津登萊代熊廷弼八月改南京兵部尙書尋請告歸五年起南京吏部尙書尋就改兵部崇禎元年召爲刑部尙書未幾遷兵部坐張慶臻改赦書事削籍歸卒明初經略遼東與

薊督王象乾專主款蒙古守關門而棄關外欲于關外八里築重城堅守禦其計頗左惟是書上起明萬曆四十六年戊午下迄天啓丁卯十二月叙事溯源詳流首總略次編年及奏議十餘年之事記載綦詳哀然巨帙爲治遼事者所必參考之書也前有申用懋序自序贅言男會苾跋凡例茲錄其要於後

自序云余從奴孽初起躬歷艱難宵旦拮据遇事援毫循年數實言言有據字字匪誣解組以來如范滂登車多年偃息間嘗思小醜披猖憂勞至尊驚惕海內遼事不可不傳非親炙則擬于道聽民間杜纂新編久之竄入正史而虞有魯魚之溷也燕居之暇一一叙述如手緝紛絲錯綜參伍廣摛群議衷以管窺纂就一家之冗編謬擬三朝之實錄俾將來爰采仰佐史宸用資謀野有判如璋而合如珪者矣自東隅告急泛海飛芻曳輪策蹇戎馬憊于疆場金錢殫乎帑藏殺戮遍于遐荒謀議勞嗽調遣四出搜括殆盡轉運如流一蹶而清撫再蹶而開鐵三蹶

而遼瀋四蹶而廣寧追鋒撼搖關隘緹騎疊速奔臣朽甲敗戈澤量山
積流民潰卒蟻聚蜂屯廷議經邊舉朝踧踖苦獲在後白刃當前人避
我趨拼生賈勇藉尙方之赫濯震通國之頽靡招集散亡整修廢堞收
復關前之棄地聯屬海外之孤軍扼負固之岷以保前屯置更番之卒
以守寧遠運海島之儲糈飽我士伍市遼西之窘粟濟我邊民傳鐵勦
川湖之叛寇移師靖山左之蓮妖聲靈既播虜部輸誠朶顏三十六家
虎墩兔八大營取次受欵俾關東城堡復歸版籍物力軍需大從省約
中外晏若朝署清寧訂盟講學識者占恢復之有機昇平之可望也詎
圖黨局分門檢壬鼓釁時人樹趨炎之幟傍觀襲垂成之功慙憑紛更
亟圖進取此時狼烟且熄胡然勞黃閣之塵虎旅方張粹爾似金牌之
召封疆重任臨軒專委一旦傳宣整還朝之劍履余甫幸其息肩已矣
而事出無因釁非已作時乎時乎自茲以後誰能躡遼陽之纖塵寸壤
乎人經幾換薪火猶傳功竟無成關河仍舊累挫轉深敗氣夫誰省察

非常九寒監臨諸鎮掣肘其究罪督寡謀潛通介紹遣弔唁生降志墮
體奴使潛窺單弱決策東侵壞我藩籬禍移屬國諸虜鞭辱通官甘心
從逆于是長昂先叛插部西奔大寧一帶皆爲奴地素爨滅而卜石鬼
遡三岔可以無守而薊宣爲直捷之途矣三輔傷殘肉林骨阜功隳興
築大將幾成釜魚禍起調援叛賊久爲逸獸五年爽滅奴之約三韓緩
克復之期大都遼事之失起于同儕之擠軋壞于大猾之鑽營東垂罹
劫殺之運地遍干戈西壁開傀儡之場手提線索貨郎入幕債帥當權
國人皆知不可彼鄉獨見優容陰盜國而陽盜名巧取官而貪取利攀
援附黨且至操戈力薦同心竟成按劍明知尾大之不掉猶然百足之
不僵用人每入牢籠虛伍習成故套弊竇一開九邊效尤法弛兵弱長
鯨未馘孰清登海之波濤破甑難完屢竄盧龍之鎖鑰釀患至此藉非
身在箇中鑒觀獨晰誰秉董狐之筆而定千秋之公案哉慨惟遼土沉
淪英雄喪氣或長算偶昧于幾先或履錯竟罹于債事或否臧而死法

或捐軀而死敵浩劫所臨什不存一而秉忠殉國文臣武士正副以及偏裨動至千百當事者掩罪蓋愆廟廊之上又諱言失律名姓未彰草木同朽白沙黃壤怨鬼長號赤莽青磷遊魂莫返夷陵之土成灰蔓弘之血化碧而簡史不知其人浩氣消磨鬱結爲厲且已午以後邸報不傳多識多聞統歸聾瞶集諸廷則多偏諱筆之史亦至挂遺世道所以常存者獨此公是公非揭日月行之若始而混混終而混混乾坤不幾乎息耶余之爲是篇也急公死義之士必存其名飾非矯枉之談力闢其謬博采奏章無我寇我仇之恨祇持國是詎生瑜生亮之嗟不以國典而失褒貶之平不以衆斥而靳獨裁之義刑如磔督則余復命之章曾譏其輕進罪若叛臣則余平臺之對兩刺其奸貪當事實爲腹心公論寧辭鉞斧孔子之說夏殷也而憂犯宋之無徵區區譎陋惟集諸邸鈔以爲當年兵書疆事之徵徵信在我知罪繇人聊以存三代之紀綱而已矣

男會茲跋云曩遼患孔棘家大人拮據中筦蓐食行間殷憂宵旦不遑
寧處苾小子時得而親承焉已已歸里每得報輒廢書而歎曰有是哉
邊事一至此極乎兵虛而不可恃也餉靡而無可覈也效順之虜昔爲
我用而今爲奴用也長邊數千里在在可窺而入也蓋自壬戌以後關
寧失馭其所繇來者漸矣追惟河西奔潰胡塵滿目犬羊充斥流離鴻
雁哀鳴天造草昧紛紛攘攘淪關爲劍戟之場矣彼時寧前不復則山
海危山海不守則神京危舉朝肺腑而家君挺身仔肩以媿夫臨事怯
避者銳志爲收復寧前之議以媿夫奔蹙失地者不請兵不請帑單車
就道以媿夫多方請乞者比出而經略款讐相兼戰守互用關前殘破
之區重歸版籍而棄甲曳兵者作矣無刺無非倏更倏代言者無已而
自請行邊督師者如矣於極危極險之地百難百窘之時幸不蹈前車
之覆轍留樞簡任三告乞歸家君曰此社稷之靈也君之福臣何功之
有角巾私第口不言功而爲公論所許可復拜南銓之命無何而權璫

竊柄獨行見忤屢推屢黜以至三載之淹璫錮而始正中樞之席焉是時邊防窳惰業五載於茲矣當袁督師之陞見御前矢口輕言滅奴因箴規之相拂遂謀議之參商必欲易本兵以恣行其臆於是諫垣有水火之談而檢壬任苞苴之入債帥逋誅之疏投鼠起憎而召對欺貌之旨批鱗觸忌偶緣惠安之增勅羅葛株連瞥然投劾而歸矣藉令家君在任則薊兵不至抽單島帥何繇立梓插部不遷素囊不減而虜不背約以從奴詎至陰許和而陽赴援有引虎入門之禍哉老父年齡薄暮願不知名子情喜懼交切惟知愛日身之隱矣何用文爲顧念虜患披猖君父蒿目十年遼事草野謹聞其概史乘恐失其真斷簡殘篇悉從邸鈔中之纂集梓人乞付剗劂皆剗浮摭實之文無虛無廢董狐齊太史或取徵取信焉

凡例

一國史有專成而今自爲纂述者何也漢命儒臣歸史於東觀而其後

有袁宏紀張璠薛瑩謝承華嶠袁山松劉義慶謝沈之史宋范曄刪采爲十紀八十列傳劉昭復補爲漢志史非一手所能成諸家之書正以助東觀儒臣所不及也非諸史後來何從考正乎

一國史非書生所能述仕未登朝總爲途說躬未親閱類多耳食今時之雜編無當肯綮有假此索賄市恩求容於津要者且多依傍門戶毀譽失真非信史之必傳直付漁樵之論可也

一詞館編纂不過採部科之奏疏六垣架閣數椽原本按時繳進而兵部之不存堂簿已三十餘年矣去年之藁今年無可覓者即林詞有專筦章奏之官恐亦不能書錄也

一近事莫大於遼十載間功罪得失議論是非俱當備載今新編所註述皆浮蔓之條陳及囂爭之筆舌不知榆關何以得守棄地何以得復至於喪師敗績不復深言護彼之短正以揜他人之長此皆山人流棍占風望氣逐臭附羶用意之深爲將來混殺正史之地遍閱諸刻雖無

一言之詆及于予而其所愛護者顯然見於言表矣此編一出必爲邪
說偏黨者之所忌然而原疏俱在明旨昭然與諸大夫國人共質之可
也

一右山海之距神京所謂一重門限若無寧前關門必不能守余爲總
理時抗疏爭之而黨人譏爲鹵莽之談旋責余爲經略不收復關前地
面則與彙臣同罪也比余果踐其言而黨人之氣塞矣既無可指摘以
加之罪乃陰謀更換以使之歸時局如此而欲望邊臣之樹功書伐其
可得乎

一海運最難始事者止十萬而頓加六十萬不知幾費心籌事乃得濟
而新編並無點墨所謂問齒決而輕飯歎也余雖紀其事迹其艱然亦
僅存節略耳

一史書專爲獎勵忠義若死事不傳無爲貴史矣此編必窮搜博載有
宦者書其官以旌其殉國之節至于立祠賜諡加官予蔭祭葬從祀闡

揚朝典流傳萬載永慰忠魂

一史以顯微闡幽質疑辨難是以從井之妾必書其氏殉主之僕務列其名當死不死而勉圖旦夕之生殺不當殺而立染尙方之劍死敵而埋滅黃沙偷生而粉塗青史務求其實質之鬼神而無疑

一虎酋爲虜王奴強而插衆款插則西虜盡歸約束我可以專力拒奴奴之所寒心也至丁卯而插部西遷遂不能紀綱各部皆籌邊者之失策五次入犯奴耶虜耶不能辨之矣

一辛酉失遼陽廷議以東征兵馬錢糧軍需兵仗設總理三部侍郎此從來未有之官也海運米粟山積盜甲等件萬千朽爛虛耗物力新編盡爲隱諱併新設之官無述焉一人創筆捕影者皆然草野之間附黨劇于廟戰矣

一遼事起言路封章多爲熊王爭戰守及廣寧失後爲經撫爭罪案自今觀之孰戰孰守至其罪狀已正于西曹贅談不必盡述

一庚申已後紀余之奏疏似覺其煩然所紀皆切要事也先儒胡致堂有云義不當隱者聖人猶自序其績知我罪我其亦聽之然余署部有一百五疏百存其一撫東總理經邊亦存什中之三四家貧乏劖劘之資摘略而非全疏也

一遼東爲本朝疆域其山川關隘險阻及外夷住牧聊紀崖略以備開卷參閱

一叙事必遡原所始奴孽之先播毒于前代其後自相戕滅倏盛倏衰易爲興歇余著其始事於篇端

一叙事必首編年奴孽繇戊午以暨丁卯十年間邊事明註年月歷歷可按其或以後事證前則爲旁註另註某年月

東夷攷略四卷

燕京大學藏鈔本 日本內閣文庫藏明刊本

原題荅上愚公撰次按荅上愚公爲茅瑞徵同治湖州府志卷七十五人物傳文學云瑞徵字伯符歸安人坤從孫萬曆二十九年進士知泗

水縣調黃岡擢兵部職方主事陞郎中歷福建參政湖廣右布政晉南京光祿寺卿歷官有廉吏之目壯年即解組歸田自號菰上愚公耿情咏吟官職方時著有象胥錄三大征攷詩亦真率自喜卒贈大理寺卿是書首篇女直記自秦漢以來女真部族之沿革次篇海西記南北關王台祝孔革之部族三篇建州記王杲阿台之事訖奴兒哈赤之興至萬曆末年而止首有遼東全圖開鐵圖開原控帶外夷圖瀋陽圖廣寧圖海運餉道圖菰上愚公傳前有攷原末附東事答問仿枚乘七發之例述防遼之法爲答客問之體瑞徵官歷兵部目睹當時情狀親歷其事故記述特詳其記奴酋爲建州之支部及併有諸夷蔑視明廷之事蹟王台仰加逞加二奴之興廢言之鑿鑿至記明正統三年征董山之役馬文升之撫遼東楊鎬之四路喪師聲色煊赫脉絡詳明足裨史事其防遼之法大旨在設武科以陳軍旅厚資賞以招勇士瀆苛征以整遼餉利間諜以窺遼情至言軍旅之弊遼餉之濫萬歷朝之惶恐無策

不爲久遠之計京師重地猶有奸人出入至兵敗之後事過境遷而朝士又反視之漠如足以見當時之情勢非書生之見者可比惟所記僅及天啓初元而止惜瀋陽失陷之後均未記載又三篇所記之事略有出入重複之病而傳聞失實之處亦間不免然記清初之史事明代遼東之興廢固可謂最確實有統系之書也是篇爲乾隆時全燬之書中土久佚日本內閣文庫藏有刻本是篇從上虞羅氏殷禮在斯堂藏鈔本轉錄爲明清史事有數之秘籍彌可珍也今羅氏本已歸燕京大學圖書館矣

攷原云云自有東寇主憂臣瘁而議同築舍局等奕棋爰監往以察來庶懲噎而改轍故考東夷在昔女直旣殊生熟之稱即今海西亦別南北之號瓜分豆剖厥裔實繁頃蠶食業騁于兩關而鯨吞敢恣于上國耳目所逮寧過而存之故通考外復次海西建州齒馬自宜引嫌捫蝨不妨寫臆唯執簡以俟斷自先帝之登遐而企踵以頃待聽後人之補

寒庶紆轡恤幸迨謗書故考東夷訖千萬曆紀年疆場一彼一此蒙茸
將誰適從語不云乎中流遇風勿汲汲也肉食者鄙匪沿曹劌之談謀
求野則獲竊取裨謀之義故諸考輒參以緒論古亦有談兵于聚米或
畫地以成圖量彼此情形多算乃勝問山川險易抵掌爲艱閱假顧陸
之丹青稍佐韓白之畫策曷可少哉故凡諸考先以地圖云爾浣花主
人書

自傳云君上愚公者家蒼水之曲性專而癖自先世事力穡而公獨酷
嗜書當其坐擁殘帙伊吾自喜輒私謂天壤間雖有他樂吾不以易也
及一再試爲吏殫精職業絕不解以官爲傳舍間有以請謁問遺至面
輒發赤反走以是亦時竊民譽而每爲通人所不樂公亦罷去不顧歸
返初服讀書伊吾與兒曹聲相互答或勸公仕抱膝長嘯不爲對人謂
公炙手不知炎下石不知險脂膏不知潤且並軒冕不知榮胸無機械
意無好醜此殆天下至愚人也公亦自謂名我以愚固當然雅能以無

私自許人亦久而以是許之因共號曰蒼上愚公愚公閒居每好著書然多雜以兵事以所歷官似是馬曹嘗留心擘畫綜理其間雖已歸臥而宿業不輟齒及輒津津有味乎其言人謂愚者必專且癖此亦愚公真種子云時天啓元年龍集辛酉夏日書於浣花居上

女直考一卷

廣百川學海本

天都山臣撰武林翁嶺業閱自序云自天厭夷德降生真主北竄胡元我中土始得光天日月之蓋皇祖另闢乾坤於遜代之外其德固篤唐虞三代而上之矣乃爾歲建酋以旣燼之灰鴟張跋扈始則詭部落繼則要挾不庭而駿駿乎啓疆也豈唯授鉞者蒿目即荷犁執轡岩史販夫有弗裂眦而呼亟欲顛其壘穴者乎顧不稔察其境之透折不歷遡其類之從亦何異望洋興嘆自茲圖考出而虜在我目中矣跡奴兒哈赤之於猛酋假女爲敵餌委妾爲賄資雖狡黠百出不過饒饒之獸耳我皇祖不階尺寸一朝而蕩腥羶豈以金甌鞏固之日控幾何儲積幾

何猛將謀臣而顧難彈一挫哉吾儕食土之毛忠憤橫臆然有志竊未之逮唯同志者披圖而起長於謀者輸謀長於力者輸力長於賄者輸賄共獵此黠獸而畜之也庶不負傳黎之意

時邊臣遣使請救奴酋外恐吾聲罪實心利其妻妾部落乃僞以女許猛酋而陰縱其妾與通徐以私外母爲名殺之仍以女許妻猛酋長子送次子歸我內地以苟塞前請邊臣因不與較奴酋日且有輕中國之心

遼夷略一卷

明張麟已巳刻寶日堂集本

明華亭張鼎世調撰按世調萬曆進士官至南京吏部右侍郎兼詹事府詹事熹廟時天變陳言八事末言慎宮闈大拂乳媼逆璫指旋廢家居崇禎初仍起於家晉少宰摠纂修記註事著有寶日堂集以萬曆庚申奉使東行至山海關着使東日記此書爲其歸後所著言遼事者大抵遼東部族最爲複雜如宰兔炒花之名率不易明晰此書記兀良哈

三衛之部族極詳讀此一書則當時部族瞭如指掌庶不至於與女直諸部渾淆而有扞格不入之病惟即題遼夷乃於奴酋之先世尙未能指明此不無缺憾是書入禁書總目前有叙言

叙言曰余自庚申十一月歸途撰次遼夷略記其種落住牧及市賞諸處蓋得之周中丞毓陽全遼圖底本中頗詳而核今者遼瀋新陷朝議紛紛無定畫甚有願奔河西而守山海者夫河西奔而山海安能守此不待智者知之也竊私嘆國家纔失一隅之地動輒四顧張皇便思縮地自固別無他策此其病在先自弱視奴太强我先失中國之勢而遂視奴爲不可制之敵國不知奴於衆夷中不過彈丸之一種操縱而顛倒之線索原在我中國之手晁家令云以蠻夷攻蠻夷中國之長技也請就遼夷略中考論之夫從來夷無定主犬羊相噬投骨於地猶然而爭虎墩兔愁爲西虜帝然累歲思邀我貢市王爵如俺答故事而不得抱恨終身豈肯坐視奴帝遼陽斷其市貢之利乎且以寧前而論之其

革蘭泰之一種凡八枝共四十箇而領市賞則高臺興水縣二堡也以
廣寧錦義而論之其土蠻懸一種凡九枝共三十箇而領市賞則鎮遠
關也其靈塔必一種凡十枝共四十箇而領市賞則鎮遠關與大福堡
也其大委正一種凡三枝而領市賞亦鎮遠關也其克石炭一種凡三
枝共九箇而領市賞亦鎮遠關也其鬼麻一種凡五枝小歹青一枝市
貢則大康堡額參委正一枝市貢亦鎮遠關耿耿歹青青歹青石保赤
丑庫兒三枝市貢亦大康堡也其五路台吉一種凡七枝共十八箇而
領市賞亦鎮遠關也其把伴一種入於泰寧凡二枝共十六箇而領市
賞亦鎮遠關也泰寧諸夷虎喇赤一種凡五枝長男速把亥一枝凡二
十二箇直廣寧海州西平東勝東昌等堡而領市賞則鎮遠也其次男
抄花一種凡九枝共三十餘箇而領市賞亦鎮遠關也至萬曆四十三
年遼陽長安堡新開木市而西至廣寧東至遼陽境外遊牧絡繹是虜
亦以木市爲命至於虎喇赤第四男伯要兒一種凡五枝共六十餘箇

對遼瀋開鐵正北而市賞俱在新安關今沒於奴則伯要兒部下六十餘餉之市賞絕矣惟福餘夷弱而久不入市海西南北關夷爲奴所併而不開市則今日每年數十萬兩市賞固諸餉所戀戀而不能捨者也諸酋利吾市賞使我市易我之布帛鍋口等物皆彼夷日用所需而彼馬牛氈羊北與我市則無所售然則遼陽一帶實西虜所資以爲生料西虜亦決不利我失遼陽而令奴得之也今伯要兒亦無市賞之利而思逐奴矣抄花亦且爲我守黃泥窪以拒奴矣誰謂西虜肯奴得土地而已失市賞哉挑之使鬪亦彼各自爲其私情所必至也今日惟有此一着可使夷動而我靜夷勞而我逸我修備修守而徐乘其敝寬民力心以爲恢復之計若夫海蓋諸逃民在海島中皆我百姓決宜安插各島中設官以統之令山東爲之接濟使安插共守以相濟會爲復海蓋之後圖移咨朝鮮整兵以擾其東境而通貢道又見奸細藏於兵部提堂中恐此輩埋伏伺隙者不少託何神叢意將何爲危哉危哉當事者

不得瞋瞋如夢余是以刻遼夷略而僭題數言以告實心爲國者採而行之時天啓改元幸酉孟夏日題于讀書舫中

按寶日堂初集卷一卷二有詔諭遼東將士軍民人等告諭北關屬夷人等告諭西虜朵顏三衛屬夷人等卷二有備邊急務疏再論遼事請發經略視兵疏四論遼事請發金錢疏前有許維翰夏允彝序夏序云大臣可以無技而不可以無學技爲世用而學以用世者也數十年以來天下之事莫大於遼則翁首疏籌遼天下之難莫慘於璫則翁有言戢璫而他文之所曉露無不挾雷風行之致以振起一世之頑懦其寬大雍容之氣又盎然詞外使人樂容而有餘地是論蓋非阿諛之詞也

使東日記一卷

寶日堂集本

華明亭張鼎世調撰詳上條

剿奴議撮一卷

江蘇省立圖書館館印本

明雲間于胤燕芳撰同社王應遴華亭陳繼儒校

建州考一卷

勦奴議撮附刊本 寶順堂鈔本

明雲間陳繼儒眉公撰建州考記建州清初史事向入違禁全燬書目議撮一書共十有一篇討論明季遼左兵事間以攻取守備之法據是書所附之跋燕芳此作蓋在楊鎬四路喪師之後熊廷弼奉命經略之時實當時深切着明之計也前有遼陽指掌圖原跋考訂頗詳茲錄於後二書合訂故統記於此

原跋云勦奴議撮明雲間于燕芳撰奴者清太祖奴兒哈赤也燕芳名胤澹生堂藏書譜國朝南直諸公集目有于燕芳雜稿六卷六冊其目曰鄭草嶺噫潞河草三山草鄂草輦下獻此外所著尙有燕市雜詩陳繼儒曾爲刊之於眉公雜錄中與勦奴議撮同爲清代禁書見軍機處奏准全燬書目唯於勦奴議撮一書簡稱議撮蓋諱言勦奴耳清代諸家書目均罕著錄嘉慶松江府志藝文志僅載燕市雜詩於燕芳行誼則不著一字此爲八千卷樓舊藏明陳眉公訂正刊本前有同社王應

遴校六字應遴字雲來山陰人萬歷戊午副車爲東林中人則燕芳或亦其流輩也燕芳作此書在萬曆四十七年楊鎬四路大敗之後而議撮一謂金台失白羊骨叔姪等蜂屯相望告以故土宜復未必遽忘中露云云按北關於萬曆四十七年八月二十一日爲奴兒哈赤所破金台失自焚死白羊骨降燕芳議撮蓋在其先楊鎬旣敗熊廷弼於是年六月奉命經略遼東此書亦未之及則其著作之時當在是年三月以後六月以前也楊鎬之敗爲明清興替一大關鍵讀熊廷弼籌遼諸疏當時朝野皇皇之狀可以想見燕芳此書條舉復遼之策固士大夫之留心邊事者書首刊遼陽指掌圖中謂建州石砌重城六門三面水面山城極固內城六百家住外城三千餘家精兵住云云按之清實錄只謂萬歷十五年太祖於碩里口虎欄哈達東南加哈河兩界中之平岡築城三層並建宮城云云而不及其他今合此書所言然後清初建國規模約略可覩矣近歲章炳麟著清建國別記日人稻葉君山清朝

全史於清初史事多所瓶獲顧於此書都未之見因取陳繼儒之建州攷合而刊之以供談清史者之一助焉建州攷多醜詆滿俗亦爲清軍機處奏准全燬諸書之一今從陳眉公全集中錄出二書刊本魚魯百出故別據明遼東志諸書爲之勘正附諸書末而於原書面目一無所改庶存其真云

山中聞見錄十一卷

上虞羅氏刊本

原題管葛山人撰按管葛山人姓彭氏名孫貽字仲謀海鹽人爲明末遺民著有茗齋詩見楨撰彭茗齋著述考是書記遼東史事卷一至卷六爲建州卷七爲戚繼光李成梁杜松諸人傳卷八西人志卷九至卷十一爲東人志入燬禁書目茗齋留心史事叙述極詳爲記清初史書有系統之書前有羅振玉先生叔蘊跋羅氏謂茗齋生長南疆不知何由洞悉朔方兵事實則茗齋有燕游草固身歷塞北也

甲子羅跋云管葛山人山中聞見錄記明季關外兵事頗詳予初得舊

鈔本計十一卷而闕第三至第五凡三卷求別本不可得乃付梓以傳之既十有一年矣己未游滬江忽於友人處得一本則一葉不缺損分十三卷以校往歲所刊卷一至六皆無差異卷七至卷九列傳三卷卷十爲西人志卷十一至十三均爲東人志舊得本則併列傳三卷爲卷七卷八爲西人志卷九至十一爲東人志雖卷數不同而中實無別因命手民補刊佚卷此書乃得完足去歲既得大庫史藉凡記明季兵事者取校此書合者什殆八九管葛山人爲海鹽彭孫貽生長南疆不知何由洞悉朔方兵事殆友人佐遼幕所記而山人據以成書耶殺青既竟爰書其後以告世之得是書者當以此書之既闕復完爲可喜也

耐巖考史錄四冊不分卷

江安傅氏藏鈔本

上虞朱璘青巖撰右耐巖考史錄舊鈔本四冊無卷數不著撰人名氏爲江安傅沅叔先生藏園所藏書爲綱目體記有明一代與建州之關係起洪武二十二年己巳詔以兀良哈之地置朵顏泰寧福餘三衛始

至清康熙二十二年癸亥施琅克復臺灣止叙清之建立頗詳惟不見著者姓氏爲憾而歷觀書中所引斷語曰黃道周曰徐石駟者皆曰某人曰而稱按者僅朱璘一人且每冊皆數見按南疆繹史勘本所引乾隆間禁書目有朱璘明紀輯略一書且謂其書語多荒謬疑即其人情不得見其行事近閱章實齋湖北通志檢存稿平夏逆傳有記朱璘事一節夏逆爲夏包子名逢龍倡亂於清康熙二十七年後爲朱璘所擒朱璘傳略云

朱璘字青巖上虞人任武昌同知仁廉愛民康熙二十七年署湖北驛鹽道逢龍劫璘同張芑至閱馬廠璘芑罵賊屢被殺不挫次日資璘索印璘厲聲曰頭可斷印不可得也賊令分禁諸營乘防守懈密與督標營將王相守備胡定海約共圖殲賊脫身走安慶求援時將軍瓦岱調兵江寧璘往從之隨征催餉芑亦會軍復武昌縣逢龍敗逸於白雲堡璘芑偵知擒獻事定璘擢南陽府知府璘以貢監筮仕

而好學不倦著有綱鑑輯略明紀全載又有諸葛武侯文集二程文略朱子文略古文適八大家古文適訓誘蒙學

按浙東自萬季野以後史學之風日熾青巖爲上虞人平夏之年上據作史之年僅五歲時代先後相同且章傳有明紀全載而南疆繹史引有明紀輯略書名相同是作者史錄之人即朱璘可無疑也

明季野史記遼事者如山中聞見錄女直考建州私志諸書輒近發現頗多然編年記載者頗尠此本舉清初之沿革頗有條理叙述能得其真一也年經日繁可以覘其條貫興廢之迹二也其論明之敗亡非由於將之不勇實由於調遣之失策信任將士之不勇而行軍多受制於內嘗論黨獄之起由於楊左諸君子之營救熊廷弼其第一冊朱璘按云初汪文言嘗爲廷弼求緩決許魏璫四萬金既而不與故魏璫借文言求脫楊鎬熊廷弼罪廷弼徧賂楊左諸人於是坐名追贓無得免者此追贓之因所言尤詳三也惟是書自南渡以後則或聽諸傳聞或語

焉不詳如謂魯監國之被鄭成功之沈諸海中諸事憑諸野史未加審辯豈當日真確記載尙未出耶又是書雖未見禁書目錄然偶憶其記永歷朝黨人之爭倪在田續明史紀事本末已全取此篇故知此書亦非僅此一種鈔本矣己巳初夏浴佛前三日政

又按明紀輯略八卷有刻本又見鈔本明紀全載十五卷輯略至明穆宗而止全載則至明季三王爲續通鑑輯略而作前均有張英序刻本較鈔本略有刪節實即一書也是書每條之下亦間有朱璘按更足証明是本爲朱璘之作近見海鹽朱邊先先生藏有明紀紀略刻本記遼事極詳恐此本即由紀略本鈔出而通行之明紀紀略則避清諱而去之耳

遼紀一卷

傳鈔本

明錢塘田汝成叔禾編纂無錫俞憲汝成校正叔禾嘉靖進士官廣西右參議諳曉先朝遼事著有炎微紀聞等書是編爲綱目體起洪武二

年置遼東衛至嘉靖十七年夏六月御史褒善請於金州設兵備憲臣及開置州縣不報按年紀事多取材於實錄於有明一代遼事可資參攷

遼事志略一卷

北地豐茂藏今略書卷十一鈔本別出

原題承陽道人董基識男董詩較是書記遼事至天啓初年熊廷弼王化貞經撫不合喪師瀋陽而止後附籌遼錄當時人奏議及詳論遼事之文明末言遼事者所謂以口打賊其方策不下數十百種此書擇其要者節錄之足使人閱覽惟所錄奏議策疏不列時代不著事實不知其事者讀之便覺茫然此則明末人著述之通病也

明史紀事本末補遺六卷

清鈔本末見

清豐潤谷應泰庶虞撰按應泰順治丁亥進士著有明史紀事本末傳節子明史紀事本末跋云此書尙有補遺六卷藏書家罕見著錄惟

吳壽陽拜經樓藏書題跋記載之舊鈔本紀事本末備遺二冊不分卷亦無序目撰人名截去首冊爲遼左兵端熊王功罪插漢寇邊二冊爲毛帥東江錦寧戰守東兵入口凡六篇吳氏舊鈔今歸陸存齋心源曩曾假讀錄得副本其書體例全仿谷書祇篇末無論爲小異耳觀卷中附注有詳流寇之亂崇禎治亂等語此兩篇乃此書中子目疑爲一書後以事關昭代龍興恐有嫌諱授梓時始別而出之如鄒漪刻綏寇紀略特闕虞淵沈中下兩篇未可知也以所載皆此書所遺依此書一篇一卷之例改題明史紀事本末補遺勒爲六卷

高昌館課甲冊不分卷四冊

膠縣柯氏藏明刻本

東方文化基金會圖書館藏

不知編人名氏楨晤柯鳳蓀先生云此即四夷館所輯藩屬之來文而誤題曰高昌館課蓋當時不明夷屬之方域也按何喬遠名山藏記遼東一百八十四衛名頗備是書按年記載各衛之事鈔出建州毛憐兀者等衛之文與華夷譯語女真編及德人 Vom Dr. Wilhelm Grube 1896

所著 Die Sprache und Schrift Jucen 錄其有關遼事者比而較之則清

初之世系可補史事之闕者當不少也原文如左

皇帝洪福前建州右衛都督察哈塔並毛憐衛大小人等奏今我每比照今年來進貢海西的人賞賜都賞與銀兩我每照例奏討銀兩便益怎生恩賜聖旨知道

皇帝洪福前建州右衛都督完者帖木兒懼怕奏奴婢今年在東邊地方射獵尋得白爪海青一對能擒天鵝奴婢不敢自用專差指揮撤里赴京進貢望朝廷憐憫狀了怎生恩賜聖旨知道

皇帝洪福前建州左衛都督脫羅千保奏有本衛都指揮僉事牙速成化四年七月十一日除授前職今故了有他男亦刺哈要襲父職又有指揮同知阿刺哈弘治二年三月十二日除授前職出氣力多年了今討

陞都指揮僉事職事
怎生恩賜聖旨知道

皇帝洪福前建州右衛都督完者禿奏先前奴婢本衛一百十五人進貢來時有都指揮使苦魯名字人有珠子二個賣與大市倪佐名字人說定與布一百疋後不曾與今望朝廷怎生憐憫追還原物的恩賜聖旨知道

皇帝洪福前建州右衛都督賞哈懼怕奏有本衛都督僉事刺哈成化十四年十月初三日除授前職弘治五年十二月十二日故了今保他男老察襲他父都督僉事便益怎生恩賜聖旨知道

皇帝洪福前建州左衛都督脫羅懼怕奏天順八年正月十八日除授馬木敦做都指揮成化元年搶去邊上十九人馬十四甲八副將這馬木敦送到廣寧城收了這馬木敦多出氣力有來因此今保他男馬哈塔襲父

都指揮職事怎生
恩賜聖旨知道

皇帝洪福前建州右衛都督人等保奏成化十五年三月十六日除授阿刺哈做都指揮僉事有陞官的勅書被大軍馬搶了今保他男忽塔哈襲父前職成化十五年三月十六日除授阿塔忽都指揮僉事有陞官的勅

書也被大軍馬搶了今有他男馬
塔要襲父職怎生恩賜聖旨知道

皇帝洪福前建州右衛都督賞哈懼怕奏成化十四年除授猛可做都指揮同知後被擒順所官人殺了有陞官的勅書失落了今保他男伯孫襲父都指揮同知怎生恩賜聖旨知道

皇帝洪福前建州右衛都督使賞哈懼怕奏天順六年除授前職今進貢馬匹叩頭來了討陞都指揮僉事又有指揮僉事撤哈塔天順八年襲了父職年遠了今討陞都指揮同知又有指揮同知卜兒哈天順二年襲了

父職年遠了今進貢馬匹叩頭來丁
討陞指揮使怎生恩賜聖旨知道

皇帝洪福前建州左衛都督脫羅懼怕保奏成化四年七月十一日除授牙連廣都指揮僉事今放了有他男
亦刺哈要襲父職又有指揮同知馬哈木天順二年三月十九日除授前職多年了今討陞都指揮僉事怎生

恩賜
旨知道

皇帝洪福前建州右衛都督賞哈懼怕奏有都指揮阿刺哈家下妻千九口人被陳那堂殺了有陞官的勅書
被人搶去了先前失落了勅書的人後都給與了今奴婢保還阿刺哈奏討都指揮勅書怎生恩賜聖旨知道

皇帝洪福前建州左衛都督脫羅懼怕奏天順四年十二月十二日除授脫你赤做都指揮僉事今保他做都
指揮同知成化元年二月十九日除授歹罕做指揮同知今保他做都指揮使成化十四年十月初三日除授

掃察做都指揮僉事今放了保他男昂
克溫襲父前職怎生恩賜聖旨知道

皇帝洪福前建州左衛都指揮使花當懼怕奏成化五年有李三名字人逃在我每地方我花當將這人拿住
送到韓總兵處了成化九年有朵顏三衛逃了來撫順所地方擒拿時我每與他廝殺了他一人送與邊上王

大人處成化十二年有王成名字人逃在我每地方我拿住送到兵部馬大人
處有來奴婢有這等功勞今叩頭來了討陞都督僉事怎生恩賜聖旨知道

皇帝洪福前兀者左衛指揮僉事哈里哈男撒魯格奏有的父成化
十年二月十七日除授前職今奴婢求討父職怎生恩賜聖旨知道

皇帝洪福前兀者衛都督也克懼怕奏今奴
婢求討金帶大帽子怎生恩賜聖旨知道

皇帝洪福前兀者前衛都督卜哈懼怕奏有本衛都督脫里景泰元年十月十一日除授前職誠心出氣力行
間後天順二年被逃北達了做賊將這都督脫里搶去了有他男兀哈禿天順三年進貢時襲了他父都督僉

事職事出氣力行間放了今有他男納哈
出襲父都督僉事怎生恩賜聖旨知道

皇帝洪福前兀者衛都指揮僉事馬塔哈男撒禿哈奏比先奴婢襲父職事有勅書被歹人搶去了比先有馬
侍郎大人去招附時奴婢隨他出氣力主人前叩頭來了衆人都認了職事止奴婢不會得陞今照例討陞職

事怎生恩賜
聖旨知道

毛憐衛指揮使塔出奏比先成化二十三年有我國撤魯正直好人同元黑納被遼東
韓總兵領軍馬出邊外時將我的祖殺了這等苦楚是今奴婢求討降職奏得聖旨知道

奴酋一卷

博物典彙本卷二十四夷別出

原題史官黃道周參玄氏纂按道周字幼玄一字螭若號石齋天啓進
士崇禎初官右中充以文章風節稱於時福王時官禮部尙書南都覆
唐王以爲武英殿大學士率師至婺源兵敗不屈死明史有傳所纂博
物典彙四夷有奴酋一篇九邊有遼東一篇清乾隆四十一年上諭云
至黃道周另有博物典彙一書不過當時經生家策科之類然其中紀
本朝事蹟一篇於李成梁後設謀恚害具載本末尤足徵我朝祖宗行
事正大光明因命館臣酌加節改附載開國方略後以昭徵信惟原書
一經刪改則面目全非此篇就原書鈔出可見清初改書之例此篇叙
述遼事首尾頗詳亦足徵也

奴酋即金餘孽也元滅金以其地置軍民萬戶府國朝分爲三糧曰建州即奴酋地曰海西曰野人而建州
實居中雄長地最要害永樂元年野人酋長來朝已而建州海西悉境歸附設建州等衛所二百餘衛都司一

潮戶故址皆爲奴併又有王元堂王寧古鐵等處亦爲奴所併西隣長奠永奠大奠寬奠新奠陽孤山城陽一塔牆清河散羊路馬根順三兒自家衝撫安柴河松山靖安威遠鎮北關北有混同江烏龍江白石江內先有灰扒伯答里等處皆被奴會殺掠掠部夷八千餘衆悉入奴地另設置建夷千餘家屯種此地又有海西上南關舊址大黑山地方亦併入奴會近屯兵二千餘家在此住牧初會一兄一弟皆以驍勇雄部落中兄弟始登單而議既則建策策定而下無一人開者弟私三邪督會疑弟二心伴營駐第一區落成置酒招弟飲會入于寢室則賊之注鐵鍵其戶僅容二穴通飲食出便溺弟有二名婢以勇開會恨其佐弟假令召入宅腰斬之長子敦諫會勿殺弟目勿自中國奴亦因之其思逆乃天性也然奴雖叛賊大都其氣皆承恩人京襲父官司馬吏故難之呼喧於大司馬前有司屬官異其相擬明日置酒呼之酌而是夜已去矣奴會氣亦類呼蓋未嘗一日忘父仇也尤邊境俱不毛唯建夷產珠及參與貂最下赤松子界鴨綠江而居珠江出也其魚最肥又東北走數千里爲生虜中國徒知其端與三千里不知東北數千里戰敗度可匿形東多茂松貂其最上張弓焚巢則夥墮于羅取山澤魚鹽之產易我中國之財故會日富會歲貢蜜兼開蜜市自癸丑後不貢至丁巳相傳虜煉蜜爲模程撫榮疑其事未敢認言于朝密使遼陽材官蕭子玉僞稱都督命問故子玉盛具儀仗東臨虜境會不郊迎子玉大怒詬虜曰天使驛騎而大都督不出是辱皇朝也將歸問罪奴會聞之憤然屬秦鞬臨迎道左俱具甚豐腆子玉大喜相與盡歡徐致詰不貢市之命會從容對曰本部之密衛天朝五穀也五穀有不登之年皇朝將誰是請耶本部五年來花踈蜂死是以不供俟春枝花滿釀熟時當復貢市如初此項事耳何煩坐虛厚贈子玉並轡而出至別處從馬上拍子玉肩笑曰汝是遼陽無籍蕭子玉也安得假稱都督臨我郊境我非不能殺汝奏之聖明願不忍貽天朝以辱耳爲我致意撫臺後再作詐事子玉狠狠西奔撫臺聞之閉門累日中國每事貽笑遠人安得不敗其輕侮之心哉已上冬蕭人咸云奴會苦饑一日嘔粥二盞識者曰實者虛之此未可信蕭人亦以會乏食爲喜迨劉總戎破會寨五穀滿園因奴會狡詐諸事類此奴會破清河先一日其子綽與張總戎夜飲極洽酒酣二子忽叩張云屢勸家君止戈而止心不已假令終違若口元戎何策禦之總戎時已醉盛稱中國威德兼揚已長二子微笑而別明日驅貂參車數十乘入城貂參窮而軍容見因入據城門延入諸騎放清河之破視撫順尤速以後破遼陽破廣寧總之先潛在中國謂奴會以善戰善攻得則舉寇太甚矣按遼左之人生二子則以一人私役於奴會會給之銀幣貂卒歲而歸值滿十五六金奴會掠錢無所用之高積如山欲歸者弄銀三兩令盡力負錢命所過給以飲食負重者致腰背盡折故城破之日奴會驅之而歸不必以兵威屈也天啟六年八月奴兒哈亦病死

女直考一卷 朵顏三衛考一卷

著錄事本四夷考 寶顏堂秘笈本

明福清葉向高進卿撰按向高字進卿號臺山萬曆進士累官吏部尙書兼東閣大學士時帝在位久朝事廢弛乞休歸光宗立召爲首輔天啓間魏忠賢擅政憚而不發善類賴以保全即向高去位楊左諸君子均遭慘禍卒諡文忠明史有傳寶顏堂秘笈續集有四夷考八卷入禁書總目專記朝鮮日本安南哈密赤斤蒙古罕東左俺答諸事女直及朵顏三衛均其中之一篇也女真後避遼諱故曰女直是編叙女直朵顏三衛頗詳足資參攷

皇明四夷考女直

吾學編本 別出

明海鹽鄭曉室甫撰按曉字室甫海鹽人嘉靖進士授職方主事熟習邊事尙書金獻民屬撰九邊圖志人爭傳寫之以禦倭功官至兵部尙書卒諡端簡著有吾學編等書作者作於隆慶以前故叙遼事僅及嘉靖而止

汪直專恣一卷

皇明大事記卷一十一 別出

明烏程朱國禎文寧輯按國禎萬曆進士天啓初拜禮部尙書坐逆黨李藩所劾罷歸卒諡文肅著有明史概後莊廷鑑依之作明書輯略卒至文字之獄者也是書記大端汪直專恣事是時陳鉞撫遼東殺入貢夷起戮汪直乃請往察邊與撫臣馬文升不合以至債事是書記汪直一生事實不盡記遼東邊事然與遼事有關

先餘錄卷二卷三

故宮博物院圖書館藏明刻本 別出

明曲阿姜志衡無搖輯是書爲留心經濟講求邊事之書卷二卷三爲九邊總論三關論均有關遼左史事其東夷篇記女直之原始及兀良哈三衛之建置頗詳前有其孫姜在宛天啓五年序

姜序略曰先餘錄者我大父呂瀆公留心經濟之書也一日偶從敝簾中發檢舊書乃得大父末年紀錄之筆其問山川之險阻人事之得失披覽皆在目前似不特服官從政可用鑑衡即吾屬操觚以應輒對儘

有足採觀者於是妄加參訂彙成八卷聊以自備遺忘已爾焉敢謂能網羅世代熙康之略也

無夢園海集三卷漫集二卷車集三卷

東莞曾氏藏明崇禎癸酉刊本 加出

明古吳陳仁錫明卿撰按仁錫長洲人字明卿天啓進士授編修典誥勅以不肯撰魏忠賢鐵卷文落職崇禎初召復官累遷南京國子祭酒卒謚文莊常得文衡山硯有硯銘云良宵恐無夢有夢即同游又以出仕不逾年即歸嘗爲詩曰家臨葑水絕塵喧常住蕭蕭無夢園怪底出門太多事夢梅夢竹夢分蓮因以無夢園名集是書海集名山海紀聞專記遼事目錄題曰漫集雜記遼餉屯田茶馬諸事車集爲籌邊論防禦等事漫集二集均不全記遼情惟山海紀聞記遼事最詳大氏明季爲兵事之說者率意爲空論張大其辭徒爲一時義憤之說究之於實無補是集則討論實事考察地望情勢務欲得其詳確之情庶爲知此知彼之計以爲防禦之法即後世考史者亦有所徵焉是編內容組織

之法首爲記全遼形勢建置附圖及全遼地理城堡之名言之最爲明晰次則記奴情及其方言稱謂習俗軍律之情再次則記明清交涉國際之情勢及復遼之法破當日所謂漸進漸復用夷攻夷修屯持久三說而以直擣巢穴爲計語雖過當然在當日情形不爲無見其述全遼情勢也有云

全遼之地宛如鼉形奴寨是其首灰扒南關金台白羊谷五穀城一帶自北而南是其脊寧遠過三岔河沿海金復等州直至鎮江是其腹遼瀋開鐵清河寬奠廣寧諸內地是其腸胃關門一闕是其尾閘旅順是其臍帶大海連鴨綠江以上烏龍潭旋繞奴山流出太子河滋潤遼地總歸三岔河復注於海首尾呼吸血脈貫通

其它記奴酋號色旗製兵律尤爲詳晰記明清交涉情勢則首由明太祖建大寧扼二虜於東西以三韓爲肩臂及永樂北征乃以夷攻夷之法遷大寧於內地卽爲邊患之始以迄奴酋屢次入犯通薊被害之事

次乃陳薊門之險要至當時最近情勢而止吾人即讀此一書亦可略知其概矣爲治遼事者不可不讀之書也

皇明通紀從信錄卷三十四至卷四十

明刻本 別出

明東莞陳建撰秀水沈國元訂

兩朝從信錄三十五卷

國立北平圖書館藏明崇禎刻本

明秀水沈國元述皇明通紀從信錄係因陳建皇明通紀略加刪訂而成是書記萬歷朝遼事頗詳卷十四永樂九年有記野人頭目來朝一條兩朝從信錄記泰昌天啓兩朝事至天啓七年而止記遼事尤備明代通紀編年之書若憲章吾學大政大政續編典則統宗紀聞彙編史料諸書均有記遼左之事其書爲記事本末體者均可別出若編年之體則別出非易故錄其著者條舉如上明史兵志及邊臣諸傳缺落甚多如與明代所著通紀校觀必可得其真相要在學者別而觀之

遼東一卷東北夷女直一卷

清雍正刻本 續修四庫全書定卷十一 國子部六九 遼東十四 四夷 別出

原題史官陳仁錫纂輯是書卷十一述遼東建置卷十四東北夷條講女直部族大致與何喬遠名山藏相同

王享記卷四卷五

明臣名山藏本 別出

明晉江何喬遠樞孝撰喬遠號匪莪萬曆進士崇禎間累官南京工部右侍郎嘗輯明十三朝遺事爲名山藏是書王享記記明代邊事其卷四記韃靼兀良哈卷五記海西建州其記隆慶五年高拱飭邊以副使張學顏爲巡撫李成梁爲總兵而止惟記建州一百八十四衛名爲他本所無足以補訂滿洲源流考之謬其臣林記中有遼東名臣傳記足資參攷

李寧遠征建州王杲一卷

昭代武功編本卷八 別出

明吳橋范景文夢章纂夢章萬曆進士崇禎間累官工部尙書兼東閣大學士甲申京師陷草遺疏赴井死諡文貞是編述征王杲事頗詳

四裔考女直一卷

續文獻通考卷二百三十八 別出

原題皇明進士雲間王圻纂輯是書記女直風俗極詳如云迄列迷有四種性柔刻貪狡捕魚爲食著直筒衣暑用魚皮寒用狗皮不識五穀畜多狗耕田供食皆用之迄里迷去奴兒干三千餘里一種曰女直野人性剛而貪文面椎髻帽綴紅纓衣緣綵組惟袴不裙婦人帽垂珠珞衣綴銅鈴射山爲食暑則野居寒則室處一種曰北山野人乘鹿出入又一種住平土屋屋脊開孔以梯出入臥以草鋪類狗窩苦兀在奴兒干東人身多毛戴熊皮衣花布親死剝腸胃曝乾負之飲食必祭三年後葬之其隣有吉里迷男女多始生先定以狗十歲即娶食惟腥鮮所謂文面椎髻帽綴紅纓即清代衣冠之情狀可以知當時之風俗惟僅叙至萬曆二十八年而止

兵部三十七女直一卷

國朝典彙卷一百一十三

別出

明都察院右僉都御史臣徐學聚編輯是書記女直自洪武二十七年十二月女直野人寇遼東都督宋晟劉真禦却之以迄嘉靖二十七年

北虜通兀良哈諸女真入寇遼東巡撫李珣亦以不勝任罷去而止

建夷一卷

明學顧刊機華小乘卷四十一夷狄類 別出

明西陵來斯行道之甫修叙遼事至袁崇煥斬毛文龍無甚特出之處

女直一卷

南鴻嘉業堂劉氏藏罪羅錄本地理志 別出

明海昌查繼佐伊璜撰是書列奴兒干都司衛名所記極詳下注云自亦列迷以前永樂中置以後正統中置

遼事略一卷

幸存錄本 別出

明夏允彝仲撰是篇爲刻本所無據楊州吳氏測海樓所藏秘史廿

二種本幸存錄有此篇今別出之

建夷授官始末一卷瀋遼失守始末一卷

鈔本幸存錄本 別出

明夏完淳存古撰是二書記載遼事一記建州始末至吞併南關而止一記瀋遼失守始末二篇皆極簡略無特異之記載下篇記瀋陽失守事較爲詳明

成仁譜卷二十至二十六

清道光乙巳邦江刊本

太倉盛敬寒谿輯是書輯歷代殺身成仁之士卷二至卷末爲輯明舊曆遼事之變以及明末死義之士

新鑄出像通俗演義遼海丹忠錄八卷四十回

日人內閣文庫藏清初刊本

原題平原孤憤生戲筆鐵厓熱腸人偶評序後署崇禎之重午翠娛主人題章二曰翠娛主人曰雨侯

右專記遼事諸書

遼東志九卷附圖一卷

日人前田侯爵藏明刊本

日本大正元年鉛印本

明西溪任洛

河南鈞州人
左檢都御史

萃軒薛廷寵

福建福清人
科左給事中

等重修據滿洲歷

史地理引用書目此書始編纂於正統八年始修人爲王祥畢恭弘治元年刊行據全遼志脩定志姓氏有新河陳寬廣陽韓斌嘉靖八年東巖徐文華等改修至十六年任洛薛廷寵重修書成此爲第二次之刊行本李輔纂修刊行之全遼志凡六卷乃以第二次之遼東志爲底本

增加西紀一五三七年前後之資料名稱雖異實即遼東志第三次修本也第二三次刊行本傳世甚稀日本前田侯爵尊經閣文庫藏有嘉靖十六年重修刻本中土范氏天一閣藏有全遼志遼東志二書全謝山鮑埼亭外集曾引其書蓋即據天一閣本也今北平圖書館中藏全遼志傳鈔本及明嘉靖四十四年刻本各一雖無遼東志之原刊本然亦不可謂非幸事矣比槓至大連參觀滿鐵圖書館乃獲見日本大正元年之排印本及傳鈔本前有晉安龔用卿序弘治元年寧都董越序正統八年東魯畢恭序目錄序凡例輿圖

畢序云聖朝肇造區宇撫御萬方武以戡禍亂文以興太平車書一統薄海內外罔不臣服重譯來朝者萬國粵自開闢以來未有盛於今日也竊嘗稽諸方冊遼東之地故襄平郡也當元季時有元平章劉益高家奴分據是方洪武初上遣使諭以天時人事益等於是奉表來歸上復遣使詔諭益等授職有差設衛治於蓋州洪武四年以都指揮使馬

雲葉旺率兵渡海自金州而抵遼陽設定遼都衛既而分定遼左等五衛並東寧衛金復蓋海四衛於沿邊已而改設都指揮使司而統屬之招降納附開拓疆宇復於遼北分設瀋陽鐵嶺三萬遼海四衛於開原等處西抵山海分設廣寧及左右中衛義州寧遠廣寧左右中前後五屯衛於沿邊星分碁布塞衝據險且守且耕東踰鴨綠而控朝鮮西接山海而拱京畿南跨溟渤而連青冀北越遼河而亘沙漠又東北至奴兒干涉海有吉列迷諸種部落東鄰建州海西野人女直并兀良哈三衛永樂初相率來歸入覲太宗文皇帝嘉其向化之誠乃因其地分設衛所若干以其酋長統率之聽其種牧飛放畋獵俾各安其生咸屬統內是遼東乃東北之雄藩實國家之重鎮爰自永樂中見上遣使諭本司纂修圖志迺即欽承上命以國朝削平叛亂之由創治之制建置沿革分野疆域城池里至山川形勝坊郭屯堡烽堠工產貢賦戶口學校軍衛解宇鋪舍壇場寺觀橋道驛程官蹟進呈惟藁是存斯集乃國朝

之盛典藩維之偉勛可秘乎哉用壽諸梓以永其傳使凡來者皆知皇明普天率土之廣大而因有所採摭云正統八年龍集癸亥仲夏五月東魯畢恭書

目錄序夫古今沿革不同疆域名稱或異法得備書王公設險以守其國故形勝次之廣谷大川異勢人居其中異俗故山川風俗次之職方氏辨九州之國使同貫制故物產次之廣輿之迹殷鑒或存故以宮室陵墓古蹟終焉志地理辦方正信是乃建置域地以安之公署以治之學校以教之王政所爲治也監苑列乎其中詳軍政也關梁以濟坊以表驛傳以通壇壝祠廟以祀幽明之義備矣志建置建置式備君子攸宇於是飭武備則士馬有籍簡練有法防守有方於是謹邊略其法峻其情迫雜用經權威德覃被於是理財賦則徵歛有藝出納有司於是平徭役則勞逸有節貧富有則安養備矣志兵食兵食旣足教化崇敬天而重時隆德而上齒始於尊君終於邦好生人之教明矣志典禮出

政令樹聲教其必曰人乎爵命以馭其貴使命以馭其專職官以馭其名分官也者紀德政揚名實也志官師德政行人士淑矣以儒術顯以將材錄以方譯用至如濟美象賢立功立名殉名殉節又各以其彙表之旁及寓賢以及方伎仙釋無遺人矣志人物文獻不足夏商無徵故諸睿製鴻篇各附見所指其餘有係於良士者別爲類以該之示有徵也志藝文夫本志備矣又爲雜志外志何雜志者三志之雜述也遼之淪於諸胡據於草竊攻擊戰守或得或失疆域之限代有不同故不能統述之也雜而述之其有足徵乎祥異天道亦以雜言者隨其時代而雜見焉稱外志者諸夷之邊遼者也在夷狄而志之何也安攘之計不可廢也志其古今沿革知其險夷也志其衛所居處知其強弱也志其驛傳知其向道也志其貢物知其感賓之誠也王者無外也遼志修矣目錄

地理 建置 兵食 典禮 官師 人物 藝文 雜志 外志

凡例

一今志一以舊志爲準惟加指定一統志所載者俱收入尊制書也

一舊志分地各自爲類今志分類各載其地綜合倫比便稽閱也

一舊志屬物比類靡有統紀今提其綱爲志九而以其目繫之

一今志綱舉目列序在其中詳目錄序

一遼陽雖都司會治而廣寧撫鎮弭節士馬獨盛實與遼陽分東西河而治次則開原控扼北虜獨當一面故今志俱表以白書異諸衛

一地理建置折而爲二疆境風物與凡地之所有爲地理其例立規模經畫制度則爲建置云

一士馬賦役事體所繫甚大故標總分析獨加詳云

一遼東操法他處未見如燒荒之類皆邊政之大者故今志備錄

一典禮教化所繫舊闕今增入之其諸未詳以俟考求

一官師志其在官者大者書其名氏爵里小者不能悉紀存其官善者

特書別爲名宦亦有不特書者附見其名下世近而方仕者雖善不敢書俟論定也

一 人物志志其在鄉者仕者以資爲次賢者以行爲次及封蔭榮恩寵也及流寓方伎仙釋盡乎人也

一 鄉賢以行爲次名宦不分者以其官次之耳

一 凡聖製序記雜述各以其所指附之取其要切其餘迄及地方時事者別爲藝文志

一 雜志外志以其關涉遼事者故取之

一 史爲與奪抑揚志不能用史法故篇中或爲論見之

輿圖目

遼東河東城堡地方總圖河西地城堡地方總圖遼東都司治衛山川地理圖廣寧山川地理圖廣寧右屯衛山川地理圖義州衛山川地理圖廣寧左中屯二衛山川地理圖寧遠衛山川地理圖鐵嶺山川地理

圖開原控衛外山川之圖開原地理之圖廣寧前屯衛山川地理圖瀋陽中衛山川地理圖海州衛山川地理圖復州衛山川地理圖蓋州衛山川地理圖金州衛山川地理圖

日人稻葉君山跋遼東志云讀中國歷代之邊郡地志則於考察各時代國力之展縮大略最爲便利譬如讀漢書地理志觀其所設之朝鮮四郡於樂浪南部山川之名今猶多仍其舊則可知胥受武帝用兵之賜而漢代兵力之遠達半島可以證明矣明代之治理滿洲原有兩種制度一爲確實領域一爲明之屬衛即所謂羈縻州之類乃清代官撰諸書輒曰明初疆圉東盡開原鐵嶺遼瀋海蓋其餘東北之境全爲我朝之烏拉哈達葉赫輝發諸國並長白之納音東海之窩集等部明人曾未一涉其地永樂二年倣唐羈縻州之例設尼嚕罕奴兒干衛七年改爲尼嚕罕都司後又續設各種衛所之空名其疆域遠近原非所知山川城站亦多在傳聞疑似之例云云此種解釋亦有多數首肯者抑

知尼嚕罕用兵之事實並不止記載於皇明實錄彼黑龍江口之永寧寺碑今尙赫然存在其記載當時之偉業固班班可考即檢本書之卷末則東北滿洲之交通經路粲然具載其間海西東水陸城站一節所記自開原以北至哈爾濱附近更折向東北循松花黑龍兩江之江岸下出於韃靼海峽所有驛站一一詳列其中吾人試按此等站名就今日地名一爲考察則十之六七總可尋得更自開原東北行經長白山之北繞松花江之上源以出於今之延吉遼豆滿江而南經朝鮮之咸鏡南道將所有驛站一一檢查之更可得十之七八則謂明人曾未涉足其地山川城站亦多傳聞疑似云云豈非無稽臆說也哉要之觀永樂宣德二朝用兵之結果於當時國勢之進展固屬可驚而萬曆以降外難頻仍其疆圉遂不能出遼河流域則國勢之衰亦有令人不勝悼歎者

重修全遼志六卷

國立北平圖書館藏明嘉靖四十四年刻本

明侍御李輔重修此書即遼東志第三次之修定本前有嘉靖乙丑奉勅巡撫遼東王之誥序知爲李君所修書爲上虞羅氏殷禮在斯堂舊藏序已殘缺書前有王之誥龔用卿董越畢恭諸序蓋錄歷代修撰人之序并凡例引用書目修志名氏圖考

王序云余撫遼之明年甲子秋侍御近台李君奉命來按遼至則滌煩苛崇大體周歷境內詢民疾苦綜覈吏治又數條上便宜事皆中肯綮裨實務邊氓戴之間嘗語余以遼志弗稱將圖新之未遑也又明年春余以承乏晉貳夏官還朝而李君事亦報竣需代者弗至遂得以餘力蒐往牒撫輿見統案昭晦剔蕪綴遺歷夏徂秋而志告成以書來京師徵余序余取而讀之首圖考次沿革次山川次賦役次邊防次兵政次馬政次職官次選舉次宦業次人物次典禮次風俗次方物次祥異次故蹟次雜志次藝文次外志凡十九篇篇各有論著以備經略以垂法戒其用心蓋亦勤矣顧余弗良於言曷足以序君之志然義弗得辭則

爲之說曰遼北拒諸胡南扼朝鮮東控夫餘真番之境負山阻海地險而要中國得之則足以制胡胡得之亦足以抗中國故其離合實關乎中國之盛衰焉然自魏晉以降其與中國離者什六合者什四至於遼金元而淪沒於左衽腥羶之俗者幾五百年蓋其得之既難而守之尤難如此余嘗讀三史地志見其樹規拓圖畫畛區野大州小邑交銓互鑷與內地埒維我國家混一函夏奄有萬方窮陬遐壤咸置長吏星分棋列遍於寰宇乃遼獨剗去州邑並建衛所而轄之都司何哉邊鄙輒脫之俗華夷雜揉之民迫近胡俗易動難安非可以內地之治治之也我聖祖鑒古今之變飭戎夏之防因其利不易其俗齊其政不易其宜恢疎網以順民心奮武衛以懾虜氣故其民安焉二百年來遼左之兵嘗爲諸鎮雄人皆習虜輕敵而莫肯退畏者豈非以法令寬簡人得自便而無拘攣牽忌之慮哉余昔來此觀其地形察其謠俗乃知我祖宗計慮深遠聖神之見可謂度越千古矣顧余有所深憂者國家之建都

與前代異往者漢唐之都皆在關洛遼在當時直邊郡耳今國家建都燕薊與胡壤接則遼爲京師左臂所係尤重迨夫大寧失險山海以東橫入虜地且數百里一綫之塗聲援易阻此其地形之異勢如此又近年以來習尙頗移法令漸密建設日廣調發愈頻夫法令密則巧僞滋建設廣則氣勢分調發頻則士馬耗欲其利爪牙以捍腹心豈不難哉故密網裁而魚駭屬羅製而鳥驚法令深而人恐究觀地形民俗之異宜仰遡祖宗建置之深意則今日遼左之於國家其所係輕重與其固圉綏懷之策蓋可睹矣往余與李君計李君心嘗憂之故今爲斯志也蓋有弘遠深沉之思焉後之覽者不獨以其文焉已也

目錄

圖考

附 星野

沿革山川

附 遼海

賦役

附 職運

邊防

附 遼寧路

附 遼寧路

兵政

附 遼寧路

附 遼寧路

馬政

附 遼寧路

附 遼寧路

職官選舉

官業人物

典禮風俗

方物祥異

故蹟雜志

附 遼寧路

附 遼寧路

附 遼寧路

附 遼寧路

附 遼寧路

藝文外志

附 遼寧路

附 遼寧路

附 遼寧路

附 遼寧路

附 遼寧路

附 遼寧路

附 遼寧路

附 遼寧路

附 遼寧路

附 遼寧路

附 遼寧路

附 遼寧路

凡例

一今志事宜悉準舊志但冗者刪之如郡名操法營圖長編之類缺者增之如星野海道障塞馬政之類其他損益咸是義焉

一舊志綱目近百今約爲十九

一遼陽按臨總會廣寧撫鎮駐節開原三面控夷獨當重地故三城特用白書以別於他城

一海道之通塞遼人之休戚關焉故特詳其里道沿革以備他日之考
一兵馬十少四五而營衛仍以原數稱蓋軍有定籍馬有定額於法得清勾買補故悉存之

一舊志爵命使命令悉省去以職官槩之其大者書其名氏爵里小者止列其銜有異常之績者則書名

一宦業紀治行之善以風來嗣以世代先後爲序若入名宦者則即於傳後見之不別立款省贅也其世代稍近者雖善不書以俟論定

一 人物紀與宦業例同

一 風俗舊志甚略今加詳焉

圖考目

全遼總圖遼陽鎮境圖遼陽鎮城圖海州衛境圖蓋州衛境圖復州衛境圖金州衛境圖廣寧鎮境圖義州衛境圖廣寧左中屯衛境圖廣寧右屯衛境圖廣寧前屯衛境圖寧遠衛境圖瀋陽衛境圖鐵嶺衛境圖開原衛境圖開原控帶外夷圖永寧監境圖

按清咸豐間金州隋汝齡九薌纂遼海志略一百六十八卷記遼事頗詳足補盛京通志等書之缺其它若盛京通志吉林通志大清一統志等書記掌故者若八旗文經作者考皆可參攷以非全記明代遼東之事故不列入

山海關志八卷

所署始刊本

明戶部郎中郡人詹榮輯監察御史古完張勅兵部主事德平葛守禮

全刊葛守禮後序

嘉靖十四年

張勅跋

嘉靖十四年乙未

前有圖二十八葉圖明季

自山海關至黃花鎮駐兵之處并兵數至詳黃麻紙印舊爲天一閣藏書四庫不收目錄俱列如下

目錄

地理

沿革疆域山川形勝風俗

關隘

備

建置

城隍公廨衛學倉庫驛遞縣建古蹟

官師

節使守臣衛官學官

田賦

戶口屯田

人物

名宦鄉賢孝賢

祠祀

神祀賢祀

選舉

進士舉人歲貢將選武舉封贈

四鎮三關志十卷

明萬曆間刻本

明劉效祖撰按效祖武功左衛人嘉靖庚戌進士官至陝西按察司副使前有自序萬曆四年丙午纂修邊誌檄文修志姓氏凡例四鎮者薊昌保遼三關者紫荆居庸山海也明季誌邊政者無慮數十然未有如此書之詳盡者也起草於萬歷甲戌冬殺草於丙子夏閱時凡三載其中制疏考篇幅最巨題奏集議尤有裨於史事四庫不收明志及千頃堂書目俱作十二卷與此本不合豈尙有增訂本歟

目錄

建置考

別處分
縣沿革

形勝考

縣城山
川乘障

軍旅考

版籍
伍器械

糧餉考

民運
糧附鹽法

騎

乘考

額役免
市胡馬贈補

經略考

前紀
制轄

制疏考

詔刺
奏集議

職官考

部署
文武階

才賢

考

勳勞
勇可流

吏部考

外夷
吏附入貢

入貢屬

凡例

一採集諸說但取其事之有關於地方者故不備錄全文

一先年奏議或爲當時所棄今察其有可行者必錄以俟採擇

一將領之奏捷失律者必錄以昭往鑒

一凡改築邊牆恢復舊制之說一時雖曰難行必錄之以俟便宜者採

焉

一因事直書止爲備事言之不倫不文非暇計也

一凡有一得之愚僭錄之手後以備自攷非敢求知于人也

皇明九邊考十卷

國立北平圖書館藏同治刻本

兵部職方清吏司主事魏煥編輯是書彙輯有明邊事九邊者爲遼東
薊州宣府大同三關榆林寧夏甘肅固原等地是書首爲鎮戍經略番
夷諸通考而每考均分疆域保障責任軍馬鐵糧邊夷經略考等七條
爲乾隆間禁書極不易得今抄遼東考之序及女直條於後

遼東考疆域云遼東古幽營二州舜分冀北暨無閭之地爲幽州即今
廣寧之地分青東北爲營州即今遼陽之地東至鴨綠江西至山海關
一千四百六十里南至旅順海口北至開原城一千七十里元季時爲
平章劉益高家奴分據洪武初奉表來歸四年置定遼衛八年改爲遼
東都司十年革所屬州縣設衛二十五永樂七年于開原遼陽復設安
樂自在二州以處內附夷人自湯站抵開原鄰建州毛憐海西野人兀
者諸夷爲建州爲最自開原之北近松花江之山寨夷亦海西種類又
北抵黑龍江之江夷而江夷爲最自寧前迤東抵開原兀良哈三衛而
朵顏爲最

女直條云女直初號女真後臣屬于遼避興宗諱改曰女直即古肅慎地在混同江之東東濱海西接兀良哈南隣朝鮮北至奴兒干北海部族散居山谷至阿骨打始大易部建國曰金滅遼都渤海金亡歸元永樂元年野人頭目來朝悉境歸附自開元以北因其部族所居制奴兒干都司一建州毛憐等衛一百八十有四兀者隱勉赤等所二十有四其酋長爲都督指揮千百戶鎮撫等職給之以印俾以舊俗統厥屬每年一朝貢每貢都督許帶一十五人共一千五百人建州毛憐則渤海大氏遺孽樂住種善緝紡飲食服用皆如華人自長白山迤南可拊而治也海西山寨之夷曰熟女直完顏之後金之遺也俗尙耕稼婦女以金珠爲飾倚山作寨聚其親居之居黑龍江者曰生女直其俗略同山寨數與山寨讐殺百十戰不休自乞里迷去奴兒干三千餘里一種曰女直野人又一種曰北山野人不事耕稼惟以捕獵爲生諸夷皆善馳射雖通職貢時加搶掠居民苦之但較之三衛則少差耳

又按巡按陝西監察御史張雨編邊政考十二卷是書作明嘉靖丁未北虜也先土木之變以後歷記有史以來邊事前記三邊四鎮有總圖分圖劃分極詳並有二夷記事二卷北虜河套一卷均上訖上古以表行之而於遼事則付闕如蓋當嘉靖之時女直之族尙未繁熾也又高拱撰邊略五卷記隆慶以來邊事分防邊紀事伏西紀事安邊紀事靖南紀事綏廣紀事五篇非專記遼事之書也

遼東一卷

武備志卷二百五十五度職十七續成二 別出

明防風茅元儀止生輯是書記遼東建置及建夷部族頗詳附遼東邊圖乾隆間入禁書總目

九邊圖

不知撰人名氏爲遼東邊外地理與九邊圖說全異目見滿洲歷史地理引用書目

女直

明嘉靖刊本大明一統志卷八十九外夷 別出

明李賢等奉勅撰賢字原德鄧人宣德進士憲宗時官少保華蓋殿大學士知經筵事爲憲孝二宗時名臣卒諡文達明史有傳是書纂成於明天順四年至五年刊行依永樂景泰間所纂之寰宇通志而節約之刊本約有五種一順五年官刻本二弘治八年刊本嘉靖三十八年重刊本四不知年月刊本五朝鮮刊本此依嘉靖刊本別出之此編題云東濱海西接兀良哈南隣朝鮮北至奴兒干北海自混同江至京師三千五百里至南京四千六百里分沿革風俗山川土產等類叙奴兒干衛名極詳堪資考訂

東北夷

明萬曆間刊本大明會典卷一百七禮部六十五朝貢三 別出

明張居正等奉勅續編居正字叔大別號太岳嘉靖進士穆宗時與高拱並相神宗時代拱爲首輔居相十年海內稱治明史有傳是書爲明弘治間徐溥纂修正德四年重訂嘉靖二十八年參補至萬曆十五年又訂之此依據萬曆間改訂本也記東北夷情頗略惟朝貢物品有馬

貂鼠皮舍利孫皮海青兔鶻黃鷹阿膠殊角即海象牙等事極詳

女真一卷

殊城周者錄卷二十四 別出

原題皇明行人司行人刑科右給事中嘉禾嚴從簡輯是書記明代外國情事卷二十三爲兀良哈二十四爲女真前有萬曆癸未嚴清序據序云國家纖芥之患在東南莫狡於日本在西北莫蔓於靺廝蓋明萬曆以前邊事之患在南倭北虜而遼東之患反次之是書作於萬曆初年故記遼東邊患僅及馬文升撫遼而止然叙遼東初年歷史及遼東之風俗極詳亦足徵也後附遼邊總論

總論曰遼東禹貢青冀二州之域舜分冀東北

遼東地無國

爲幽州即今廣

寧以西之地青東北爲營州即廣寧以東之地

即遼陽東至鴨綠江西至山海關一千四百六十里南至

旅順海口北至開原城一千七百里

歷代以來皆郡縣

元季時爲平章劉益高家奴分據洪武初年表來歸所屬州縣設衛二十五永樂七

年復設安樂白在二州

我朝改置衛而于遼陽開原二城中設安樂自在二州處內

附夷人其外附者東北則建州毛憐女直等衛西北則朵顏福餘泰寧

三衛分地世官

自易站抵開原之北近松花江山東毛冷海西野人兀者諸夷又北抵黑龍江最白

江夷爲最自廣寧前屯東抵開原之地可以內通互市通貢勢雖羈縻形成藩蔽

是以疆場無西北邊之患南則海上自劉江之捷而倭寇屏迹弘治中

曾一見之未及岸而去若今則晏然久矣所備則東北西北二夷東北

屋居耕食不專射獵邊警差緩而西北則俗仍迤比雖未嘗大舉入寇

然竊發頗多故遼東夷情與諸鎮異要在隨方拊輯處置得宜

北邊朔

海三萬濶陽鐵嶺四衛南枕遼河而金復寧旅順諸軍足嚴守望東西則廣寧遼陽各屯重兵以鎮壓之復以錦義寧遠前屯五衛以翼廣寧遼陽東山諸堡具扼東邊

先事戒嚴防守不墮俾恩威並立足制其心乃策之上而俘斬論功此

第二義也開原廣寧並據襟吭金復海上頗稱沃野三岔河南北亘數

百里遼陽歸城在焉木葉白雲二山之間即遼之北京中京地也草木

豐茂更饒魚鮮自國家委以與虜進據腹心限隔東西道里迂遠而守

望勞費遼人每憤憤焉成化以來論者率欲截取之而屢付空談竟不

見施行者無亦有識者爲起覺邊方之慮乎若夫革互市之姦欺禁驛

傳之騷繹糾驗放夷人抑勒之弊塞請開貢路生事之門墩軍增其月支百姓教其歲蓄專制一方者不得不任其責矣

使職文獻通編

未見傳本

明嘉禾嚴從簡編章太炎撰清建國別記引其書近人卞鴻儒日本刊行滿蒙叢書叙錄稱是書集明代行人司之掌故爲正編又集略與明互事交通之外族事蹟爲外編滿蒙叢書有使職文獻通編鈔一書惜未刊行

各鎮考一卷四夷圖說一卷

明刻職方考鏡本 別出

原題勅贈逸史文翹盧傳印彙編是書成於萬曆甲午各鎮考中之遼東鎮四夷圖說東北夷女直國語文雖簡短均於遼事有關

三衛志一卷

弇州史料卷十八

別出

明瑯琊王世貞元美纂撰元美自號鳳洲又號弇州山人嘉靖進士官刑部主事著有弇州山人四部稿明史有傳是篇記兀良哈三衛事銷

燬抽燬書目稱史料前集卷六內成化三年李秉一條成化十五年汪直一條卷七成化三大功賞一條卷十二馬文升成四川等條均有偏駁語應請抽燬是皆有關遼事者也又明施澤深撰急覽類編卷六有兀良哈三衛夷考一篇僅一頁

遼東略一卷

全邊略記卷十

別出

明桐城方孔炤潛夫撰按孔炤萬曆進士崇禎間以右僉都御史巡撫湖廣後督師大名未赴京師陷南奔馬阮亂政歸隱所著全邊略記記有明一代邊事以三字命題如薊門略大同略宣府略遼東等類而記東北邊事爲尤詳故別出遼東略一篇足資參攷前有自序及職方氏識以無關遼事不錄

邊塞考六卷

海疆朱氏藏明弘光刻經國雄略本

別出

明溫陵鄭大郁孟周編訂卷一遼陽鎮卷十一朵顏三衛建州有圖薊寧內邊河套有議女直有圖是書爲明弘光時刻頗不易得

明政統宗附卷

明刻本

明豫章涂山撰按統宗一書記有明一代大事其附卷爲彙集名公議論內有九邊總論朵顏三衛論三關總論爲編題事武府門三關等篇皆有關遼事之作也

遼左弃地一卷

酌中志卷二十一 別出

明宦官劉若愚撰若愚爲明天啓時內監事詳拙著晚明史籍考酌中志條下是篇記李成梁弃寬奠六堡事明宮史中遼左弃地紀略一篇即由酌中志節出

遼東都指揮使命讀史方輿紀要卷三十七山東八

國立北平圖書館藏鈔本 別出

無錫顧祖禹景范撰景范沈敏有大略不求名於時學者稱宛溪先生著有讀史方輿紀要考訂地理最爲允確是編記遼東地理甚詳

邊備天下郡國利病書卷一百十五

國立北平圖書館藏鈔本 別出

崑山顧炎武寧人撰寧人爲清初大儒事見拙著晚明史籍考聖安紀

事條下內有周弘祖遼東論三衛論主事陳綰與遼東巡撫諸公書景范寧人皆生當明季關心時事本具恢復之志故於邊塞言之綦詳此書著於崇禎十二年以後四庫全書存目稱其爲未成之書刊行於道光十一年世間多有傳鈔之本日本內閣文庫前田侯爵家各有藏雍正乾隆間舊鈔本北平圖書館亦藏鈔本惟與刊行之本多有不同蓋刊行之本有避諱處全行刪去耳

又亭林輯有皇明脩文備史子目有北邊世系考東三邊速把亥列傳墨石炭列傳董狐狸兀魯思罕長委列傳長昂列傳等目原傳已刊於中國學報中

五邊典則

未見傳本

明末徐日文編有崇禎三年序滿蒙叢書叙錄有五邊典則鈔稱其記明初至隆慶間邊事第四卷爲薊遼女直之事第十四卷爲宣大之事蹟叙錄中又載有明倪謙朝鮮紀事龔用卿使朝鮮錄方州先生奉使

錄皆記使朝鮮之事附其目於此

皇明職方圖三卷

未見傳本

明陳組綬編日人滿蒙叢書有皇明職方圖鈔收金遼大寧開平興和宣府大同等郡圖按滿洲歷史地理行用書目解題云共三卷其上卷首禹貢及周禮職方圖次爲皇明大一統圖等十有六圖其中卷爲鎮邊圖薊州內三關全遼大寧開平興和宣府大同山西榆林寧夏固原洮河甘肅等圖其下卷收諸雜圖歷史地圖年表等組綬崇禎七年進士官職方事此書崇禎八年正月起稿翌年四月稿成一生精力殫於輿地爲明代地理學家近人李木齋盛鐸藏有明刊本大寧圖考未知即此書否惜未見

右遼東邊備及方志諸書

清開國史料考卷三終

清開國史料考卷四

安陽 謝國楨 輯

目錄三

籌遼碩畫四十六卷附錄一卷

日人編 萬曆四十六年夏間迄四十八年秋

明天都程開祐仲秩輯是書記明萬曆四十六年夏間迄四十八年秋
內外臣僚關於遼事奏疏按年排次卷一卷二爲以熊廷弼張濬二人
奏疏以二人夙巡視遼東其所條議皆在奴覈未發之前卓有先見以
見輯者微意著者程開祐傳略待考是書久佚中土徐乾學傳是樓書
目僅有其目日人前田侯爵藏有其書滿蒙叢書印至戊午孟秋第九
卷而止前有自序與圖圖說東夷奴兒哈赤考凡例侯爵前田利爲引
稻葉岩吉撰題要

自序云粵自奴酋匪茹遼事旁午一時中外臣工蒿目而籌者章滿公

車自閣部卿寺臺省以迄詞臣勛戚甚者若罷吏若廢弁若孝廉若青
衿若成均士又甚者若屬國若女胄凡抱同仇之義莫不扼腕抒籌圖
上方略其言兵言將言戰言守言餉言運言馬言車言器仗言屯田言
練京營言固山海言防寬鎮言備通津言用夷言徵土司人據所見纒
纒不一要以矢謨陳議憂深慮遠內伸撻伐外復備疆期滅此而後朝
食則鑿鑿可以佐廟謨眞所謂憂危苦詞當令碩畫者也祐也有志請
纒無階借筋視逆奴謾書侮榜不覺髮豎皆裂何物么麼輒敢以螳臂
當轍睥睨我天朝憾不食其肉寢處其皮以抒國家之憤因念高皇帝
迅掃胡氛奪腥羶之宇宙還之中夏于時五將軍出塞蒙古遺孽鷙伏
鼠竄直今幕南空庭斯何如功伐眞所謂雪耻酹百王除兇報千古者
迨文皇帝建都北平益懲虜患天戈所指至南極斗杓而還其在東陲
則三衛錯置用綏要服叢爾建州咸受戎索迨今二百餘禩願首稱外
臣曾何敢逆我顏行者即如萬曆初年王杲跋扈戕殺邊吏然偏師一

出旋就禽雉獻俘飲至昭樂京觀斯時赫聲濯靈詎謂氍裘之膽不寒哉茲奴酋倏開邊釁併毛憐殲灰叭鏃殺哮囉誘執宰賽屠掠金白蠶我屬夷罪在不赦頃復闖入內地直至隕將覆軍尅城夷堡如蹈無人之境此豈中朝全力不能制伏小醜則從前玩寇積習爲狡奴所誑與先當事者輕率失計是以取敗也今幸新經略建牙賜尙方劍以振武略其於防守機宜業有定着而新撫鎮司道各員又同心協力一切應援諸務靡不部署以時濟故將士奮勵成敵血矢盟思鳴鞭飛槩以長組繫奴雖未獲搗巢掃穴執訊俘馘而堵截拒撲間奏首功似旌旗稍稍生色由此而繕城守由此而練甲兵由此而廣偵探用間諜相險隘行征勦犁庭絕漠懸逆酋之首獻之闕下直需時耳矧聖天子新嗣御極其於邊事尤切宵旰近睹發帑犒士而白金文綺勞錫邊臣者不崇朝而舉中外人心踴躍不啻如靈武受命時其諸碩畫當一一布行非徒托之空言者祐雖小臣幸拭目以瞻淪渙知逆奴不足平矣惟是

諸籌舌敝唇焦苦心苦口各抒一得足襄帷幄而制疆圉用是蒐採成帙仿編年例爲四十六卷公之海內庶寓目者一展帙知閎謨秘計我國家定非乏人而草澤英雄有摩厲以須思得一出以當虜者挾策而往未必非行間韜略也至於終篇猶俟遼左之露布在尙需續鐫以結遼事完局用備東觀一大典云時萬歷庚申孟秋

凡例

一是集爲遼事鐫故諸疏揭凡係籌遼者概採入而薊昌東省以及京都于遼皆患切震鄰是以議關數處者咸附錄焉

一是集惟取籌遼故凡言兵餉戰守等項一併採錄其間忠憤所激不無持議過懇語涉攻訐者不敢撫拾傷雅是以篇中不妨刪削若舊撫舊經略舊鎮將喪師殃國辜罪顯然公論已定談者縷縷明揭茲勿以諱

一談遼事者夥矣惟疏中各抒籌略鑿鑿中肯有裨廟算者乃以壽梓

至語涉雷同議拾風影間刪弗錄若其當事者任已蹶而議仍收則不以人廢言也

一熊張二公一按遼一撫遼其所條議設備修守篆奴諸策皆奴釁未發前卓有先見故今日籌遼仍輯其當年奏議錄于弁首

一諸疏揭率搜之邸報乃邸報中魯魚豕亥錯誤者多至不能強解故不嫌刪刷一二語改竄三五字間或有脫落詞句者無從補綴亦因原本或刪去數語或抹去數行期于詞指了然意義聯合覽者勿罪

一是集從戊午四日起逆奴始難也至庚申七月止先帝終曆也例取編年誌前後時事緩急耳嗣後新主臨御誕將天威凡廟謨廷畫仍當續梓不日奴酋獻俘遼左露布奏捷乃告竣役

一撫清開鐵及三路敗沒諸將士捐軀裹革皆殉國難優卹鉅典降自朝廷其在海內忠憤之士薦亡弔亡詩文臚列皆誼切同仇痛深飲

泣故另梓一册併附

輿圖說云遼東東起鴨綠江朝鮮西山海關南旅順北開原外邊九百餘里三面瀕夷一面阻海惟山海關內通中有三岔河爲遼陽舊城洪武千子選始兩枝河西土蠻時引諸夷爲患冬河水亦關入萬曆癸巳以來出師援朝鮮遼左驛驛而虜倭兼備境外酋蠻部落任收東北有建州毛憐女直等衛西北朵顏福餘泰寧三衛俱互市通貢查遼陽前屯開原義州寧前錦州鐵嶺鎮武廣寧中後中右所瀋陽鎮靜清河懿路長勇中前店山長安汎河西平中左所慶雲武靖廣寧右屯鎮西靜關俱極衝東北女直即古肅慎在混同江東東濱海西兀良哈南朝鮮北奴兒干北海永樂初歸附設都司衛所三百八十二賜勅印於開原慶雲新安等處交易馬市夷三節一居海西一居建州毛憐一居極東野人兀者去中國益遠獨海西毛憐先爲邊患自仰達二奴被戮迄今貢市撫賞如故舊遼陽在邊外西行二百里至廣寧東北三百里至開原地界開廣間相去五百里今夾河爲塞紆八百餘里地饒廣曠牧其中東北則犯開原東南則犯廣寧中則犯遼陽海州蓋遼左腹心之害遼故航海屬山東自金州旅順口達登州新河關計水程五百餘里海中島嶼相望遠可百里近止數十里舟易停泊先年山東歲運以給遼豐歉兩利因海島亡命爲患始設嚴禁萬曆二十五年來議海運餉東征其禁稍弛復設遊擊於旅順以防海榮顏三衛故契丹種始爲兀良哈洪武中爲蒙古所抄之降爲置三衛東起廣寧前屯抵喜峯近宣府曰朵顏自錦義度遼河至白雲山曰泰寧自黃泥窪逾瀋陽鐵嶺至開原曰福餘已靖難兀良哈有功因以大寧界之授官置衛每歲貢賞不絕石塘古北曹寨馬關松棚喜峯太平燕河樓頭石門皆撫賞之處後部落日衆朵顏遂強陽順陰逆時爲虜嚮導住牧喜峯口邊外會州青城諸處附青把都部下三衛夷共二百七十枝酋長昂炒蠻董狐狸諸夷及諸婦大小蠻只猛可真等號爲六兒而長昂僧結東夷奴兒哈赤考云自開原東北南抵鴨綠江逶蛇八百餘里環東邊而居者則皆女直遺種皆遼之屬夷所謂東夷者也然今之呼女直者凡三種其一曰海西女直則故王台之屬今開原南北兩關之夷是也其一則東方諸夷之爲衛所甚衆而建州領其名曰建州女直今奴兒哈赤之屬是也其極東曰野人女直去遼遠歲因海西入市于開原雖不入貢而亦不爲邊患先是海西王台強能得衆稱開原南關曾北收二奴南制建州終其身向化而東夷以寧是時東夷之勢在王台故聽其襲祖速黑忒左都督之職以長東夷萬曆三年以擒獻逆賊王杲故奉旨加授勳銜與其二子長虎兒少猛骨孛羅俱爲都督賞以金幣特優已父視西夷例授

龍虎將軍及王台死長子虎兒年又繼死其子夕商襲職守忠順之業後台子猛骨孛羅與其孫歹商骨肉相殘遂弱而逞仰二會稱雄于北奴兒哈赤稱雄于南且各恃其強而甘心于王台之後奴兒哈赤王景之奴叫場之孫他失之子也案在甯宮塔內城高七尺維築土石或用木植橫築之城上環置射箭穴竇狀若女牆門皆用木板內城居其親戚外城居其精悍卒伍內外見居人家約二萬餘戶北門外則鑄匠居之專治鎔甲南門外則弓人箭人居之專造弧矢東門外則有倉廩一區共計一十八照每照各七八間乃是貯穀之所先年叫場他失皆忠順爲中國出力先引王台拿送王景後果男阿台將叫場拘至伊寨令其歸順合黨謀犯以報父讐叫場不從阿台拘留不放大兵征勦阿台圍寨攻急他失因父在內慌忙救護混入軍中叫場寨內燒死他失被兵誤殺因父子俱死時鎮守李總兵將他失屍首尋獲查給部夷伯插領回又將寨內所得勦書二十道馬二十匹給領今奴兒哈赤繼祖父之志仍學好忠順屢次送進漢人一十三名口萬曆十六年五月內賊酋克五十竊犯柴河堡射守堡指揮劉斧巡撫顧都御史牌行分守栗參政差通事宣諭奴兒哈赤即將克五十斬首獻進以後驗馬朝貢奴兒哈赤祖訓場原領勦書係都指揮使後因送進人口且歸心聽約束加陞都督職銜然彼時奴酋祖父爲我兵掩殺尙子然一孤雛也此時惟北關之逞加奴仰加奴最強遂日構西虜與王景子阿台等以攻殺南關爲事十一年逞仰二奴被戮奴酋於是漸長獷豕之牙與二奴子卜寨那林孛羅遂相角立矣二十二年卜寨那林思報父讐又日與南關相構遂反戈以攻奴酋不謂大敗卜寨那林竟爲奴酋所殺比北關請卜寨屍奴酋剖其半歸之于北關遂與奴酋爲不共戴天之讐矣二十六年那會又攻猛會猛會力不能支因質妻子求援于奴酋奴酋利其妻妾部落悉兵以出襲而執之猛會寄命奴寨幾二年奴酋乃僞以女許妻猛會而陰縱其妾與通徐以私外母射殺之盡得其所有此二十八年事也及我中國切責欲問殺猛會之罪革其市賞奴酋因悔罪許妻猛會子吾兒忽答以女厚其粧奩併原槍人口財物送吾兒忽答歸南關中國原其悔罪遂置不問至三十一年那林孛羅與白羊谷又料莊南搶殺吾兒忽答吾兒忽答窮迫無歸因投奴寨自存自後吾酋不返而南關之勦書中塞土地人畜盡爲奴有矣邇年以來奴酋自稱恭順每以北關殺殺吾酋爲口實尙自托于存孤之義而實以與爲取以護爲吞也在北關缺望于南關不得又懷伊父未報之讐每以奴酋吞併南關謀犯內地爲詞四十一一年北關又收會逃婦卜占台而妻之以女又悔奴酋所聘老女轉欲嫁與媛鬼子把哈打兒罕奴酋于是與北關深恨積怨益不可解時中國倚北關爲外藩乃主援北之議使給砲手戌金台失白羊谷二寨以至奴酋大憤兵端自此起矣初則差男莽骨太帶領馬步夷人在于靖安堡廣順關外地方包圍約四百丈繼則使人柴河松山白家冲等堡撥夷人萬餘耕種又繼則領夷兵進境徑馳至開原南門外河灘列營種種跋扈意其目中寧有中國哉已而破撫順夷撫安三岔白家冲三堡覆

清河陷開原再陷鐵嶺在彼勢若貪狼在我禦如拒虎嗟遼陽一塊土半染腥羶寧不寒心也蓋奴酋積聚參之利富強已非一日自撲殺王兀堂吞其地遂南與懷陽寬奠爲隣自撲殺阿台吞其地遂北與撫順清河爲鄰自撲殺猛骨李羅吞其地遂又北與開原鐵嶺爲隣自撲殺金台吞其地而我之撫清開鐵城堡一空遂近與遼瀋爲鄰又兼北關既亡東西夷虜自此合交無碍門庭之寇乃及堂奧矣及今守遼瀋須復開鐵而後可固形勢繕甲兵徐議征勦也乃寬奠鎮江一帶地雖濱海而開島龍江奴方造巨艦繫以長纜萬一巨潮間渡旅順登萊天津一帶實剝膚之患可謂虜習騎不習海哉況年來遼東海運糧儲舉積于此十八萬軍生死繫命則安得不急屯重兵不進簡猛將不委任節鉞文臣而泄泄坐視也杞人慮曷勝憐恤惟當事者籌之

籌邊纂議卷四

國立北平圖書館藏明萬曆刻本

明奉政大夫山西潞安府同知管理蒲州事遼海鄭文彬撰是書記曆代邊事作者成明萬曆十八年故於遼事尙未甚詳其卷四有招元將納哈出兩條其第一條云四年洪武六月遼東衛遣人奏言元將納哈出據金山擾邊爲遼陽患乞益兵以備乃遣黃儔齎書諭納哈出諭略納哈出爲滿洲之祖考清初史事者所聞故錄其第二條元將納哈出受降一條於後

二十年六月馮勝駐師金山東北遣蕭玉至納哈出營降其衆初納哈出分兵爲三營一曰榆林深處一曰養鵝莊一曰龍安一曰河輻重富盛畜牧蕃悉胡主數招之不往及是大將軍將逼之納哈出計無所出乃刺吾因勦之降納哈出猶豫未決勝遣指揮往諭之納哈出乃遣使至勝營陽爲納款而實覘兵勢勝遂遣玉往一秃河受其降虜使見勝還報納哈出聞之指天噴噴曰天不復次我有此衆矣遂率數百騎自詣玉納降玉大

喜出酒與之飲甚相歡納哈出顯其下咄咄語將脫去時常茂在座其麾下解胡語者以告茂茂直前縛之納哈出大驚起欲就馬拔刀砍之傷臂不得去耿忠遂以衆擁之見勝納哈出所部妻子將士凡十餘萬在松花河北聞納哈出被傷遂驚潰餘衆欲追勝前降將觀重往諭之於是其衆悉降勝以禮遇納哈出復加慰諭令耿忠與同寢食遣使奏捷于京仍奏常茂驚潰衆遂班師悉以納哈出來降將卒妻子及其輜重俱南行仍以都督懷英等將騎兵三千爲殿是年閏六月漢英殿大將軍還道爲虜所乘死之初納哈出之降也餘衆驚潰者皆竄匿及聞大將軍旋師以其降衆俱行甚憾之乃設伏於途候大軍過而邀之英等後至伏發英等爲所乘衆寡不敵遂見執英絕食不言乘間自剖腹而死英虜州人少以勇敢聞累功陞中軍都督僉事至是沒于虜上聞之驚悼特贈開國輔運推誠宣力武臣追封金山侯諡忠襄大將軍馮勝捷奏至上以常茂驚潰虜衆即令械送京師

按遼疏稿六卷

國立北平圖書館藏鮑氏知不足齋鈔本 明廣陵汪氏刻本

明熊廷弼撰按廷弼字飛百萬曆進士擢御史巡按遼東繕核軍實風紀大振旋以事罷楊鎬喪師復起經略遼東自按遼時即持守邊議至是主益堅所至報流移繕守具分置兵馬士卒人心復固以王化貞兵敗論死而化貞之誅反在其後飛百不死於封疆而死於門戶識者哀之飛百賦性剛直明史稱其以偏性取忌觀其自序可以見志是書爲鮑氏知不足齋鈔本較刻本爲多極爲可珍頃見明刻經略熊先生全集殘本奏議僅三卷書牘殘存五卷鈔本有李化龍序惟自序則爲鈔

本所無此集皆
料極有關係

自序云余在遼中
其行也檢其什之
狀其大者見之音
觸怒則衆不激衆
急衆急而上緊於
往余籌以開衆全
封疆之事也封疆
則齊人之所云甘
此袁公曰子行無
擇其輕自觸之作
而別泰昌元年仲

秘書兵衡卷二卷八

國立北平圖書館藏明天啓間鄧思聰刻本

明豫章喻龍德明時撰是書爲兵家言卷首有授受印證師友源流授師如无妙上人浮仙人等名目類道家者流卷二武策窳窳附注云秘談今日急務附有議策疏條陳卷八爲閉戶周強附注云秘

勢有圖卷二彙集丁魁楚足餉議布衣臣喻龍德擬上平夷策

萬曆已未冬編

建策平夷疏

天啓辛酉夏北行草

東征急務七條上熊大司馬卷八有九邊全圖論

平夷指掌建州女直巢窟道路全圖并論題曰奴兒狗窟又曰奴兒矢突罵胡人極甚蓋清乾隆間禁燬之書也明時爲明天啓間義憤之士激昂之氣形容於文辭故爲兵家之言以爲滅敵之計其言遼事之失策由於熊廷弼之罷其言甚當惟其議論時亦有書生之見其論如曰有人問於喻子曰言奴兒不足懼者子也言我一無可恃者又子也何取而然喻子曰謂奴兒不足慮者天命之在人不在狗也謂我一無恃者人修之不至未如天也然則哈赤之頭可斷乎曰吾視奴兒一種縱

百萬衆可一日肉泥之安在哈赤一羯
求一偷兒劍俠無其人況肉泥百萬乎
夫之黨其中必有杰士奇人況中國哉
召之必不來耳且天朝下討寧慮直當
云則直謾罵之語矣前有自序及天啓
錄龔跋一端於後

龔居中跋云我明之起撻伐胡虜若斥
不必盡見開國尙爾守成不異然用兵
花鼎沸羯鼓濤驚封疆載突於遼東狂
士論喧騰在朝者奏議紛飛在野者傳
纓是皆由祖宗三百年培養人才功深
人也戊午以來疆場之上中國之內死
大臣運籌則有王尙書孫相國等諸大

清野張侍御之申明賞罰經略之力主堅持皆燁燁嘉謨具光典冊其摺紳緒論草澤懷猷或奮跡儒林或方興行伍諸異人奇士亦干時而效策與養客而論兵者則有岳公石蕃何公天玉茅君止生吳君長卿程君相如陳君元石黃君衡玉等諸人而情最迫極而難伸數最奇窮而莫效隻身飄然思遠引於岩穴而又不能自己垂之至言則惟喻子喻子蓋當今世異人也有霽夜烈風驟雨火光斗大從雨中滾入母床下之異而生生來每夢與上天星宿遊或從孔孟程朱學或遇鍾呂等仙人談玄是以夙慧殊特垂總便通天象地輿曆律等諸方術家言十九歲後緣疾走麻姑西山諸名山幽巖訪求異人得玄功習之三年疾去即止不更爲二十後專心理學發明程朱錯綜群書尤嗜易爲詩文定關世教不一涉風花雪月之詞所著述有鄒魯門人四書旨義此同言藏稿十二卷庖羲逸民易學大成藏稿二十餘卷喻子天經喻子書讀書觀書源書菁書粹書宗書餘各藏稿共五十餘卷實實子古人

志藏稿十二部徐君季衡已引其緒爲三卷梓之中興傳十二卷鍾山人梓之仍藏板惟此兵衡十三卷實爲十三種秘書則居中所受以示通國有目共賞乃付主人鄭氏梓之以爲天下公既成主人仍使居中跋之龔居中曰嘗道南州蓋多古族至問世代最綿遠人烟衆多所居爲市冠蓋相續不絕亦不驟隆道學節義文章世世不乏則高士徐孺子先生家外稱喻子家喻子家豫章之城南爲捫膝先生後派居忠孝名龍德字明時別字實實子號達用生道號書隱先生又自稱古人天下人等名其學以實體實用爲修不好浮論其品正直不與人相阿其操守極清不妄取人一介之惠不容非禮污與非義千年三十不近婦人家止老母與仲母居已遊半天下爲其母併仲母家覓糧然所至主人必師保奉之誨人必悉心竭力靡遺門第多成才必尊過其父兄則留不然則去之故落落不合不受世憐也戊午在魯聞東事即與門弟子趙生元理等議堅守以圖之及聞出師拍案叫苦使元理錄其諸路

將名以爲鬼錄也辛酉在河南聞諭收草澤即投筆北行欲伏闕上書不獲書稿在集中即平夷疏也北上道中嘗一見濟上熊兵尊兵尊雅愛重之相竟日談爲之治行李焉在都見熊大司馬愈器之謂游侍御曰是生雙目炯然精靈沈密有用人也可與共事薦之侍御侍御諾而未從再見於霍諫議諫議方奉旨練兵欲以兩千人授子佈陣而諫議年例去喻子遂從丁光三司徒公贊餉以行方在都時喻子可山可海雖投之劍林火窟不避也卒無一遇而返豈必非斯文不泯鬼神呵護已之欲死天實生之以待他日之用耶使是書者雖未見之行事而燈窗昧火繼日月之光託諸空言以俟來哲寧不足爲勘亂救民皇王將相則耶所謂其家世道學節義文章耿耿不乏者喻子不復光前烈耶且夫一命之不霑而社稷是慮何人不迂喻子喻子固行之自如也已奇矣又聞其自北來即欲留鄆丁公旣挽之南壬戌在汴夏四月河北大亂遂欲孤身赴鄆死故人難而大河絕渡噫嘻又死而生矣且望朋

友於今有是心者其亦寡矣古人志不自云乎此心但欲自白於天地間見當此之世猶有一人焉身之不恤而友朋是憂斯死亦足也噫嘻再四讀之輒爲流淚也

武庫纂略卷八卷九附武庫九邊考一卷

國立北平圖書館藏明熹宗丙子刻本別出

明古宣張一龍雲昭撰是書記歷代兵事起黃帝以迄明崇禎末年分年編載尤於遼事爲詳滿洲之興起皆可於此考見惟記至萬曆末年而止天啓崇禎二朝則題爲武備疏考錄黃彥士馮三元王在晉鄒元標等關於遼事之奏疏爲清乾隆間燬禁之書前有周鑑詹應鵬序自序及其子思琳所撰武庫纂略述述略之意則以文運之隆有明最久而武略則不過制策間問一二則而對者不必皆詳武弁之士又以承平久不用率不嫻熟本業所見不遠而膽智之小因之故侵尋至今而潢池之變宵旰聖明士雖不見庸忠孝要不可不明此家大人武庫之所爲作也是雲昭之書蓋以鑒於當時昧於武事故有爲而作至周鑑

爲復社鉅子是雲昭亦社盟中人物周序徒垂空言不免標榜之習不錄茲錄自序於后

自序云高皇帝撫造中夏武臣子弟悉令讀書國學以曹國公督領監事蓋將推廣其才而使文武兼資不至守一家之言以終故鞭撻胡虜芟夷羣寇天兵無敵以至于今垂二百七十年世享神武而邇者則來漆室之慮焉遼左發難始于神廟末年今十數稔而東西交訐草竊蔓延聖天子經文緯武聽聲思將欲剪滅此而朝食而應明詔者或起于章句未嫻武略即偶一嫻之將如西楚王學書不肯竟學故循資代庖不知所底予夙拙樸無似青衿鍛羽遽絕賓興而結廬松湖嘯咏自老顧君父疥癬不能忘情於是歷綜羲皇以來諸英主碩臣暨通經肆武之士所以計安社稷扞禦外侮而獲有成績者及昭代之張皇六師安邊靖難之策悉著之簡汰繁蕪而掇綱領書凡十卷卷分世紀要于顯明武略而因略致詳則在有志當世者劉長卿獻淮寧軍李節度使曰

家散萬金酬士死身留一劍答君恩予故無金可散而是編不沒或足爲答主之劍乎惟博古君子覽而裁焉

九邊破虜方略

未見傳本

明栗在廷撰是書叙遼東邊外形勢及擊退遼夷方略對於明代邊牆之位置考訂極詳爲明代遼東九確史料目見滿洲歷史地理

寸補三種三卷

孔維學校藏刻本海鹽朱氏藏鈔本

原題原任遼東贊畫太醫院使新安陳崙記是書爲醫按疏草遼畫淪吟等數種其關於遼事者共有三種即疏草遼畫淪吟是也入禁書總目寸補前有鄭三俊呂維祺李遇知郝弘猷序茲錄鄭序於后

鄭序云予觀古今濟難定傾率急奇士然選選貌爲奇耳如啖畫餅何補人毫髮事以予觀原仲真奇士也原仲論醫醫奇論詩詩奇論兵則兵又奇其意氣慷慨嘗欲起天下殊死之人而並起封疆殊死之病醫遼一案至今號爲倉石扁鵲望而却走者讀原仲遼畫何其策之審言

之預也原仲三入遼參幕府凡虜情向背山川險夷道里近遠與夫士馬登耗飛輓難易之數心識手籍洞如觀火即言不盡行而其已言已行者則無一之不奇矣曩者廣寧潰敗風鶴皆驚桓桓弁輪之流無一人敢窺左右原仲獨携數十騎直探虎穴收拾遺民以歸何其壯也此原仲之奇奇於膽也譁軍之變撫鎮受縛少有不諱即成騎虎原仲從攢鋒中抗亢立解得不決裂其消彌於危彊者甚大此原仲之奇奇於功也奴氛斷區插勢已張都邑令颺入奴炎東實偪奴險可扞奴當其窮時撫而有之其險可有也原之言也事機一失遂爲奴用乃敢烽火達於甘泉誰貽噬臍此原仲之奇奇於識也凡立功非難當機難瞻決非難勸忠難識務非難見遠難今天下病遼極矣十年以往苦無成效原仲察微治神其名不出於閭今至鑱肌刻膚猶不獲免而天下愈知原仲之名自原仲歸遼事益壞每見其激烈悲感捫虱而往事潛然欲淚原仲何悲哉悲其言之得施未必無夫寸補也而乃卒不得施此寸

補之取以刻也然則遼終不可醫耶原仲曰何爲其不可醫耶邪氣盛當厚元氣以勝之邪將自退急攻之不能諱言攻而爬搔推摩以護養其邪氣心腹胃胸膈之旁日熾日偏是速之斃耳遼之病已重矣使今日而言撫東東可撫乎今日而言欸奴奴可欸乎我不可以戰猶可以守奴鮮衣美食已非水草腥羶之舊何一不仰給內地但堅守嚴練事之着實一切貨賄絕莫與通奴將自困所謂元氣厚而邪氣自退者也雖殊死之病猶可起也外此則我不知也嗟乎今之負奇如原仲者不少如原仲之奇而瀝肝剖心可爲疆場死爲知己死者予獨信有原仲耳觀其輪蹄所及披霜斬棘之餘發爲聲欸無不淋漓悲壯不減昔人出塞諸什而忠懇過之予又以見原仲之心矣原仲非奇士哉使原仲而得竟其奇予且藉原仲見垣補石之功解名士畫餅之諛也寸補中所載醫按淪吟遼畫凡數種小之關於性命大之關於國家命特論其大者故尤重遼畫云時崇禎辛未嘉平朔日年家眷生鄭三俊撰

按程將軍疏草前有天啓癸亥鮑釗序天啓二年羽林右衛經歷司經歷程耑奏附論目次爲戰守一權毛帥款虜京營等篇

遼畫前有崇禎甲戌錢謙益序崇禎庚午潘維駒序目錄賚鮮籌遼寧遠隅守疊陣論馬膺賚恤災糧政離政撫虜陳畫弭亂據金圖說隅守疊陣均有圖末附崇禎辛未張兆曾撰閱兵覺華島記討論遼事頗中肯綮

淪吟前有崇禎癸亥宋獻序高陽孫鈺序均在淪關所作之詩也

東事書一卷

海寧趙氏藏明天啓刻本

蘇門山人郭湄述是書彙輯萬曆四十七年以迄天啓二年與其季弟家書及與文總督李督餉熊經略上政府諸書率討論自開鐵撫順失守以迄廣寧失陷之遼東兵事讀其書知著者曾爲少詹事掌南京翰林院事未就其弟則名澆居京師而湄則居行間此則寄其弟之書也其治遼之法在於選將而集合調遣之法則在於響應氣求如云必得

一知名宿將人心歸服者以爲大帥而又擇其賢豪夙著者將家子弟大姓有力之人爲偏爲裨假以名色以次招集而後至亦必被招引然後豪傑樂爲效用彼其人自能招集真正有用之兵也其與熊經略書上政府書言之痛切然率多空言無補實用當時兵勢之不振由於兵制之壞兵多缺額將皆依用家丁而兵反等虛設其根本之計在於練兵惟招募豪傑非根本之策終不免爲書生之見也前有自序

序云奴酋爲難日甚一日上關廟社下關民生人誰不有身家性命之憂從來應之敢謂當事者失計而草野陳人慮有一得實未與符合也始憂之與弟私言之既而與可與言者言之雖亦未敢自必其言之是與未是而憂迫於杞人之衷不覺其言之贅也當逆酋始發難斯時而用遼將招遼人爲兵以言守或者可以守何也奴勢未張也奴亦未即敢肆然以爲恃而我人心猶然固也可以言守顧言勦四路敗衄奴始張矣中國之宿將精兵盡矣人畏奴如畏虎非厚集強兵與之從事不

能禦其患所宜勦也顧言守用一錦衣爲帥但招遼人爲兵可以守乎不可以守乎旣而北關併鐵關陷事幾不可爲矣簡用經略軍騎出關而所調兵馬招之市人徵之川貴乃曰西北兵不可馭也則亦不可馭而己有衆十餘萬與無兵同是以爲禍至有今日之慘也夫兵義事也戰勇氣也奮其死力以與敵人從事鼓之以義也雄杰之輩義與氣相感慕耳行伍以將帥爲司命其人可恃七尺委之如其父母如頭目手足相捍而安有不可馭者乎余所謂選將而兵自集真正有用者此也招之者一人用之者一人所招非所用宜乎其不可馭也天雄烏喙其毒可以殺人善醫者用之立奏奇效有法以用之也今用之不有法而狃於土司之兵以概招西南而卒不講於疆弱之數有用無用也豈不大可虞哉奴之不即來我可以有爲之時也爲亦必有要說矣余所憂者正奴之不即來也比至其來尙可爲乎古人云不一勞不永逸不有遠慮必有近憂是以數言之不自知其贅也余方屏跡山中而言關廊

廟不知余者得無謂余爲譏爲訕則余曷敢則余曷敢付之剞劂以傳
諸人期與共相謀議同保患難而已書成余爲述此適接邸報見賁陟
道臣疏云京師聞見與邊疆絕不相同其所陳說乃真情形也而無奈
聞見之不同也嗟嗟如東事何至所謂西兵十八萬我以五百騎破之
云云則白起畏馬服君子爲將之說也奴之狡黠每如此而我常不逆
詐危哉可慮也余向者言之然乎否耶天啓改元辛酉秋日蘇門山人
郭曄述

寶善堂集卷三十二至四十

故宮博物院圖書館藏明天啓丙寅刊本 別出

明黎陽王在晉明初撰卷三十二至四十有復朝鮮毛總戎防夷十要
疏防夷察奸疏邊情疏關門形勢疏山海情實錄等均有關遼事之文
也

撫遼疏稿一卷

國立北平圖書館藏明刻銓垣疏稿本 別出

遼東巡撫東越喻安性題稿安性著有銓垣疏稿其卷三爲撫遼疏稿

天啓元年正月由順天巡撫丁憂後調任巡撫遼東山海關等處提督軍務彙其撫遼疏稿爲一卷有屬夷叩關復賞舉劾文臣五防功罪諸疏有關史事之文也

又登萊巡撫陶朗先元暉有重複海運之舉近人輯有陶元暉中丞遺集內文非專記遼事又明長水岳和聲天啓二年由江西九江道調直隸永平道著有餐微子集內有薊門疏草二卷記薊西虜情附其目於此

督師奏疏十六卷

國立北平圖書館藏鈔本

明高陽孫承宗稚繩撰稚繩高陽人萬曆進士沈毅有智略曉暢遼事天啓初累官兵部尙書東閣大學士時遼陽廣寧俱破稚繩自請以原官督理諸處軍務便宜行事既至修復城堡數十練兵十一萬開屯五千頃遣將城錦州松山大小凌河拓地二百里魏忠賢黨譏之乞歸清兵攻高陽城破投繯死明史有傳是書彙集少師奏疏非全言遼事者

且中間多有缺落少師自歷行間經略遼左著有蜚聲惜齋志未成閣家殉難此奏疏爲少師心血所寄考史者所必徵也

按黃虞稷千頃堂書目有孫承宗督師全書計督師事宜十八卷東便門紀事一卷前督師紀略十六卷後督師紀略十卷撫夷志十卷

東營百八叩二卷

劉駱快史本

明高陽孫承宗稚繩撰目並見錢謙益撰行狀

袁督師遺集一卷附錄一卷

清海叢書本

明東莞袁崇煥元素撰是書爲近人張伯楨所編滄海叢書第一集尙有袁督師配祀關岳議案一篇

奏議記薊遼事實一卷遼陽二卷

皇明世法錄卷五十六
六十一
別出皇明世法錄卷六十

原題史官陳仁錫評纂奏議一卷彙輯洪武十二年以至嘉靖奏議內馬文升及陳鉞奏議頗多足資參攷遼陽二卷內題爲遼陽志原卷一彙輯聖制勅諭學校碑記全遼總圖及海蓋金復諸衛圖說卷二爲遼

陽戶口田賦徭役防邊兵政志遼東掌故足以與全遼志相輔而行

神廟留中奏疏彙要兵部類十二卷

嘉氏藏鈔本

明華亭董其昌玄宰輯是書輯萬曆間兵部留中奏疏玄宰容臺集中筆斷可以與此相符而行其間王象乾等奏疏頗與遼事有關

皇明經世文編

國立北京大學藏明平露堂刻本

明華亭

徐學遠閣公陳子龍鳳子彭

宋徵璧向水

選輯何剛愨人參閱是篇選有明一代

經世之文最爲繁富茲擇其有關遼事之文列之於後

鄭端簡集

鄭曉

書遼東鎮圖後原書卷二百一十七至二百一十八

許恭襄公邊鎮論

許倫

遼東總論

卷二百三十二

趙中丞奏疏

趙伸

卷二百三十四

遼東總論

魏煥

遼東鎮保障邊夷經略

趙文肅公文集

卷二百四十八至二百五十

王槐野存稿

王維貞

卷二百五十四至二百五十五

安邊 卷二百六十二

楊襄毅集 楊溥

議處朵顏三衛夷紳疏 卷二百七十三

劉帶川邊防議 劉繼

霍司馬奏疏 霍冀

遼東鎮國說 卷三百二十二

張江陵集 張居正

遼東大捷辭恩疏

論邊事疏

與薊遼總督譚二華書二通

與薊遼總督撫

答薊遼總督王鑑川又與王鑑言邊屯等數道

答薊遼總督張居峽 卷二百二十四至三百二十八

王弇州文集 王世貞

三衛志 卷三百三十二至三百三十五

汪司馬集 汪道昆

薊鎮善後事宜疏 卷三百三十七至三百三十八

漕河奏議 葛恭

鎮處朵顏三衛事宜疏 卷三百五十一至三百五十二

龐中丞集 龐尙書

清理遼東屯田疏 卷三百五十七至三百六十

張心齋奏疏 張學顏

撫遼奏議 卷三百六十三

張鳳盤集 張四維

與王鑑川論封貢書四通 卷三百七十三

申文定公集 申時行

虜情疏 卷三百八十至三百八十一
悟齋文集 吳時來

邊務疏 目擊時艱乞破常格實政以安邊禦虜保文奏疏 卷三百八十四至三百八十五
楊司農奏疏 楊俊民

邊餉漸增俱億難繼懇乞酌長策以圖治安疏 卷三百八十九
王文肅公文集 王錫爵

論邊事疏 卷三百九十四至三百九十五
宋經略奏疏 宋應昌

移薊遼總督軍門 卷四百一至四百二
鄭經略奏疏 鄭維

類報四鎮虜情疏 卷四百四至四百五
王太僕寺集 王任重

邊務要略 卷四百十三至四百十四
李襄毅集 李化龍

摘陳遼左緊要事宜疏 卷四百二十二至四百二十四
李侍御奏疏 李植

請罷遼左開採疏 卷四百二十五
侯給諫集 侯先春

安邊二十四議疏 卷四百二十八至四百二十九
馮元成文集 馮時可

記邊事 卷四百三十四
朱文懿公文集 朱廣

論遼東稅監高淮揭 卷四百三十六
備陳邊餉揭 卷四百三十六

薛恭敏公奏疏 薛三才
請剿奴酋酌議食第一疏第二疏 卷四百四十三

楊宗伯奏疏 楊道賓

海建二會疏 胡達貢疏

建會兼併屬夷憑凌屬國罪狀已着乞速頒文告嚴飾武備以遏亂萌疏
海建夷貢補至南北部落未明謹導例奏請乞賜詰問以折狂謀疏 卷四百五十三

李文節公文集 李廷瓊

九邊屯政考 卷四百六十

陳學士集 陳懿典

籌邊移稿 卷四百六十五

宋都諫奏議 宋一翰

邊防難於宜大急於蒞鎮敬陳主議以備聖明採擇疏

直陳遼左受病之原疏 卷四百六十七

來禽館文集 邢侗

東事策 卷四百六十八

熊經略集 熊廷弼 卷四百八十至四百八十二

丘少鶴集 丘禾嘉

備陳遼事疏 卷四百八十五

徐文定公集 徐光啟

擬上安邊禦虜疏

復熊芝岡經略二通 卷四百八十八至四百九十二

左宮保奏疏 左光斗

題爲急救遼東飢寒事疏 卷四百九十五

姚宮詹集 姚希孟

建夷授官始末 卷五百一

宋幼清集 宋懋澄

東師野記

東正記略 卷五百二

李口口奏疏 李棠
經略邊務疏 補遺卷一

吳口口疏 吳仲

預備邊儲以圖治安疏 補遺卷三

原書卷帙浩繁茲據目錄錄其篇名卷數以便檢查焉

右籌遼諸書

襄平先生幽憤錄八卷

海鹽朱氏藏原刻本

明遼陽佟卜年八百撰按卜年被杜茂李永芳李春菲所誣私通建州被罪自裁作幽憤錄以見意孟森清朝前記上篇云明史五代傳有千總杜茂者齎登萊巡撫陶朗先千金行募兵金盡而兵未募不敢歸返薊州僧舍爲邏者所獲詞連佟卜年卜年遼陽人舉進士歷知南皮河間遷薊州同知未行經略廷弼荐爲登萊監軍僉事邏者榜掠茂言嘗客卜年河間署中三月與言謀叛因挾其二僕往通李永芳行邊尙書張鶴鳴以聞鶴鳴故與廷弼有隙欲藉卜年以甚其罪朝士皆知卜年冤莫敢言及鎮撫既成獄移刑部紀疑之時紀爲刑部尙書以問諸曹

郎員外郎顧大章曰茂既與二僕往來三千里乃拷訊垂斃終不知二僕姓名其誣服何疑卜年雖非間諜然實修養真族子流三千里可也紀議從之邏者又獲奸細劉一獻忠賢疑劉一燦昆弟欲立誅一獻與卜年因一獻以株連一燦紀皆執不可淮遂劾紀護廷弼緩卜年等獄爲二大罪帝責紀陳狀遂斥爲民以侍郎楊東明署部事坐卜年流二千里獄三上三却給事中成明樞張鵬雲沈惟炳卜年同年生也爲發憤撫他事乃連劾東明卜年獲長繫瘐死而東明遂引疾去紀既斥大學士葉向高何宗彥史繼偕論救皆不聽後閣黨羅織善類紀先卒乃免是書內容爲自撰幽憤先生傳鳴冤疏鳴冤揭鳴冤再揭檻車詠等前有錢牧齋周亮工序餘均題跋錢牧齋有學集中有明故山東登萊監軍道按察司僉事佟公墓誌及幽憤錄序茲將錢氏所撰之序鈔錄於後

錢序云佟氏幽憤錄者故登萊僉事觀瀾佟公當絕命時自着幽憤先

生傳其子今閩撫思遠並出其對簿之揭與檻車之詩集錄以上史館者也東事之殷也江夏公任封疆重寄一時監司將吏皆梔言蠟貌不稱委任江夏按遼時修公爲諸生與同舍楊生崑仁籌邊料敵畫灰聚米慨然有掃犁之志江夏深知之以是故嘯咷呼援以助我而公自以世受國恩諳知遼事盱衡抵掌樂爲之用當是時撫清雖潛遼瀋無恙以全盛之遼據新造之胡以老熊當道之威布長蛇分應之局鷁蚌未判風鶴相疑傳箭每一日數驚胡虜或一夕再徙公將用遼民守遼土倚遼人辦遼事赦脅從招携貳施鉤餌廣間諜肅慎之矢再來龍虎之封如故經營告成豈不鑿鑿乎其有成算哉天未悔禍國有煩言奸細之獄羅鉗于前叛族之誅瓜蔓于後公旣以獄吏膊書啗冤畢命馴至于一誤再誤決河燎原遼事終不可爲矣嗚呼批根黨局假手奄宦借公以罄江夏又因江夏以剪公此能人要路所爲合圍掩群惟恐或失者也殺公以錮佟氏之族錮佟以絕東人之望于是乎穹廬眼匿之中

望窮口口口口口之屬目斷刁環翕侯中行說之徒相率矯尾厲角
僂力同心以致死于華夏堅脅從之心膽廣內訌之羽翼失招撫之大
機破恢復之全局蓋自群小之殺公始此則操刀推刃者踴躍不自覺
而世之君子亦未必知其所以然也國家當白山作難人主旰食中外
震驚惟是秉國成參廟算者用是以快恩仇恣割決岐口沓舌張羅設
械巧于剪外人之所忌而精于弭敵國之所短畫廟社于一壻委人主
爲孤注河東之司命遙寄于柄臣之門關外之師期尅定於獄吏之手
如公之死不死于丹書不死于西市而死於髣髴錯莫誕漫不可知之
口語迄于今藏血久碧墓草再陳山川陵谷俯仰遷改而卒未知坐公
死者爲何法責公死者爲何人天不可問人不可作有鬼神構門其間
而公與國家並受其害可勝痛哉公絕命之詞曰數實爲之天王聖明
銜刀仰藥怨而不懟有餘忠焉思遠間關苦塊泣抱遺文負延祖之忠
而抱偉元之痛猶前志也嗟乎雲台未圯伏波之子關草索以上書天

水猶存相臺之孫籲金柅而辯誣今者烏屋誰瞻鶴表安仰羽林有死
事之孤而綸竿無肆赦之詔此思遠之所以仰天擗地茹血飲泣而不
能自解者也余讀幽憤錄涕淚漬紙不自知其無從乃竊取公羊子之
義書其後曰于觀瀾見忠臣之至于思遠見孝子之至又爲大書特書
諗于後之謀國者曰前鑒不遠尙慎旃哉

冒爵辨真一卷

頤天閣筆刻本 別出

不知撰人名氏明天啓時言遼東邊事者必謂廠臣壯猷神算即邊臣
歸功不曰秘授方略則曰廠臣發縱天啓六年奴酋攻寧遠袁崇煥以
西洋大砲攻敗之崇煥僅督巡撫而魏璫則督上公是書記其事頗詳
惟云奴酋疽發背死則與後人所云是役被創死者異也

督師紀略十六卷

高陽李氏藏舊鈔本

明定興鹿善繼歸安茅元儀忻州杜應芳纂按鹿善繼字百順爲清初
碩儒茅元儀字止生號石民所著有石民四十集等書應芳待考均爲

佐高陽之幕者是書記天啓壬戌正月廣寧不守高陽奉命督師事

章炳麟序云高陽孫少師督師全書一百卷見明藝文志雜史類此督師紀略十六卷則幕府鹿善繼茅元儀等所爲也明志未錄而乾隆銷毀書目有之世久無傳者蒲圻但燾于肆中偶得寫本上有識語虜寫作盧奴寫作如奴酋寫作如酋于清諱胤字不缺筆知順治康熙間人所錄也明史孫承宗傳載其經畫闕略不周且云度彼之才恢復固未易言今專任之猶足以慎固封守不知高陽乃主戰最力者特知廣寧不足圖而欲固據右屯南取金復海蓋四衛以入虜軍非徒以城寧遠爲功也鹿善繼移書臺省稱東奴赭地殲人築邊拒河斥堠刁斗防我甚於我之防彼本書第十四卷稱奴得遼陽即擇形勢於代子河北城甚堅固其珍異子女皆畜之及公漸東奴懼遂毀其宮室而北徙於瀋陽止以五百人爲守奴自築宮於瀋陽甕城不就又懼襲之漸運珍異於老砦又營城於撫順關塞外漸思遯若使高陽不去奴直稽顙款塞

爾何不能恢復云爾烏乎不得本事無以知列傳之謬也高陽才量實過於熊飛百然是書過抑飛百則爲偏辭或善繼牢信東林之由耶民國十三年冬章炳麟

後督師紀略十卷

海鹽朱氏藏舊鈔本

明定興鹿善繼忻州杜應芳纂前有鹿氏自序關於高陽之著述錢謙益孫公行狀云有文集一百卷奏議三十卷兵火之後茅元儀得之類垣敗屋中南參贊范景文刻而傳之別有督師全書一百卷督師事宜十八卷車營百八扣一卷歷官舊記四卷撫夷志十卷高陽縣志十四卷惟中官志若干卷未就前督師紀略十六卷後督師紀略十卷定興鹿善繼所輯於公之行事爲得其大者與千頃堂書目所引略有出入附記於此

高陽太傅孫文正公年譜五卷

明崇禎間刻本 清修補本

高陽孫銓編輯容城孫奇逢訂正是書爲文正公嗣銓倚廬所編銓隨

文正公自儒生以至台輔四十餘年一生出處知之獨詳文正公閣門就義銓繫官山東獨免於難故爲公譜甫成八百餘頁未完而卒其孫之藻請孫徵君夏峯足成之前有孫奇逢陳守劍浦湘序之藻跋及諸家像贊元孫爾然贊言是書康熙間板已殘缺元孫爾然爲修葺之孫奇逢序云按公長君高苑令銓讀禮三年泣血茹苦編次成之未及授梓而高苑君沒高苑次子之藻訪余渥城謂兵燹之後先少師年譜已多遺失并錢牧齋所狀亦未得存言念及此寸心如焚中夜起坐余曰牧齋以狀付余固恐其有遺失也已存副本於笥中矣之藻喜謂少師復作因出高苑君所爲譜囑余訂之並譜其缺余卒業至遺失處掩卷歎息常於鷄鳴夜清時追憶生平所見所聞再採牧齋所撰述令博兒錄之得若干卷公之生平大節炳如日星至其纖悉周折語言頓笑皆爲精神所寄高苑君所譜子孫當敬守之不可令再有疎失也都南文集之刻茅止生賣水田二頃爲公了此甫竣遂雜荆薪供軍旅之一

龔噫造物者豈忌公宣洩之太盡耶

特進光祿大夫左柱國少師兼太子太師兵部尚書中極殿大學士孫公

行狀

牧齋初學卷四十七 別出

虞山錢謙益牧齋撰是編較明史爲詳

孫高陽前後督師略一卷

荆駝逸史本

泉州蔡鼎撰按鼎嘗從戎高陽幕中記督師事當有可取之處李慈銘越縵堂日記鼎隆武中用爲軍師見行朝錄所知錄等書皆謂其妄習術數自請督師一戰而敗然黃漳浦集有疏荐之甚力

孫愷陽先生殉城論一卷

海甸野史本 荆駝逸史本

泉州蔡鼎撰是書論高陽殉難事書僅二頁實無創見海甸野史本醜奴等字均加塗抹知爲舊本

荆溪盧司馬殉忠實錄一卷

荆駝逸史本

荆溪許德士雪城撰胞弟盧象觀功哲訂按司馬名象昇字建斗宜興

人天啓進士官至右僉都御史治鄖陽治盜有聲會京師警召入衛時建斗名雖督天下之師實不及二萬師次蒿水橋與清兵遇戰敗死諡忠肅明史有傳是書記其事末附戎車日記盧公遺事

袁督師計斬毛文龍始末一卷

荆瞻逸史本

明興化李清映碧撰按清字心水號映碧明崇禎進士官至大理寺左丞著有三垣筆記等書是書記崇禎二年袁崇煥殺毛文龍事自文龍死部將耿仲明孔有德等多降入清卒失遼東屏蔽爲明記未爲得也

毛大將軍海上情形一卷

日本內閣文庫藏寫本

不知撰人名氏目見內閣文庫目錄傳沅叔先生增湘東西京私家觀書記云鈔本有天啓癸亥天都汪汝淳題跋封面題申庚堂梓據云自內府抄出者

圍城日錄不分卷二冊

海鹽朱氏藏明季野史叢鈔本

不知撰人名氏是書記清師圍遼事前有序謂閑借毛生記圍中日跡

而書以弁之尙有毛縉平叛記二卷謝三賓視事記略一卷高監護東征記均記崇禎四年李九成攻圍萊州事非記清初史事附其目於此右記一人或記一事之書

遼東傳

不知撰人名氏明史卷二百五十九熊廷弼傳云會馮銓亦憾廷弼與顧秉謙等侍講筵出市刊遼東傳譖於帝曰此爲廷弼所作希脫罪耳帝怒遂以五年八月棄市傳首九邊然則此亦謗書也

四夷考一卷

明楊公饒翹卿撰王在晉寶善堂集卷十三四夷考序吾年友翹卿楊公饒爲之公嘗治兵西垂大展雲中籌略以上功晉秩今且控越海之三郡而兩要區屹然藉保障也東西之觀躬跋之矣國家承平日久武備闕略公時時蒿目以憂邊計乃纂四夷考以志先憂凡熄齒梟鬪之邦韋韞毳幕之長以至山川阻深隔閼聲教者靡不別其種類肖其風

俗悉其所爲制馭之策余因是而獲窮無窮極無極也

留史

鎮海涂伯案虞卿撰按孫某撰明遺民錄卷二十四云伯案字虞卿仲吉字德公漳州鎮海衛人通政一榛子也壬午伯案舉於鄉甲申變聞兄弟謀勤王師當事者不之許及隆武帝駐蹕天興授仲吉御史並徵伯案謝不往閩事敗仲吉祝髮於廈門鬱鬱嘔血卒伯案乃棲止文山之陽蒐羅舊聞詳具君臣行事本末以推見治亂所由其大者留史授命錄留史者言遼事授命錄則記兩都殉節之臣

燕市雜詩

不知撰人名氏據勦奴識撮跋爲于胤芳記薩爾濟之戰弔陣亡將士之詩也刻在寶顏堂秘笈中惜未見

邊事小記

明周文郁撰

遼籌

明張鎰撰

兵略

明陳象明撰

策衡

明茅維撰

遼記附述

明王在晉撰

談兵略

明戴日昭撰

邊政紀略

明鄭廷祚撰

恢遼局勢

明徐爾一撰

行邊疏草

明王之臣撰浙江省查辦奏繳應燬書目又有督師疏草一書

按遼奏疏

明方震孺撰

經略疏稿

明王在晉撰

遼事顛末

明方震孺撰此書亦見於黃虞稷千頃堂書目

遼東奏議

明李化龍撰

兵鏡

明吳若禮撰

評遼續記

評遼紀要

明王在晉撰

籌兵藥言

明曹飛撰

夷俗記

明蕭大亨撰

復遼砭癘

明茅元儀撰

安邊書

明龐鳴書撰

明女直志

明劉叔夏撰

按遼疏稿

明何爾健撰

按遼疏稿

明王雅景撰

時務體要

明顏季亨撰疑爲譚遼東兵事之書

張銓奏疏

明張銓撰

議略

明葉有聲撰

兵錄

明何汝賓撰

建州考

明吳繼仕撰

登遼記事

明金陵余五化撰

夷考

天柱野人撰

時務苑鴻集

遼諺

世祖章皇帝諭宏覺師數條

以上三書不知撰人名氏右目見禁書總目

邊垣圖蹟記

明胡思紳撰

濟時策

不知撰人名氏

安邊書

明龐書鴻撰

兵鏡

鄧偶樵輯右目見應繳違碍書目

中邊圖制考

明宛陵仙克謹撰此書叙論遼事

全遼考

明宛陵仙克謹撰此書叙論全遼邊境險隘情形

諫垣疏草

明李清撰此書奏疏及雜著內叙論遼事

虜部系考

明仙克謹撰

武備全書

明潘康纂

九邊圖論

明許論撰

督戎疏紀

明豫章李守鎭撰

薊遼奏議

明天津劉燾撰所論皆嘉靖隆慶年間邊事

邊防

萬曆時奏疏諸涉邊事

平夷錄

明趙輔撰

兵機類纂

明雲間張龍翼撰蘇州圖書館藏有明刻本惜未覽其內容姑附於此

兵錄

明吳郡何汝賓撰右目見奏繳咨禁書目

遼左六忠述二卷一冊

明何如召序次目見棟亭書目

禦虜安邊策一卷

明張鉉撰目見薛福成天一閣見存書目

遼左失地記略二冊

不知撰人名氏目見徐乾學傳是樓書目

遼事顛末一卷

明方震孺撰

遼邸紀聞一卷

明錢希言撰

遼事備考一卷遼事略一卷漏居寓言一卷九十九籌一卷時務體要二

卷

明顧季享撰

籌遼末議

未祖文撰右目見黃虞稷千頃堂書目按以上諸書皆徵諸書目存亡未卜然輒近禁書日出則此諸籍或仍在天壤間按籍而索當不難致之也

右存目待訪之書

阿什哈達磨崖刻石

據吉林通志金石志字四行多剝缺在吉林城東十二里江邊其文如左

奉天遣興孔兵馬陣前將軍遼東都司都指揮使劉書丁未十八年領軍至此

洪熙元年領軍至此

口口七年領軍至此

通志云考洪武以後洪熙以前兩遇十八年皆非丁未丁未疑爲永樂之剝文考明史洪武二十六年遼東都指揮使司奏朝鮮招引女直五百餘人欲入寇蓋洪武永樂間嘗用兵於女直故領軍者得以至此也日人內藤湖南博士親見搨本更定其文如左

欽委造船總兵官驃騎將軍遼東都司都指揮劉清

第一行

永樂十八年領軍至此

第二行

洪熙元年領軍至此

第三行

宣德七年領軍至此

第四行

口口設立龍王廟宇口口口年口口

第五行

宣德七年重建

第六行

宣德七年二月吉日

第七行

原碑七行吉林通志誤作四行其按語大半無甚價值但此碑在奴兒

干永寧寺碑記以前考而訂之於史事當有所補益也右文據日人內藤湖南近獲二三史料一文譯其大要於此

明奴兒干永寧寺碑

碑文

勅修奴兒干永寧寺碑記

伏聞天之德高明故能覆幬地之德博厚故能持載聖人之德神聖故能悅近而服遠博施而濟衆洪惟我朝統一以來天下太平五十年矣九夷八蠻口山航海駢肩接踵稽顙於闕庭之下者口莫枚舉惟東北奴兒干國道在三譯之表其民曰吉列迷及諸種野人雜居焉皆口口慕化未能自至況其地不生五穀不產布帛畜養惟狗或野口口口口口口口口物口以捕魚爲業食肉而衣皮如弓矢諸般衣食之艱不勝爲言是以口法女直國口口口恐口口口矣口口而未善永樂九年春特遣內官亦失哈等率官軍一千餘人巨船二十五艘復至其國開

設奴兒干都司口遼金時口口故業口口口口口今日復見而口矣
口上口朝口口口都司口餘人口口口印信口口衣服口口布鈔口口
而口依土立與口口收集口部人民使之自相統屬十年冬口命中官
亦失哈等載至其國口海西抵奴兒干及海外苦夷諸民賜男婦以衣
服器用給以穀米宴以酒食口口口權忻無一人梗化不率者口口口
口口口擇地而建口柔化斯民使知敬順口口口相口之口十一年秋
卜奴兒干西有站滿涇之左山高而秀麗先是已建觀音堂於其上今
造寺塑佛形勢口雅粲然可觀國之老幼遠近濟濟爭趨口口高口口
口口口威口永無厲疫而安口矣既而曰亘古以來未聞若斯朝民之
口口口上忻下至吾子子孫係臣服永無口意矣以斯觀之萬方之外
率土之民不飢不寒歡口感戴矣堯舜之治大口口口不過九州之內
今我口口口口口口口口口蠻夷戎狄不假兵威莫不朝貢內屬中庸
曰天之所覆地之所載日月所照霜露所墜凡有血氣者莫不尊親故

曰配天正謂我朝口口誠無息與天同體口無尙也口盛口故爲文
以記庶萬年不朽云爾

永樂十一年九月口口日

張童兒 張定安 鎮國將軍都指揮同知張旺 撫總正千戶王

迷失帖 王木哈里 口口衛指揮失禿魯苦 弟禿花哈 妻叭

嘛 指揮徹里 口口 王謹 弗提衛指揮僉事禿稱哈 母小

彥 男弗提衛千戶納蘭以下不明千戶吳者因帖木兒 寧口 馬兀

良哈 朱誠 王五十六 口口 黃武 王口君 口以下不明百戶

高中 劉官永奴 孫口 口得試 奴口口 李敬 劉賽因不

花 傅口 口口里帖木口 韓口 張甫 金口 口原 高遷

葉勝 口口以下不明趙鎖古奴 王官音保 王阿哈納 崔三

鬼三 口口 康速合 阿卜哈 哈赤白 李道安 口道 閻

三 總旗李速右以下不明所鎮撫王溥 戴得賢 宋不花 王速不

哈 李海赤 高歹都 李均美 都事席口 醫士陳恭 郭口
總吏黃顯 費口 監造千戶金雙頂 撰碑記行人銅臺邢樞
書丹寧憲 書蒙古字阿魯不花 書女真字康口 鑽字匠羅
泰 安來降 快活城安樂州千戶王兒卜 木答兀 卜里哈衛
鎮阿古里 阿刺卜 百戶阿刺帖木口納 所鎮撫賽因塔 把
秃不花 付里住 火羅孫 自在州千戶口刺口哈弗口的 阿
里哥出 百戶滿秃 木匠作頭石不哥兒 金卯白 揭英粧
塑匠方善慶 宋福 漆匠李八回 口匠昔三兒 史信郎 燒
磚瓦窰匠總旗熊閏 軍人張緒弟 泥水匠王六十 張察罕帖
木 都指揮同知康旺 都指揮僉事王肇舟 修咨刺哈 經歷
劉興 吏劉妙勝

重建永寧寺口口

口天之高覆四時行萬物生焉地之厚載二氣合萬物育焉口人至德

有焉究口口其口人吉列口口者皆悚懼戰慄憂之以戮而太監亦失哈等體皇上好生口逸之意深加口口斯民謁口口宴以酒食口口愈撫口於是人無老少踴躍歡忻咸嘖嘖曰天朝有口口之居乃有啓處之方我屬無患矣時從口口口口敢不優口遂委官重造合工塑佛不費而口華麗典雅復勝於先國人無遠近皆來頓首口曰我等臣服口無疑矣以斯觀之此我聖朝口口口道高堯舜存心於天下加意於口民使八口四裔口士萬姓無一飢寒者其太監亦失哈都指揮康政口能口仁厚德政治普化口口夷口口口偉歎懋哉正口聖主布德施惠非求報於百姓也郊望禱嘗非求報於鬼神也山致其高雲雨興焉水致其深蛟龍生焉君子致其道德而福祿歸焉是故有陰德必有陽報有隱行必有昭名此之謂也故爲文記萬世不朽云

大明宣德八年癸丑歲季春朔日立

欽差都知監太監亦失哈 御馬監左少監三命內官范桂 口口

阮落 口藍 阮通 給事中口旦

遼東都司都指揮康政 指揮高勛 崔源 高口 李口以下不明

金寶 金口 崔越以下不明

高口 口口 馬旺 黃督 馬口中不明 醫士口口以下不明

口口 王口 口口 口春 陸口以下不明

海西口口等衛指揮 木答兀哈 弗家奴 李希塔 木兀花口

口口口刺木兀哈以下不明

以下不明 周口 口口 金海 王全 口口 羣英口口 通事百戶

康安 書丹口口張競

畫匠口升 孫義 木匠口成 石匠口口 余海 泥水匠口口

鐵匠雷遇春以下不明

口口口都指揮康福 王肇舟 佟勝 經歷孫口 吏劉觀

右錄碑文用日人內籐湖南以照像三種拓本二種校訂本逐錄較吉

林通志及黑龍江志稿所載字逾倍數按彭孫貽山中聞見錄卷九女直考云

建州於女直爲最強永樂元年遣行人邢樞招諭奴兒干諸部野人酋長來朝因悉境附九年春遣中使治巨艦勒水軍江上召集諸酋縻以官賞於是康旺佟答剌哈王肇舟瑄勝哥四酋率衆降始設奴兒干都司自開原東北至松花江以西置建州毛憐塔山等衛一百八十四兀者等所二十官其酋爲都指揮千百戶鎮撫賜勅印各統分部復置站地各七寨一不領於衛所令歲以冬月從開原入朝貢唯野人女直僻遠無常期諸部願內附者開原設安樂州遼陽設自在州處之已又爲海西建州立馬市開原歲時賜予甚厚

此碑建於永樂十一年遣行人邢樞招諭以後所立惟中土久湮清光緒十一年東海諸部已爲俄人所有時曹廷杰奉命偵察西伯利亞之東邊情形著有西伯利亞東徧記要一書記其事云

廟爾之上

近龍江附

二百五十餘里混同江之東岸特林地方有石

礮壁立江干形若城闕高十餘丈上有二明碑一刻勅建永寧寺記一刻宣德六年重建永寧寺記皆太監亦失哈記述征服奴兒干及海中苦夷之事說者咸謂明東北邊疆盡於鐵嶺開原今以二碑證之其說殊不足據矣苦夷即苦兀庫葉之轉音也

按曹氏又云勅建永寧寺碑陰有二體文字兩旁有四體字碑文惟隴嘛呢叭嘛吽六字可以認識其餘五體均不能識又吳大澂皇華紀程有一條記其事且錄其碑中諸體之書定爲唐古忒文且謂非明刻其說非允明代之征遼東實爲自唐以後用事東北最大武功有此二碑始可證明日人內藤博士著有明東北疆域辨誤奴兒干永寧寺二碑補考二文考証綦詳且引明實錄等書以証明其事文載讀史叢錄中可資參考也

右明代刻石

以上明人記載之屬

清開國史料考卷四終

清開國史料考卷五

安陽 謝國楨 輯

目錄四

皇清開國方略三十二卷卷首一卷

四庫本 清乾隆內府刊本 版本極大 鉛印本

清乾隆五十一年大學士阿桂梁國治和坤等奉勅撰按是書之取材多本於實錄老檔實錄修於清天聰三年其後一改於康熙二十四五年間再改於乾隆四年事實已失其真此爲乾隆五十一年所修以全失其本來面目之實錄爲根據則其相信之處益少矣是書卷首曰發祥世紀次爲太祖八卷太宗即位以至世祖未入關以前爲二十四卷編年紀月列目提綱專紀清開國事茲錄其御製序之大略以見一般云爾四庫總目史部編年類有提要一則純爲頌揚之辭不錄

乾隆御製序略云有元興於北漠我大清興於東海與中國無涉雖曾

受明之官號耶究不過羈縻名繫而已非如亭長寺僧之本其臣子也
況乎戴不共之讐乘自壞之勢越我明始基居長白山北之俄朵城國號滿洲

千五百餘里地當明境之俄朵城國號滿洲

貽害二祖我太祖以不共戴天之讐又舉明季紀綱廢壞臣弄權之外勢乃奮志復

於天命三年七大恨告天遂親統師征明撫順招降萬載之聖全軍闕於薩爾

得滿京遺骸七定較之太祖新稍易矣撫定中原建基立極以武王於湯有

光擬之則實於漢明有光而唐宋在所弗論矣故茲開國方略之著不

重於繼明定中原而重於自俄朵里以至赫圖阿拉因十三甲筆路藍

縷得盛京而定王業若夫興王之始長白朱果蓋猶簡狄元鳥姜嫄履

跡天生聖人治四海必有祥符與衆不同而更在於聖人之奮智勇受

艱辛有以冠人世答天命夫豈易哉予小子守祖宗之業每於讀實錄

觀我太祖開國之始躬干戈冒鋒刃有不忍觀不忍言而落淚者繼思

不忍觀不忍言之心爲姑息之仁其罪小觀至此而不念祖宗之艱難

不勤思政治以祈天永命慎守神器其罪大故令諸臣直書其事以示

後世即明臣之紀本朝事蹟如黃道周之博物典彙之類不妨節取以證信實然予此爲非啻自勵而已也欲我萬世子孫皆如予之觀此書之志其弗動心落淚深思永念以敬天命守祖基兢兢業業懼循環治亂之幾則亦非予之子孫而已矣此開國方略之書所以作也嗚呼可不敬哉可不慎哉

周中孚鄭堂讀書記桂字廣廷號雲巖姓章佳氏正白旗人乾隆三年舉鄉試補兵部主事累官至大學士卒贈太保諡文成越十四年告成卷首冠以乾隆丙午御製序暨皇清開國方略書成聯句有序並諸臣進表及職名殿以阿桂等恭跋謹按我高宗純皇帝追念祖宗功德熾盛開創艱難所以受天明命者雖事具實錄而尊藏史宓臣庶無從仰觀特命纂輯是編昭示億代卷首爲發祥世紀不入卷卷一至卷八自太祖高皇帝癸未年夏五月起至天命十一年秋七月止卷九至卷末自太宗文皇帝初即位未改元天命十一年秋九月起至世祖章皇帝

順治元年冬十月止皆編年紀月提綱列目謨烈昭垂麟麟炳炳洵冊府傳信之鉅觀焉

欽定滿洲源流考二十卷

四庫本

清乾隆間內府刊本

影印本

通行刊本

清阿桂等奉敕撰是書分部族疆域山川國俗四類宗通志略之法而不據通史之體徵引該博故自勝於他書惟考歷代沿革僅及金源而自明以後則諱而不書如於東夷各部族皆詳細記載獨女真不列專條僅於文內偶一漏出言明代之疆域則云僅及開原鐵嶺凡改史蹟顛倒事實所在多有是在讀者辯之而已前有四庫提要諭旨奏摺凡例茲錄其要於後

欽定四庫全書提要欽定滿洲源流考二十卷乾隆四十三年奉敕撰洪惟我國家朱果發祥肇基東土白山黑水實古肅慎氏之舊封典籍遺文班班可考徒以年祀綿長道途修阻傳聞不免失真又文字互殊聲音屢譯記載亦不能無誤故歷代考地理者多莫得其源流是編仰

稟聖裁參考史籍證以地形之方位驗以舊俗之流傳博徵詳校列爲四門一曰部族自肅慎氏以後在漢爲三韓在魏晉爲挹婁在元魏爲勿吉在隋唐爲靺鞨新羅渤海百濟諸國在金爲完顏部並一一考訂異同存真辨妄而索倫費雅喀諸部毗連相附者亦並載焉二曰疆域凡渤海之上京龍泉府靺鞨之黑水府燕州渤海之遼之上京黃龍府金之上京會寧府元之肇州並考驗道里辨正方位而一切古蹟附見焉三曰山川凡境內名勝分條臚載如白山之或稱太白山徒太山黑水或稱完水或稱室建河以及松花江即粟末水寧古塔即忽汗水今古異名者皆詳爲辨證其古有而今不可考者則別爲存疑附於末四曰國俗如左傳所載楛矢貫隼可以見騎射之原松漠紀聞所載軟脂蜜膏可以見飲食之概而後漢書所載辰韓生兒以石壓頭之類妄誕無稽者則訂證其謬至于渤海以來之文字金源以來之官制亦皆並列其體例每門以國朝爲綱而詳述列朝以溯本始其援據以御製爲

據而博採諸書以廣參稽允足訂諸史之譌而傳千古之信非諸家地志影響附會者所能擬也

諭旨乾隆二十四年八月十九日內閣奉上諭頃閱金史世紀云金始祖居完顏部其地有白山黑水白山即長白山黑水即黑龍江本朝肇興東土山川鍾毓與大金正同史又稱金之先出靺鞨部古肅慎地我朝肇興時舊稱滿珠所屬曰珠申後改稱滿珠而漢字相沿訛爲滿洲其實即古肅慎爲珠申之轉音更足徵疆域之相同矣又後漢書三韓傳謂辰韓人兒生欲令頭匾押之以石夫兒初墮地豈堪以石押頭其說甚悖于理國朝舊俗兒生數日置臥具令兒仰寢其中久而腦骨自平頭形似匾斯乃習而自然無足爲異辰韓或亦類是范蔚宗不得其故曲爲之解甚矣其妄也若夫三韓命名第列辰韓馬韓弁韓而不詳其義意當時三國必有三汗各統其一史家不知汗爲君長之稱遂以音同誤譯而庸鄙者甚至訛韓爲族姓尤不足當一噓向曾有三韓訂

謬之作惜未令人盡讀之而共喻耳若訛而新羅百濟諸國亦皆其附近之地誕之徒尋摘字句肆爲詆毀此如桀犬則不可以不辨若夫東夷之說因地得西夷之人此無可諱亦不必諱至于尊方而非其同部則所見殊小我朝得姓新可爲金源同派之證蓋我朝在大金完顏氏在今日皆爲我朝之臣僕普天之漢唐宋明之相代豈皆非其勝國之明龍虎將軍封號亦無足異我朝初起好借此以結兩國之歡我朝固不妨爲振明之綱紀日隙且彼妄信讒言潛謀七大恨告天興師報復自薩爾濟松山

我求和斥而不許彼尙安能輕侮我朝乎且漢高乃秦之亭
隋之列公宋爲周之近臣明爲元之百姓或攘或侵不復顧
我朝乃明與國當闖賊擾亂明社旣移之後吳三桂迎逐王
之報仇殺賊然後我世祖章皇帝定鼎燕京統一寰宇是得
堂正正孰有如我本朝者乎至若我國家誕膺天眷朱果發
之元鳥降生周之商祿履武紀以爲受命之符要之仍係大
天女所浴之布勒瑚哩池即在長白山原不外白山黑水之
世紀稱唐時靺鞨有渤海王傳十餘世有文字禮樂是金之
矣而本朝國書則自太祖時命額爾德尼巴克什等遵製通
之字其後因式微散佚遂爾失傳至我朝復爲鼎造未可知
州之沿革滿洲之始基與夫古今地名同異並當詳加稽考
垂示天下萬世着派大學士阿桂于敏中侍郎和珅董誥悉
條編輯以次呈覽候朕親加釐定用昭傳信而闢羣惑並將

之欽此

凡例

一我國家建邦啓土肇迹東方創業始基地靈効順其古今沿革自應詳臚本末用以昭傳信而正羣訛謹擬首立部族一門凡在古爲肅慎在漢爲三韓在魏晉爲挹婁在元魏爲勿吉在隋唐爲靺鞨新羅渤海百濟諸國在金初爲完顏部及明代所設建州諸衛並爲考據異同訂析訛誤博稽史傳參證羣書分目提綱各加按語俾源流分合指掌瞭然

一按唐史所載渤海置五京十三府其上京龍泉府即肅慎故地而黑水靺鞨入朝亦嘗置燕州勃利州及黑水府諸名目其後若遼置東京黃龍府金置上京會寧府分設郡邑俱詳載二史地理志中至元時猶有肇州之稱碁布星羅遺跡尙頗可考謹擬次立疆域

一門凡史冊所載諸城鎮村寨之屬各按原書方位證以現在地理形

勢件繫條分詳加辯證務使圖經所紀條貫咸該至遼金宮室建置一切古蹟應行考據者均即載入疆域門用徵故實

一按白山黑水其名始見于北史而顯著于金源至本朝受命龍興實爲朱果發祥之地鍾神毓慶靈蹟昭然而諸史或稱太白山或稱徒太山或稱完水或稱室建河稱謂多殊名實易舛允宜詳悉核訂至若松花江即唐書之粟末水寧古塔即唐書之忽汗水亦爲勝地名川向來紀載紛淆均資考覈謹擬次立山川一門以現在大清一統志盛京通志所載據今證古析異定譌其或古有今不可考者則別爲存疑附之于末

一史稱東方仁謹道義所存樸厚之源上追隆古我朝肇基東土舊德敦龐超軼前代即如祀神之禮無異于幽人之執豕酌匏三代遺風由茲可覩而參稽史乘其儀文習尚亦往往同符如左傳稱肅慎之矢可以見俗本善射之原後漢書稱三韓以石壓頭可以見俗用臥

具之訛松漠紀聞稱金燕飲爲軟脂蜜糕可以見俗尙餅餌之始其
他足資引證者尙多謹擬次立國俗一門博引典籍分條臚考以著
淳風所本源遠流長洵與周公之陳七月金世宗之歌土風取義維
均足以訓行奕禩

一金時官制如勃極烈之爲貝勒謀克爲之穆昆猛安之爲明安雖沿
誤相仍而溯源可考又自新羅渤海已肇興文字金之初年用契丹
字太祖熙宗作女真大小字其制漸備維時設女真進士科經書皆
有譯解今遺製已湮而碑刻間存至我太祖高皇帝創制國書義蘊
精微允爲制作之極則謹擬約舉大凡附列國俗一門之後用以垂
信方來

一國家扶輿積慶椒造丕基長白肇興實爲邪岐舊壤今敬謹考核一
以近發祥初地者爲定至若王師順動以後經營遼瀋卜宅定都凡
盛京地方建置規模及山川地理已具詳開國方略盛京通志諸書

中是編請毋庸兼載以協體制

一恭讀御製文集盛京賦三韓考諸篇及巡幸盛京吉林諸詩什苞括典故剖晰外謫洵足折衷羣言垂示千古謹擬于書中各條內恭錄載入永昭定論

八旗滿洲氏族通譜八十卷

清乾隆間內府刊本

清鄂爾泰等奉勅纂修是書修於清乾隆九年十二月勅諭略云八旗滿洲姓氏衆多向無彙載之書難於稽考著將八旗姓氏詳細查明並從前何時歸順情由詳記備載纂成卷帙御製序略云爰發金匱石室之藏徵載籍圖譜考其入我朝來得姓所始表之以地系之以名官階勳蹟綴爲小傳勳舊戚畹以及庶姓釐然備具秩然有條與國史相爲表裏前有凡例叙述甚詳因非關遼事故不具錄按此書以愛新覺羅氏爲尊親諱故未著錄乾隆好大憲功清初史事大半爲其改削此書蓋亦不免惟記載滿洲姓氏頗詳亦足參攷也

八旗滿洲氏族通譜輯要二卷

清乾隆間內府刊本

清阿桂和珅奉勅輯是書編於清乾隆五十七年鈎稽上書而成

滿洲世職表

未見

不知撰人名氏目見清內閣舊藏殘複書目計一束二十五本

欽定滿洲祭神祭天典禮六卷

清華大學圖書館藏滿文本

清乾隆四十二年奉勅撰目見丁丙撰八千卷樓目清史稿禮志一曰

滿洲祭神祭天典禮其始關外啓華崇祭大神暨羣祀祖禰意示從儉
凡所記錄悉用國語國書入關後有舉廢逮高宗時依據清文譯成
四卷祭期祭品儀法祝亂與夫口耳相傳或小有異同者並加釐訂此
國俗特殊之祀典也聞清華大學圖書館藏有滿文本惜未見清史稿
禮志四有記滿洲跳神儀一節

八旗通志二百五十卷

武英殿刊本

清額爾泰等奉勅撰八旗編制不皆起自清初多康熙後更制是書乾

隆四年所修然條例詳明記載廣博頗於清建國之事有關茲錄御製序文大略於後

序略云太祖高皇帝龍興東土創造鴻基肇建八旗以統滿洲蒙古漢軍之衆規模宏遠立極萬世太宗文皇帝繼緒膺圖遐邇率服輸誠歸附者雲集景從咸隸旗籍以固根本世祖章皇帝統一寰宇定鼎京師詳定規制體統嚴明建置周密重以皇祖皇考德澤涵濡休養訓迪明禮制興學校廣儲蓄典章日益明備蓋自開創以來百有餘年列聖相承經畫盡善而且啣之以天地之恩篤之以家人父子之親隆之以肺腑腹心之寄英藩碩輔宿將名臣佐命宣猷銘鼎鐘而耀竹帛者後先相望下逮卒徒韋布亦共識尊君親上之大義節孝忠烈有不待勉強而出於至性者雖邠岐豐鎬之遺風豐沛南陽之故舊曷以加茲顧其事散見於實錄會典諸書未有專紀雍正五年皇考命儒臣纂輯八旗志書昭示永久乃采摭彙集撰爲八志曰旗分曰土田曰營建曰兵制

曰職官曰學校曰典禮曰藝文次以八表曰封爵曰世職曰八旗大臣
曰宗人府曰內閣大臣曰部院大臣曰直省大臣曰選舉次以列傳曰
宗室王公曰名臣曰勳臣曰忠烈曰循吏曰儒林曰孝義曰列女越乾
隆四年書成凡二百五十三卷於是而列祖創垂之緒損益之宜與夫
人物殊尤之蹟臚舉條分燦然具備與國史相爲表裏然是書之作非
徒以廣紀載備圖籍已也

御製己未歲我太祖大破明師於薩爾滸山之戰書事

清乾隆間內府刻本

清乾隆時敕編是書記薩爾滸之戰即明楊鎬四路師之事也按乾隆
四十年冬十月上諭云恭讀我太祖實錄載薩爾滸之戰明楊鎬等集
兵廿萬四路分出侵我興京我太祖太宗及貝勒大臣等統勁旅數千
殲戮明兵過半一時良將如劉綎杜松等等皆歿於陣近曾親製書事
一篇用揚祖烈而示傳信云云

太宗大破明師於松山之戰書事一卷

江蘇省立圖書館藏清乾隆間內府刻本

清乾隆時敕編清廷之興在於己未清太祖薩爾滿之役至辛巳太宗松山之役而明事遂不可爲此書未寫纂輯年代當爲乾隆時所修之書如云洪承疇之跪請乞降等事多粉飾之語蓋清廷表揚功德之書也未附滿文本爲丁氏藏書

右清代官修諸書

建州私志三卷

傳抄本

原題海濱野史初輯是書記建州史事每篇後附野史私記後記是篇雖取資於邸報野史然剪裁有序條理昭然讀此一篇可以略知遼東史事源流惟叙海西諸部族如兀刺灰扒諸部即吳喇輝發諸國仍未能敘述詳晰此亦明季野史之通病惟其叙吳三桂行牌至京令諸臣公服迎太子登位比至郊迎則辮髮虬鬚乃清朝之大王此則他本所罕記者也是書稱康熙己未謂修明史又謂今二十餘年尙未成書是知此書作於康熙三四年之間是書後記之叙述明代對於遼東之建

置及評修明史之得失頗爲允當茲錄之於後

野史私記曰前明建都於燕設九邊以衛神京東起遼東西極甘肅拖
遞萬里其地自山海關起西則居庸紫荆雁門寧武偏頭五關偏頭關
外則河套地也自山海至北皆秦時長城故址甘肅再西則玉門關在
焉而長城始盡建州值山海稍東逼遼東地遼自洪武四年置定遼都
指揮司使以馬雲葉旺爲都指揮使總制遼東諸衛時元孽未靖雲等
由登萊渡海頓兵金州招降故元參政葉廷秀攻走高家攻遂進止遼
東完城繕兵嚴設守備七年八年元納哈出屢寇遼東上勅旺嚴兵城
守虜至堅壁勿與戰納哈出至蓋州知城中有備不敢攻徑趨金州時
金州城庫兵寡指揮韋富等督兵分守諸門選銳禦之其將乃刺吾恃
勇挑戰城上發弩射之中虜被擒虜大沮引退由城南沿柞河遁歸旺
策其將遁自連雲島十餘里緣河疊水爲牆以水淋之經宿凝沍隱然
如城藏釘板沙中設陷馬奔平地伏兵以待虜至伏起人馬皆陷納哈

出僅以身免十四年封子權於大寧爲寧親王開藩以彈壓上游北控蒙古東制女直屹然建瓴之勢十九年敕北征將軍馮勝於大寧諸邊置衛以控北虜二十年三月勝築大寧寬河會州富峪四城留守駐大寧率大兵直搗金山納哈出降一方遂安遼東自洪武初割錦義建利諸州隸之設都司於惠州領營興等二十餘衛所謂北平行都司也後又於遼陽開原間設自在安樂二州處屬夷之內附者此遼左建制之大略也遷都之後遼爲三輔重地出都門東抵山海關七百里而近一牆之外天子自爲守無高山巨川以限戎馬之足惟恃遼爲之屏蔽必遼之藩籬固而後京師之藩籬始固則兀良哈是也洪武二十二年故元遼王阿札失里及朶顏諸酋求內附詔以兀良哈地分三衛居之自錦義渡遼河至白雲山曰泰寧衛以阿札失里爲指揮使自黃泥窪踰鐵嶺至開原曰福餘衛以海撒兒答爲指揮同知自廣寧前屯歷喜峯近宣府曰朶顏衛以脫魯忽察兒爲指揮同知並給印信俾領東部落

爲東北外屏是時燕寧二藩相望謂可奴視夷屬然自三衛界夷人而遼之藩籬弱矣迨燕王兵起扶寧王入松亭關盡拔諸衛軍至北平靖難而後地諸夷從征有功遂捐三衛地界兀良哈者悉畀其酋而藩籬盡撤矣三衛自遼藩抵宣府計三千里國初克元上都設衛開平置東西各四驛東接大寧西接獨石文皇四出塞征元孽皆往開平嘗曰滅此虜惟守開平則興和大寧遼東甘肅寧夏永無憂矣未幾以開平大寧東勝曠野難守移東勝左衛於永平府右衛於遵化縣棄大寧與虜而興和亦廢開平無援宣德三年並棄開平營獨石八城凡棄地三百里盡失龍灤河之險當明前盛時已然諸夷部落已逼門庭由是三衛地廣其兵甚強而朵顏爲最嘉靖中花當革蘭台影堯爲患二十九年時設薊遼總督以禦之三衛部多至八十餘種惟長昂董狐狸爲兇狡萬曆中伯言花當歲無不擾邊大抵兀良哈日多事則遼日益騷然而清兵益乘其弊譬如庶人之家不幸其卜宅之鄰于盜也兩俱不能惟

有益培其垣使無隙之可乘而後已三者無一何冀倖之有明白遼亡之後不待蠡賊後訐而始有淪胥之歎也顧愚於此重有感焉遼左李氏父子以力戰起家當其盛也傾家財畜健兒人皆樂爲之用故所戰必克迨其衰也移以結納朝貴債帥之風日熾而功名隳矣且一成梁也前此用之國日闢後此用之國日蹙蓋折衝樽俎在政地不在疆場在廟算不在闔閭也要而論之自貴州亡棄河套爲甌脫至毛帥死視皮島爲夷屬馴致全遼盡沒神京僅有一關之隔雖寧錦孤懸亦鞭長不及矣詩云人之云亡邦國殄瘁豈不然哉

野史又曰昔宋之季也陸君實在海上記二王事爲甚悉以授侍郎鄧光薦及光薦卒其書失傳然則宋史所載崖海君臣之事尙其略耳後之閱史者有遺憾焉余每欲訪求永曆主上南寧入土州十餘年事粹不可得也必有如陸鄧諸公筆之藏之者恐歲既久有湮沒不傳之恨則後之秉筆欲存亡繼絕者何所依據乎康熙己未曾有詔修明史今

二十餘年來尙未聞有成書且邇時在局諸公往往至神宗以後多所遲回退託各自卸肩而去若此則書雖成恐未足稱徵史也況未成乎然此不過以觸忌之故未易措手耳有公私記載可以稽考當年不成異時必有成之者獨赦王之七年山陽公之四世其君臣憂惕悽風泣雨之狀豈乏可歌可詠可悲可憤者不可使其泯泯也況一成一旅尙屬荆塗之舊壤而若文若獻寧論宋杞之無徵以緬疆一席土尙能櫟撐數年其所施行尤豈可以游魂餘息而吐棄之乎至於國統續絕如漢魏章武黃初之例斷當以綱目爲準清朝順治十有八年歲在辛丑世宗章皇帝崩明年壬寅吳三桂自緬甸獻捷實永曆十有六年而明亡明自元至正十二年壬辰太祖治兵於濠至丁未吳建號凡十六年此十六年當削至正年號而標以干支以至正分證於下其諸國僭國得附焉蓋中國已有主元不得更主之也或因明祖奉龍鳳紀年欲以龍鳳代至正此于理未允韓林兒草竊之寇耳其父韓山童假宋廣王

之名建國稱宋噓枯吹燼以悚動天下明祖以郭子興之故舊所推戴奉以行事不得以光武之更始爲比也統紀明之曆數自洪武元年戊申至永曆十六年壬寅凡享國二百九十六年而後以康熙元年繼之如薛氏宋元通鑑以庚辰之歲爲宋亡而元繼之蓋祥興二年與至元十七年皆庚辰也後之作史者宜加意焉間嘗讀吳人汪琬所爲世祖章皇帝輓歌有曰車書方正統弓劍忽遐升事在辛丑越明年爲壬寅錢謙益投筆集於壬寅三月二十三日之詩自註題下曰大臨無時啜泣而作其時有飛走都窮瘁海頭而今人說國亡秋之句則汪詩所云方正統者蓋預言之實則章皇帝在御之年尙未得正統也再閱尤侗西堂集中記閩人陳衍于崇禎庚辰年刻一書載鷺門僧一貫得古磚上隸字四行其末二句云庚小熙皞太平八紀意昔之善教學者紀將來之事即識諱之類也尤君以庚小熙皞爲今上紀年太平八紀爲臣民之年今上冲齡踐祚適當車書一統之期天命眷注鑿鑿可據如斯

言有徵則曆數之延尙未艾也時甲申三月

柳邊紀略一卷

小方壺齋輿地叢鈔本

清山陰楊賓可師撰按賓字可師號大瓢山陰人父成寧古塔請代不許可師赴闕訟寃得釋求父遇之柳條邊迎歸著柳邊紀略是書爲筆記體據云古來邊塞種榆故曰榆塞今遼東皆插柳爲邊高三四尺低者一二尺掘壕於其外呼爲柳條邊是編記塞北風俗明代建置及清初造滿洲字及老檔之名稱頗詳足資參攷

旗軍志一卷

昭代叢書本

清奉天金德純素公撰按素公遼陽人隸漢軍正紅旗是書叙述清初

旗軍建設制度

封長白山記一卷

昭代叢書本

小方壺齋輿地叢鈔本

說鈴本

清遂安方象瑛渭仁撰四庫全書提要云象瑛字渭仁遂安人康熙丁未進士官至翰林院侍講是編記康熙十六年聖祖仁皇帝遣官至長

白山事大略言是年六月三日由烏喇啓行歷文德痕河阿虎山庫納納林邪爾薩河渾陀河法布爾堪河納丹佛勒地方輝發江法水河敦林巴克塔河納爾渾河敦敦山卓龍窩河諸處至訥陰十一日復自訥陰啓行十四日乃至山麓併記所見諸靈瑞蓋櫟括當日奏疏爲之故僅粗述梗概而使臣亦佚其名但稱覺羅武某云

其他記寒北事者如桐城方拱乾之絕域紀略吳江吳振臣之寧古塔紀略滿洲圖理琛之異域錄桐城方式濟之龍沙紀略等書以非全記清初史事然筆記遺聞間有可取故附其目於此

嘯亭雜錄卷一至卷二

通行刊本 鉛印本 別出

原題汲修主人撰按汲修主人爲清宗室禮親昭槤是書記有清一代掌故之書卷一卷二記清初三朝史事甚詳閱輓近所發視滿文各書記滿洲史事者極鮮而滿洲人治史學者亦不多此書固可謂滿洲史學家之翹楚也

葉赫氏家譜一卷

國立北平圖書館藏鈔本

清額騰額修是書起始祖星懇達爾漢至道光三年共十五代前有自叙

自叙云葉赫地方貝勒始祖原係蒙古人姓土默特氏初自永樂年間帶兵入扈倫招贅遂有其地因取姓納蘭氏後明宣德二年遷於葉赫國其地在開原之東北即明所謂之北關者是也與明交會於鎮北關與海西女直接壤所屬有十五部落而人多勇猛善騎射者所屬地方人心悅服俱以貝勒稱之故始祖貝勒星懇達爾漢傳子席爾克明噶圖再傳子齊爾哈那三傳子珠孔額四傳子太忤生子二長曰清佳砮次曰揚佳砮兄弟三人綏服葉赫諸部各居一城明萬曆十二年爲寧遠伯李成梁所誘被害清貝勒子布寨揚貝勒子納林布祿各繼其父俱爲貝勒後與明交和納貝勒之弟金台石布貝勒之子布揚武嗣爲貝勒在葉赫地方計一百九十年共八代嗣貝勒十一輩至天命三年

明萬曆之四十八年乃終以上俱由實錄內鈔出

達爾罕王旗記錄二冊

大連滿鐵圖書館藏鈔本

不知撰人名氏書爲滿文

東華紀盛二卷

上海徐匯天主堂藏書樓藏昭代武功錄本 闕出

原題古吳陳湖逸老編次記清初三朝事爲編年體

東江遺事二卷

上海涵芬樓藏鈔本

滄江漫叟輯是書所輯爲毛將軍碑授遼功績熊廷弼傳袁崇煥傳錢龍錫傳朝鮮傳毛文龍毛師江東錦寧戰守崇禎朝紀略也是園雜錄毛太保公傳毛際可撰毛總戎墓誌銘耿靖南傳尙平南傳孔定南傳東華錄前有自序

自序云讀史者謂明之亡也有君而無臣以思陵非亡國之君也然其所以亡有三道焉急於求治率於用人闇於度事急於求治則賢不肖並列曲直不分止期速效每討一方未行而先與尅日率於用人則巧

佞媚嫉者競進正直讜言者日退黨同伐異中外紛然闇於度事則惜
餉汰兵用內臣監督將師至四海鼎沸有瓦解之勢猶委用體仁延儒
嗣昌一輩當國欺君黷貨陷忠良夫如是欲須臾延國命得乎是以周
皇后之將自盡也泣而曰陛下在位一十七年未嘗聽妾一言今日之
死固其所矣聞者莫不爲之隕涕夫毛文龍之死天下盡知其冤迨袁
崇煥既伏厥辜即當下詔表暴二人功罪庶幾激勵邊區而作士氣至
其子承祿爲父泣血籲哀朝中竟置不省迄乎國變又十餘載卹典始
終不下尙得謂賞罰之明乎今去勝國且百數十年一二故老猶有惜
文龍抱不白之冤於地下者爰從各紀傳輯錄爲一編曰東江遺事凡
二卷以俟後人論定且使貪功害能者知天道之不爽至於東江旣失
有識寒心乃中朝若不介意迨我太宗文皇帝每降心相從欲修鄰國
之好而思陵卒岸然弗顧馴致流賊披猖躬殉社稷嗚呼讀是編者亦
可以悲其志矣嘉慶丙寅夏六日滄江漫叟識

袁督師事蹟一卷

嶺南遺書本

清史稿

十四

不知撰人名氏南海伍崇曜跋云按是書首明史本傳次白冤疏次礪聲紀次漩聲紀次剖肝錄次遺文次率性堂詩集而以嘉慶朝請從祀鄉賢呈詞奏稿終焉亦隨手掇拾而刻成者前明至崇禎朝朋黨之風益熾督師忠而獲譴痛甚於檀江州岳忠武而是非蜂起朝論沸騰迄無定議野史所記如烈皇小識謂崇煥原知遼不可復冀以欸羈縻歲月耳觀其舉薦王象乾意可知矣又謂崇煥出關上召問方略以五年爲期及履任覘知文龍有成約急遣喇嘛僧欲解文龍意議以就已堅持不可喇嘛僧曰今惟有斬毛文龍耳在我可以收功又謂崇煥雖名入援不敢一矢相加遺兼出言無狀戶部尙書畢自嚴至橋舌不能舉朝皆疑之幸存錄謂崇煥無可卸責一至寧遠遂爲講欵計又謂崇煥少好談兵見人輒拜爲同盟肝腸頗熱爲閩中縣令分校闢中日呼一老兵習遼事者與之談兵絕不閱卷或問之則曰士子宜中者自有命

在隨意抽取可也寧遠之捷實爲有功遂自矜爲必肯講和了無成算至明季北略袁崇煥守寧遠一條陞見一條謀殺毛文龍一條俱有不滿之詞至逮袁崇煥一條謂詔磔西市時百姓怨恨爭噉其肉皮骨已盡心肺之間叫聲不絕半日而死正所謂生副者也又謂百姓將銀一錢買肉一塊如手指大噉之食時必還罵一聲須臾肉悉賣盡則理外之談恐無其事又毛文龍入皮島一條安州之戰一條鴨綠江之捷一條均極推重至謂屯田主事徐爾一在籍嘆曰興師十載任東事者如經略楊鎬則喪師袁應泰則陷城熊廷弼則敗逃巡撫王化貞則失機總兵劉綎則陣亡未有如毛帥開鎮九年護持兩國復城獻俘者而廟堂諸臣反生異議裁減軍餉軍餉一減則將士灰心矣遂上疏竟不省則文龍固有功無罪者耶然如天香閣集劉愛塔小傳稱愛塔素有歸朝意東江毛文龍招之爲人所告將殺之泣諫乃免文龍又使人鉤之愛塔至東江會文龍被害馳謁閣部孫承宗大喜易名興祚則文龍亦

匪全不知兵者善乎明史本傳稱我大清舉兵所向無摧破諸將罔敢
議戰守議戰守自崇煥始又稱我大清設間謂崇煥密有成約令所獲
宦官知之陰縱使去其人奔告帝信之不疑又稱初崇煥誤殺文龍至
是帝誤殺崇煥自崇煥死邊事益無人明亡徵決矣則督師之功罪不
已昭然揭哉

袁崇煥督師事略一卷

清光緒三十四年蘆縣志附刊本

清藤縣何壽謙輯自序云據明史本傳參以皇朝開國方略錢家修辨
冤疏程本直漩聲記余口成剖肝錄若夏允彝幸存錄竹塢遺民烈皇
小識皆書之談朝事者訛者十之三四於督師固多微詞亦竊取一二
至其家世則本諸鄉里舊聞

東江始末一卷

備月山房叢鈔本 國粹叢書本

清吳縣柏起宗王孫撰叙袁崇煥殺毛文龍事謂崇煥實爲董思白所
指使全祖望鮚埼亭集外編有題趙維寰雪廬焚餘一卷稱其論袁襄

愍斬毛文龍事得其平襄愍地下亦當心服集中外編卷二十八有書明遼東經略熊公傳後卷二十九題東江事跡以率多空論無關史事未錄

開國龍興記五卷

聖武記本 別出

清邵陽魏源默深撰按源字默深邵陽人道光進士官高郵州知州文筆奧衍熟於掌故輿地之學著有聖武記古微堂集等書是書起清建國之初以迄永曆被執止卷一記滿洲沿革及清太祖平定滿洲諸部卷二記清太祖與明交戰之事卷三記清太宗與明交戰之事卷四卷五記順治入關以至平定南明是書記清建國事所述甚略生當清代專制之時其所據之書爲開國方略滿洲源流考諸書事多頌譽不出舊時窠臼對於清初諸事既無發明而傳說舊聞地理人事皆多枉謬惟記清太祖太宗與明交戰之事數十年明清國際戰爭最糾紛之舉如清廷伐明之次數明廷防禦之策失事之地經略督師建制之廢興

連絡蒙古之失策遼餉之病民能於短篇中綜核條理而出之頗便初學聖武記卷五尙有國初征撫朝鮮記一篇記清太宗兩次征服朝鮮事記征朝鮮之事日人稻葉君山清朝全史記之甚詳默深未見朝鮮載籍其叙事之略固不能怪也

東華錄卷一至卷四

江蘇省立圖書館藏鈔本 通行刻本 別出

清湘源蔣良騏千之撰作者仕籍待考是編據乾隆未修改以前實錄鈔輯於新出內閣檔案實錄殘本大致相同故較爲可信頃見國學圖書館藏鈔本較刊本爲良

東華錄天命朝四卷天聰崇德朝十八卷順治朝三十六卷

南菁書院刻本 別出

清長沙王先謙益吾編按益吾咸同間進士翰林院編修官國子監祭酒撰有前後漢書補注等書在南菁書院編刻續皇清經解補苴舊籍最爲有功是書較蔣氏加詳然依據乾隆以後改本實錄事實已多不足據矣自序略云臣往誦蔣氏東華錄粗知梗概從事史館敬繹乾隆

以次各朝爲續編病蔣氏簡略復自天命迄雍正錄之加詳可以知其
編纂之意也

宗室王公世職章京爵秩襲次全表十卷

石印本

清牟其汶編按編者供事宗人府故知清代世系頗詳據凡例云是書
統編宗室親王以下奉恩將軍以上之爵秩列表遵照橫格定式直則
得其輩分橫則辨其親疏其功績事蹟載在國史玉牒故不立傳庶明
纂表之由用合全書之例又云是表首據玉牒兼考成案均詳年紀月
以便前後相次眉目井然期於毋漏毋訛以臻完備云云是玉牒既經
庚子之亂殘缺污爛不易整理此書頗可補其未備是編卷一諭旨世
系欽定宗室王公世職章京封爵王公世職旗族卷二顯祖宣皇帝位
下各門爵秩卷三太祖高皇帝位下各門爵秩卷四太宗文皇帝位下
各門爵秩卷五世祖章皇帝位下各門爵秩卷六聖祖仁皇帝位下各
門爵秩均與清初史事有關前有凡例宗人府爲據呈代奏中言玉牒

源流頗詳錄略於後

代奏略云我朝開基定鼎宗室懿親勤勞佐命其殊勳茂蹟實爲從古所未有曾於乾隆二十九年奉旨編纂王公功績表傳又於四十六年復奉特諭改纂溯自書成之後迄今一百四十餘年未經續修查宗室封爵有功封恩封追封考封而王公表傳均係功封之人其恩封等爵秩襲次之表闕如供事公暇之餘旁搜博採編輯宗室王公世職章京爵秩襲次全表以盡愚誠而補國史之不逮遵照橫格之式世系輩分支派遠近便於觀覽原立官以功封恩封追封考封者書之於首詳註封授年月分別罔替降襲以及大宗之餘子今昔爵秩襲次各緣由一併備載自光緒二十四年春起二十六年五月止凡五易稿而就緒三閱歲而輯成所幸者是書編於庚子以前彼時庫存陳案尙屬完全易於稽考迨經兵燹無從查核敬維國家發祥延慶景祚無疆則億萬年之久宗支繁衍將來封授爵秩愈積愈多則襲次難免數典忘祖是以

王公全表亟應纂輯昭示久遠無有大於此者謹將是書詳慎覈校分繕成帙伏乞恩准代奏恭進御覽以備文獻之徵爲王公表傳之續

清皇室四譜四卷

鉛印本

近人丹陽唐邦治輯是書爲作者在清史館時所輯分列帝后妃皇子皇女四編作者不滿意於清代官書之修纂故重根據玉牒實錄輯爲此編然無甚創獲也前有自序

自序略云愚向者不自揣量從事清事不賢識小粗有成書而天潢眷屬尤三復專注顧手披目覽不過坊市流布之書互證參稽已頗得其罅漏抵牾之跡幸復備員史館金匱石室之藏足恣搜討於是乃取實錄本紀列傳會典事例宮史諸書對勘旁推衷諸一是不足復參以歷朝御集故府秘檔仍不足則私家之纂集海邦之紀聞亦節取之定鼎以前則印證於有明實錄所見之世則采獲於宮報官抄其生卒年月十九據之玉牒惟后妃生卒玉牒不載故不能悉詳也編次旣成命之

日清皇室四譜凡四卷要之有聯綴無造作有鉤稽無穿鑿有清一代列帝后妃皇子皇女蓋不啻人具一小傳矣其非皇女而封公主者附皇女之次猶馬書例也若皇孫以次別有皇族略譜見屬草藁未竟殺青寫定聊竢異日

清帝系后妃皇子皇女四考附年表一卷

鉛印本

仁和吳昌綬印臣撰是書分類與前書譜略同但較簡略前有自序

自序云談遷國權首冊有大統開聖天儷元潢各藩五門按李璽皇宋十朝綱要每朝首紀年號及皇后皇子公主蓋其先例昌綬與纂清史謹依玉牒實錄會典通考諸書參以列朝御集略師談氏義例輯成帝系后妃皇子皇女各一卷附年表一卷以備檢覈官書譔集非出一手又時代懸隔不特譯音歧異即所載亦未免舛誤參互攷稽庶期審慎間有闕疑尙俟訂補

袁崇煥傳一卷

新民國叢報三卷第一號二號

新會梁啓超任公撰是書爲先師梁任公先生在日本時所編蓋亦爲鼓吹革命而作也

清建國別記一卷

民國十三年聚珍仿宋

近人會稽章炳麟太炎撰是書記清建國事至清太祖併南關哈達部而止於清前紀事獨詳是書所取材者爲明實錄及東夷考略建州女真考三朝遼事實錄諸書取材雖不過夥然所據正確編纂有法合乎史裁不愧作家之書而史識尤其所長記范察董山李滿住之事考其端尾而以明實錄證之極能得事實如謂唐邦治作清室四譜疑孟特穆即猛可帖木兒其長子充善即董山充善長子安羅即脫羅尋音近是然移范察之孫以爲其移清之始封祖以爲旁尊移猛可帖木兒之次子以爲長子於明清人書皆倍矣且猛可帖木之子爲童倉董山孟特穆之子爲充善褚晏董山可說爲充善童倉又何說耶蠻夷人名聲式相類不得據以附會也最有見地其記東建州之事奴兒哈赤爲阿

台之塔記建州方域最有
運用自如非作家者不能
由訓詁此則斯書之微病
爲清爲金裔考建州方域
按華國日刊二卷二號三
叙曰清上世之事以無書
側微史官載之其辭多不
不能具體及明人雜著別
四庫者點竄之餘也官私
刪之矣已而東行之江戶
書館檢明世籍得董山事
余嘗籌邊關東東抵三姓
京有王杲迹遺老或言清

遽信也自是十餘年張繼以嚴從簡使職文獻通編來其書有建州前
事蒲圻但震以日本邨山緯所鈔清三朝實錄來

此蓋據實錄初本侍衛
幕皆嚴如御前嚴王府

職員及侍衛等職
龍子授二等職皆不改作侍衛

欲以校同異余亦發篋得數種書皆明舊

刻也未幾上海王植善以茅瑞徵東夷考略王在晉三朝遼事實錄來
數者相會上窺清事如求盜得賊品徵驗的然足以知官書悠謬是貫
穿其事爲清建國別記七篇藁草未定歟吳承仕則鈔明實錄以至相
與商榷事有違悟悉爲發正朱果之事明其與金後戾也范察董山之
事明其素居赫圖阿剌也塔克世之事明其不與阿太同叛也建州國
汗後金國汗之事明其始稱天命猶不敢達於外也昔元人作遼史事
有疏漏則司馬公通鑑或先詳之以是知異域無文籍之國其事湮沒
有資於漢土故書者甚衆以明人書校清事不得舊本徒隨清世所點
竄者以爲質則亦莫能理太史公記五帝三代必依古文而排七國秦
漢間俗記余庶幾得其旨然非諸子扶衛之力亦黯然無以就也書之

成距余有志攘胡時已遠矣勝國遺俘於今無所復恨以其事當質定
比於金世紀之流會有人以清史館協修唐邦治所輯清室四譜質者
其所發正頗具條理乃以滿洲得名因於李滿住充善錫寶齊篇古二
世追王所不及陵墓所不列者而復因前之誤責其對音猥令清氏始
封之祖移於伯兄其說亦不爲誠諦故復就本記益以考辨云爾中華
民國十三年九月章炳章錄

清朝前紀上編

上海商務印書館鉛印本

近人孟森心史編孟森字瓶菴號心史武進人熟於明季掌故之學著
有心史叢刊三編整理明季史料最有創獲是編紀清初史事內容分
女真紀建州紀建州左衛前紀肇祖紀褚宴充善紀安羅錫寶齊篇古
紀興祖紀景祖紀顯祖紀太祖紀附王杲及其子阿台紀是書之長以
作者熟於明事凡明史所不載清廷之所禁者抉微鉤玄能補其所不
足排比明季載籍考訂其事實而能得其結果惟時亦有過於臆斷之

處如興祖一紀清實錄作福滿王氏東華錄作滿福其事實最爲難明
孟氏乃以兀升哈當之不無過當又纂明季載籍之文未加整理非諳
於其事者讀之頗難得其原委然在整理清史之著作中固可謂有系
統有發明之書也茲列叙言於后

叙曰清一代在入關之初以關外事實爲忌諱如清太祖名奴爾哈赤
夫人而知之也然而南潯莊氏史案則以載入奴兒哈赤之名爲大逆
不道清之先世在明受建州衛指揮之職自諱其曾受明官至抹撥建
州之名而捏造滿洲爲國名至太祖建國自附於金之後而稱後金後
改爲清其實與前稱後金並無妨礙乃又必抹撥後金之名不見國史
凡此犖犖大端爲順治康熙雍正三朝之忌諱事跡至乾隆朝則諱飾
之事更開前古未有之例四庫館開名爲搜海內散軼書籍踵歷朝右
文稽古故事其實搜書之中挾有毀書之意迭次毀禁各書目錄竟成
巨冊凡有涉及清前代之紀載無不焚燬藏者罪等叛逆吾黨今日尙

清史稿
卷一百一十一
能考見清代一二真象皆前人冒死藏匿以爲後人稍留根據易代之後禁網盡除吾輩不能繼先民忍死留待之意爲之臚列發揚以成信史徒據清世矯誣捏飾之本作成一代之史是國民果可欺而國史真無足輕重非學人治歷史者之本懷也

清代禁書不但禁近世直接記建州之書並禁及古代凡言夷夏防閑之書其業已行世久遠之正史亦加改竄最少亦刊落其胡字虜字等清室所諱之字尤可笑者岳武穆爲宋世禦金有力之人而小說中有岳傳本非有何價值不過委巷之談乃亦列入禁書中咫進齋有禁書目錄一冊雖尙未完全就其所開書目已夥岳傳即目中的一而吾輩今日根據之書當時亦無不列入至清歷朝實錄雍正以前本已任意撰造試思清世實錄館諸臣豈有敢冒厲禁不爲扶同諱飾之理然而雍正以前六朝實錄至乾隆朝皆經重定其証據之可見者蔣良騏在乾隆間據實錄撰東華錄後來王先謙續撰東華錄並非續雍正以後

之錄仍由天命朝起所見之實錄與蔣氏所據不只詳略之異直是事實之有無及字句之多寡叙述之方法無不有異今可以相比而得此其一也又如國史宗室王公列傳開國諸王公若攝政睿親王以下各傳皆由乾隆間重作即與重撰之實錄相符外間傳本有李氏耆獻類徵從國史原本錄入可以証明實錄之盡經改造此其二也又如雍正間御定之大義覺迷錄所載雍正朝御旨自必當時原文此書在雍正時頒行天下各府州縣學宮皆貯是書與聖諭廣訓同爲宣講之書特設觀風整俗使一官以宣傳爲專職與今特設宣傳部略同今之宣傳部尙爲黨之組設而雍正間之觀風整俗使則爲經制設定之官尤與政治合一矣然至乾隆朝廢觀風整俗使戮受任爲使之曾靜清會典並不詳此官之建置沿革當時任觀風整俗使者究有幾人設觀風整俗之地方究有幾處無從考見僅於阮文達所撰廣陵詩事中得見福建觀風整俗使劉師恕之名知非僅以位置曾靜亦非令曾靜徧往各

處任大義覺迷錄之宣傳也大約觀風整俗特設一使與省制設官相符劉爲揚州詩人出身科第亦未必不與他官同采諸詞章識拔之列乾隆朝既盡毀大義覺迷錄板本亦列入禁書之內此書又經先民藏匿獲傳於今以余所見板本甚多有極精之套板存硃批圈點之迹亦有普通紙墨印本蓋各府州縣之希意承旨程度不同且地方財力有異故承辦此項欽工精粗亦大有分別其間雍正諭旨與東華錄所載不同則實錄之爲改造其證也從來帝王家事本多不足爲外人道者若大義覺迷錄原爲清世宗兄弟間奪位相戕之事列代似此者亦多難爲信史若其羅織於海內士大夫之間牽累人數極多時間極久之大案官書竟一字不見我先民遭此蹂躪無論紀載已渺即身受其禍之家子孫亦罕能道其先世之事者今從諸家文集中推考數端可見清代官書之遠於事實故易代以後纂修清史僅據官書爲底本決不足以傳信而存真此吾黨所以列清史爲學科之意也

且清史一科固以糾正清代官書之諱飾但亦非以摘發清世所諱爲本意蓋清帝遜國以後國人以習知清世禁網之密清紀載之難信於是妄造謠說流傳失實多污蠱清室之談其灼然誣罔者因考索所及亦一一加以辨正總使史書爲徵信而作不容造言生事之小說家破壞歷史大防其爲保護清室之意少而爲維持史學之意多故雖不信官書亦不輕聽世俗之傳說尤不敢盲從革命之小說家妄造清世事實以圖快種族之私而冀聳流俗好奇之聽此意願與吾黨共勉之清室入關以前尙有明代士大夫之箸述足資參考尋檢抉摘爲功尙不甚難其尤難者乃在清入關以後所有文人學士無敢有牽涉時忌者惟於詩歌題目友朋書札之類無心流露當時亦莫有知爲犯忌者隨處留心乃得貫串數事故其難就倍蓰於入關以前且未發現之公案不知凡幾即已發現者之中其證據亦必不盡於是有意搜輯事且無窮吾黨特就已發現者引其端耳今分未入關以前爲清朝前紀先

作本科講義之上編別條紀入關以後之公案爲下編以次講述焉

滿清紀事一卷 日本活字本

不知撰人名目見傅沅叔先生東西京私家觀書記

瑣記九則 遼東文獻備考卷八 別出

近人遼陽金毓黻撰是書瑣記清初世系國號八旗制度凡九則

明萬曆遼東諸道年表 東北叢刊第十二期本

近人吳廷燮向之撰自序云洪武之代遼海東寧按察分司置而旋廢迨乎中葉諸道增創首置守巡繫銜山東爲布按之分司守道則參政參議巡道則副使僉事實其本職遼海東寧仍沿初稱嘉靖邊棘開原寧前相繼增置苑馬太僕二寺卿少亦有分地遂與守巡同司兵備河南山西布按參貳間亦繫銜萬曆庚辰僕少省汰其後苑寺繫銜按司計有五道正統而後守巡名氏畢見遼志不別其年隆萬實錄記述頗詳除拜月日徃徃而具一方治亂撫鎮而下實係諸道其有績者每於

考滿輒進階秩積至藩臬留管地方亦復非少罹咎謫者均所時有邊
治降污毀輿隨之萬曆一代尤繫興亡爰仿史表先爲綴輯所可詳者
未敢少略蓋於遼故取可徵焉庚午白露江寧吳廷燮識

建州表

東北叢刊第十三第十一期本

近人吳廷燮向之撰是表據明實錄按年排比於考証遼東史事極有
關係

滿洲字義考一卷

東北叢刊第一期

近人寧恩承撰是篇據自述係所著英文遼寧省沿革及滿洲人考之
一部分輯爲斯編叢刊中尙有東北釋名金毓黻撰東北輿地釋略景
方昶撰非專記清初事錄其篇目於此

滿洲發達史

日本大阪屋號鉛印本 東北叢刊譯本 尚未出全

日本稻葉岩吉撰武進楊成能譯是書通論滿洲史事能於簡短篇章
詳述滿洲源流稻葉氏深諳斯學故能運用史料自如又著者評判之

力甚強非獨能叙述史事而且能解決問題如討論朝鮮臨屯眞番之位置渤海靺鞨之興廢皆具有卓見叙永樂之遠征及娶建州夷婦亦多創聞蓋其取材甚廣識力甚銳容有誤斷之處然其整理搜集之功實不可沒也未附史論三種前有內藤虎次郎序武進楊成能君譯爲中文陸續登在東北叢鐫茲錄逐譯大意及凡例數則於後

逐譯大意云有清崛起奄有中邦開國之初陳書發篋頗有意於考文惜其汲汲從事者多偏於中土之典墳而於發祥根本之區反多遺置即有一二成書大抵都語焉不詳學者苦之日本國境逼近人稠地狹其於滿洲遂不得不注集目光以求尾閭之容蓄近年以來政府之所倡導國民之所策勉罔非以開發滿洲爲鵠的譯者於前四五年僦居大連曾就彼國之公私著述略加統計見以滿洲二字爲冠者多至千種以上就中定期出版如雜誌報章之類亦且不下百種其孜孜兀兀每飯不忘之概良可畏也惟其內蘊多關於物質經濟而徵文考獻之

作殊少有之則以稻葉斯編最爲巨製爰亟譯之以餉學者至行間字裏仍有主見令人有增不快之感者然以視其他著作則分量殊少引雖自刺足以警睡斷章而取義焉夫又何害

凡例云著者在大正三年中華民國三年曾將所著之清朝全史付印迄今一歲又出本編統合以觀清朝全史可稱總論本編殆等於分論故就著者之著述論之茲二書者實爲姊妹篇相輔而行不可偏視

著者意見以爲現代滿洲之發達直接關係於明以後之制度設施蓋就滿洲歷史之大體以觀約可分爲二個區畫前者即明以前之滿洲後者即明以後之滿洲而後者爲尤要著者所致力之處則在後者故本書即本此旨以定記述之詳略

著者本書力求迴避國際目光之敘述蓋因日本對於滿洲在國際上之位置真相有不容許吾人評論者

譯者按本書總說內時時以日本爲本位從事評論可見實際上並不

能確守此旨也豈著者之觀念以日本之對滿洲已無國際界域乎此則余之所不欲知矣

清朝全史上編

上海中華書局鉛印本 日本鉛印本

日人稻葉岩吉原撰蒲圻但燕譯稻葉岩吉深於滿鮮史事是編記載有清一代史事爲最早之書且爲最有統系之書讀此一編即可以知清初史事之大略槓按凡治史事者先須爲問題之研究而後爲有系統之記載然後斯謂有心得有發明之著作若據事鈔輯斯乃排比之作而已無所謂創獲也是編下記載清初之史事爲問題之研究而有發明者如建州女真之遷徙明代遼東之邊境清初之疆域皆爲最有見地之說其說已先發表於滿洲歷史地理研究報告第二卷至記清太宗朝二次之征朝鮮則據朝鮮人記載燃藜室記述瀋陽日記等書辨証俄朵里之地址一條亦有卓見其他清朝開國期之史料清朝之姓氏清代繼嗣問題金國諸王不和皆取自其師內藤湖南之說有謂

此書純取內籐之講義者然觀以上諸問題亦有其意見在即其整理之功固不可沒也

清代通史卷上第一編

上海商務印書館鉛印本

近人銅山蕭一山編是書通記有清一代史事首篇記清初未入關以前之事多取材於日人稻葉岩吉清期全史之書統記有清一代者此書要爲最詳

清秘史二卷附錄一卷

北平北海圖書館藏鈔本

原題有嬌血胤著是書前有甲辰光漢子弃疾子叙光漢爲劉申叔弃疾爲柳弃疾也據劉序著者爲陳姓蓋是書著於光緒之季據中國舊族不服滿人表著於光緒三十年正當排滿之時故多種族革命之語是書卷上爲滿洲世系職官諸表語頗詳實下卷瑣記有清一代逸事語多醜詆主觀太深非實錄也附錄爲紀吳三桂借兵殲明諸事亦多無特殊之語取材蓋不甚博也劉叙略曰宋明以下史禁日嚴及建虜

入關乃日以監讀爲務事之前於入關者則明季遺臣之書刊禁目者

以千數

滿洲初起之事雖據三才王最乾魏時亮熊廷弼之文可得其大略

事之

後入關者則莊氏之史吳潘之書中藻之詩南山之集莫不誅連宗親

戮及枯骨而所謂一代之事實遂湮沒不傳即其一二流傳者亦大抵

出於佞臣之手以委曲失真然遐方記載

如日本人所著之
明清門記諸書

故老傳聞事

有不同言多徵實非所謂來者難誣欲蓋彌彰者耶柳叙從略又按是

書卷下雍正築雍和宮條下云云據日本人古澤幸吉所著燕京鈔有

記雍和宮一條是足可爲遼史資按坊間有清外史一書非專記清初

事者不錄

接近北平晨報二十年二月三月份藝圃欄內有劉振卿撰清代關東

濩票考略一文記載清初採濩之制極詳頗足參攷

明清最初交涉史

未見傳本

近人吳江陳去病佩忍撰金毓黻遼東文獻徵略卷八吳江陳去病佩

忍著明清最初交涉史其所取材以明陳仁錫皇明世法錄多謂猛可帖木兒與猛特穆決係一人董山即充善猛特穆之子也脫羅即安羅充善之子李撤赤哈即錫寶齊篇古亦充善之子滿洲世系肇祖孟特穆有二子名充善褚晏褚晏無嗣充善則有三子曰安羅曰安義謨皆無嗣曰錫寶齊篇古生子名福滿即興祖也皇明世法錄載正統二年建州左衛都督猛可帖木兒爲七姓野人所殺又稽之明人典籍稱董山驕橫背叛屢盜邊塞卒爲朝廷所誅旋授其子脫羅爲指揮給以敕印又嘉靖二十一年建州夷酋李撤赤哈入寇二十四年就禽梟塞其大略如此

清先世事蹟考

近人唐邦治輯目見清皇室四譜

右清代及近人追記諸書

以上清代官修諸書及近代纂輯之屬

清開國史料考卷五終

清開國史料考卷六

安陽 謝國楨 輯

目錄五

李朝實錄

朝鮮奎章閣藏本

影印本

朝鮮人勅編是書舊藏朝鮮王家之名山史庫爲王家秘書不易經見自日本合併朝鮮後朝鮮總督府移置其書於舊奎章閣加以保管京城帝國大學請於當事景印行也分四次出書茲附其目於後

第一次 自太祖至成宗 六百零二卷 一百六十七冊

第二次 自燕山君至宣祖 四百二十五卷 二百零九冊

第三次 自宣祖至顯宗 三百五十三卷 一百九十六冊

第四次 自肅宗至哲宗 三百三十七卷 二百七十六冊

其第一次已於十九年十月出版楨曾見之於大連滿鐵圖書館印本

極精於研究滿鮮關係頗足徵也青丘學叢第二號彙報內曾有文記其事近人卞鴻儒譯有日本刊行滿蒙叢書叙錄內李朝實錄鈔惜未刊行

瀋陽日記不分卷

滿蒙叢書本

朝鮮世子湜等記錄日人內藤博士解題云朝鮮仁祖憲文王十四年即清太祖崇德元年兩國有開釁之事清太宗親征圍仁祖於南漢山中翌年朝鮮力竭降於清軍清朝留朝鮮王之世子湜及王子鳳林大君湜麟坪大君濬爲質子留於奉天七八年之久今奉天南門內高麗館遺址即其所也順治元年明崇禎帝遭流寇李自成之亂自殺清軍破李自成由山海關遂取北京朝鮮世子得免歸未幾朝鮮世子卒鳳林大君代爲世子即後之孝宗宣文王也

瀋陽日記即朝鮮質子等在奉天之記錄始於崇德二年正月三十日仁祖出南漢山城至順治十八年清世祖都北京已定將於明日起行

清實錄作二 率朝鮮王世子等拜太宗陵而終

其間瑣記日常之間安講書微疾服藥諸事細大不類而記世子爲省仁祖之病中歸朝鮮又從太宗臨松山杏山之戰役及經攝政睿親王山海關之戰其入北京行役中記事及奉天館所之記事皆兩存之而且均極精密其間不但清韓關係極重要而在清初史料更加重要蓋清初之史事存於清實錄其記事頗稱正確可謂旁證之史籍甚少明朝之記錄崇禎實錄全缺魏源編聖武記多採之野史誕妄粗略在所不免其史事正確者僅王在晉三朝遼事實錄等書而已前年余發現滿文老檔百餘冊大概關於太宗朝最多崇德年最殘缺同時余發現朝鮮國來書簿數冊僅足補其缺而已故此間旁徵清實錄要不可以證明其事實失載處亦可因此考訂焉例如清實錄順治元年四月朔日載肅親王豪格削爵一條雖記載其事但日記有前有二十九

日及四月四日記事足以相發明記清軍與李自成在山海關交戰之事睿親王接吳三桂於塗中起至山海關戰狀而止清實錄與日記所載相符合其記事可以相輔而行聖武記年月並缺非此可比又當時由奉天至錦州以及山海關道路清實錄記載頗略日記辛巳崇禎六年八月王世子與鳳林大君從清太宗松山杏山之役此時行路以及從睿親王山海關之行以此書所云知爲渡遼河之後西北行經彰武臺邊門外之新城折而西南行入邊門即明時長城以內由義州辛巳年記事作伊州伊義至錦州與今之由新民屯所經之路全異由此日記始知其事惟

音相書中滿洲地名人等用朝鮮字音所記與清記錄對照頗感困難如肅親王之名清實錄作豪格日記作虎口又清韓交際關係最多如清人英俄爾岱作龍骨大剛林作加隣亦作葛林希福作皮脾巴克什作博氏若不作一對照表則讀之比較困難

與日記相表裏必須參照者即瀋陽狀啓此日記爲館所所記錄狀啓

則從奉天送到本國政府之文書彼此相補益處甚多其他又有同文彙考乃彙編清韓交際之文書其別編專門彙輯崇德年間之文書與清朝之朝鮮國來書簿爲同一時代之史料皆足以相發明清韓初期之交涉當以此爲重要史料讀者當不以余言爲河漢也

瀋陽狀啓

不知編者名氏此書朝鮮質子由奉天館所送到本國之文書見上解題

同文彙考

不知編者名氏見上解題朝鮮事大主義之外交史也滿蒙叢書彙鈔關於滿蒙之資料爲同文彙考鈔惜未刊行

燃藜室記述

正編三十二卷續編七卷別集十九卷 日本鉛印本

朝鮮佚名撰是書爲編輯李氏朝鮮一代史事分璫系時事諸篇而名臣之傳均附於後續編七卷滿蒙叢書叙錄謂曾將關於滿洲史料者

彙爲一編名記鈔與清初史事頗資考證惜未見按是書仁祖朝之丁卯虜亂毛文龍誅丙子虜亂均專記清韓之交涉者也據原序云余之少時慕劉向校書太乙仙燃藜室三大字受先人手書以揭書室是書之成遂以燃藜室爲名

丁卯虜亂中所引之書關於遼事者有荷潭錄續雜錄日月錄朝野紀聞谿谷漫筆瀟雲曹公集藥泉集延平日記公私見聞月河集松郊李公梨行狀丙子錄恬軒集丙子虜亂中有石門疏本愚公日錄遲川集青野漫錄菊堂俳語亂離雜記等書附目於此

按滿蒙叢書有燃藜室記述鈔惜未見

龍飛御天歌

朝鮮軍書大系本 朝鮮古書刊行會本

朝鮮佚名撰是書記朝鮮之遠祖李安社以來至第二世之太宗潛邸時前後六代之事蹟用漢字諺文混合體之歌謠綴成被之管絃以爲樂章凡五卷百二十五章李朝第四世王世宗即位之二十九年明正

統十二年撰述稻葉岩吉滿洲發達史云

其中有龍飛御天歌一章歌詞中之一節爲移闌豆漫之記事 *Jran-*

Jurun 之記事就其注釋觀之移闌者女真語之數詞即三也豆漫者萬戶也大約係元代地方官廳之意則是移闌豆漫云者即三萬戶也此三萬戶者即斡朵里火兒阿托溫之三城也御天歌之次節另述三城酋長之名即斡朵里之酋長實爲夾溫猛哥帖木兒火兒阿之酋長爲古倫阿哈出托溫之酋長爲高卜兒闕右述斡朵里城在海西江松花江之東火兒阿江富爾哈河之西火兒阿城則在以上二江合流點之東托溫城則在以上二江合流點之下由今考之今之三姓城即火兒阿城其西之對岸則斡朵里城其下流即今之屯河與松花江合流點之附近即托溫城也考之高麗史李朝之實錄右之三萬戶中斡朵里之酋長曾屢至朝鮮半島之王城受其優遇火兒阿之酋長阿哈出是爲女真最大之首領則與南京或北京之

朝廷通往還而極受優遇焉其餘之一箇長則未有顯著之事實也是此書與建州史事極有關係按日本滿蒙叢書中有龍飛御天歌鈔一種惜未見

丁卯虜亂一卷

上冊滿分樓藏朝鮮紀聞鈔本

朝鮮人佚名撰當清天聰元年朝鮮將李貴李造等逐光海君而推綾陽君即位是爲仁祖李餘清太宗乘朝鮮之內亂因而伐之是謂丁卯虜亂是編爲其國人記載當爲詳允

丙子虜亂一卷

同上鈔本

朝鮮人佚名撰當清天聰十年至崇德元年太宗大舉伐朝鮮在朝鮮主和者爲崔鳴吉等主戰者有洪翼漢等彼此交訐卒致不守遂有南漢城下之盟清人乃令於三田渡立碑記其功德至此朝鮮乃完全帖服於清廷矣朝鮮人目謂丙子虜亂又曰丁丑虜亂

春坡室日月錄三十四卷

鈔本 廣史本

朝鮮李星齡撰是書摭拾李朝各王之事共三十四卷

西征錄二卷

德豐李純刊本

李軍閣刻本

廣史本

朝鮮李巖撰朝鮮世宗之時兵至鴨綠江對岸與建州野人交戰之事蹟共二卷有德豐李純者得其高祖李巖之手錄因編是書明正德十一年刊行滿洲歷史地理引用書目尙有三國史略東國通鑑攷事撮要通文館志海東繹史國朝寶鑑朔方記稗官雜記東國文獻備考東國輿地勝覽關北志北關志北路紀要鰲山邑誌大韓疆域考大東輿圖等書燕槎日錄等書又日人鴛淵一著清初滿鮮關係與三田渡之碑文一文引有朝鮮人著述白登錄尊攘編等書不知其內容如何附其目于此

建州聞見錄

朝鮮李民寯撰目見朝野輯要

右朝鮮人之記載

清三朝實錄採要十六卷

江蘇省立圖書館藏日本江戶石軒刻本

北筑邨山緯伯經南部永根鉉元鼎同編兄錫元寧校此書在日本文化四年據實錄鈔錄成書觀其序例書實錄所纂修人氏均原修舊題者知爲舊本當有可改正今本之處前有邨山緯序書鄭氏顛末與清初事無關不錄文化四年柴邦彥序於明代事頗致憤慨錄其大要於後

柴邦彥序云明氏之末造君子有不忍道者焉崇禎之君德非有夏桀殷紂之凶暴又非有周漢六朝末主之昏弱與叔寶楊廣之荒淫也而舉三百年宗社轉瞬付之非類使百億萬赤孫生靈化爲異物自古亡國之禍雖以契丹蒙古之毒其慘且速未有明氏過者也殆有不可曉焉者何辜于天其罪伊何果神明有以厭朱氏之德乎九州之大豈無一人可眷哉假令昊天上帝遍覆一視無間於華夷內外不獨五岳四瀆名山大川先王先聖又何心忍而忘齊州而不顧不得已而授之流

賊不猶愈付之腥羶異類乎抑中州之風氣日散日漓其淑靈神秀者
磅礴鬱積無所洩橫奔迅逸而偏鍾邊隅荒漠之鄉奴兒一家其所謂
太祖太宗世祖者果能德綢堯禹知匹湯武外此則雖中州神聖之胄
亦皆猥瑣委靡而無足付大物者乎夷考三世所爲不過簡徑捷直沉
毅雄斷云而已矣何福佑之隆偃然據神州上與漢唐諸帝同南面其
以爲天耶果人耶內夏而外夷者詩書之大訓春秋之明法也而今皆
廢矣乎

例云

一清太祖實錄五卷內國史院大學士希福等修太宗實錄六十七卷
禮部尙書武英殿大學士覺羅勒德洪等修世祖實錄一百四十四
卷內大臣吏部尙書中和殿大學士巴泰等修三朝實錄共二百一
十八卷按清徐乾學文集載條陳明史事宜疏云乞許恭閱三朝實
錄以便參稽即知此書系內府秘錄外人不得浪觀者而今傳至此

間者蓋出自竊鈔也以故謬誤極多魚魯莫辨既無他本可以查對則讀之非易而況采錄之乎覽者諒焉

一太宗實錄百官除授降黜自甲喇章京以上皆書世祖實錄總兵副將掌印都司以上皆書是以卷帙宏大今于太宗則采錄管部務王貝勒及議政大臣于世祖則采錄六部尙書

一世祖定鼎燕京除授各處地方官率無虛日今且采錄遣征剿者

一世祖實錄制度儀註繁冗已極今惟采錄其即位及祭聖等項以有會典在也

一制誥以下一應文移及制度儀註不可略者皆細書各條下從約也間有自註者加口以別之

一原本系大府司計丹後守久世君家所藏鉉嘗獲寓目思欲采錄以廣其傳有日矣往歲我藩奧瀨大夫祇役在江戶國邸鉉就而請焉則大夫爲賁緣乞借令贍一通而送於鉉以畢其志也鉉遂與同臬

邨山伯經謀節鈔得成帙云此舉也大夫之賜居多大夫名嵩載字博夫別號靜致

大清三朝事略二卷 日本朝本

日人佚名編此書刻於日本寬正十一年在採要之前詳叙論中又按日人撰臺灣紀事引用書目有華夏變態明清門記二書恐係記鄭成功事附其目於此

清朝姓氏考 日本讀史叢錄本 弘文三卷第三號本

日人內藤虎次郎撰是編考訂清朝姓氏大要謂清實錄所云愛新覺羅乃天女佛庫倫所生始祖已稱此姓所謂愛新金也覺羅即族之意但八旗滿洲氏族通譜不載愛新恐爲國姓避諱內藤博士並爲表以志其世系其表已列於叙論中

記滿洲之世系如黃道周之博物典彙稱童山爲奴兒哈赤之祖先其說不確因此書爲明末記建州事者最晚出之書惟東夷考略記奴兒

哈赤爲建州之支部所記有董山而無童山較爲可信今姑定童氏爲董氏董氏之得姓氏族通譜有董鄂氏董鄂因地得姓董氏蓋亦此類也據明朝記錄太祖姓佟氏明代之佟卜年即因與太祖同姓而被殺者佟氏爲董氏乃轉呼之音而其實是一姓但太祖對內稱董氏對外稱佟氏蓋佟氏明代有佟答剌哈侍明朝甚謹而董山則爲建州名囚足以號招內部而明廷則甚惡也對內稱董氏之說已明但與董鄂有何關係當清嘉慶時滿洲名流名鐵保著嘯亭雜錄云

近日董鄂治亭制府考其宗譜乃知其先爲宋英宗越王之裔後爲金人所遷居董鄂以地爲氏

盛昱編八旗文經作者考所記云

鐵保字冶亭一字鐵卿號梅菴舊譜姓覺羅氏自稱趙宋之裔後改棟鄂

舉以上之例董氏與覺羅有關係可以證明無論董鄂與覺羅原有同

種之關係至太
鄂此乃很明顯
羅氏恐董鄂名
鄂地方太祖多
東夷考略所云
正之記錄按稻
氏不無穿鑿之
清朝姓氏考正誤
日人內藤虎次
清朝初期之繼嗣
日人內藤虎次
傳位皇太極即
等事蓋清初頗

配之制已定嫡妻孛兒帖之少子拖雷不但受之最多且爲全版圖之主所謂庫里爾特之制度清初亦不無因之然太祖時大貝勒代善之遜讓因之太宗得立太宗時多爾袞本有應立之勢乃順治爲諸將擁立及太宗崩而卒輔世祖即位凡此均極有問題然史事無徵難得其詳此篇引據朝鮮紀錄各書考證精確詳叙論中

都爾鼻考

讀史叢錄本 史林第五卷第四號本

日人內藤虎次郎撰是編考都爾鼻地爲遼東故城爲昔自北京至遼東西必由之道今已沒滅據清太祖實錄云瀋陽乃形勝之地若征明可由都爾鼻渡遼河路直且近若北征蒙古二三日可至此都爾鼻即清初順治以前連絡遼東遼西重要地點牧廠即在其下大清一統志古蹟條杜爾筆城在牧廠東南查里周一里一百七十步有奇高三丈東西門各一是杜爾筆都爾鼻都爾弼同名同地崇德二年太宗築都爾弼城翌年工竣改名屏城惟不能詳指爲何地惟近人吳廷燮奉天

郡邑志所收彰武縣著名之山川注杜爾筆山在縣北五十里是杜爾筆山與彰武縣距離頗近又同時刊行奉天省屬各府分圖中彰武縣輿圖從彰武縣西北五十里之地新開河之東養息牧河之西有新城基地名可以確定杜爾筆之位置據朝鮮太子瀋陽日記所云遼河西邊有城清人所築設柵以標界門曰柵門新城亦清人所築二城皆有若干居人新城距瀋陽二百餘里新城之名即出於此或者即巨流河城現在之道路奉天到彰武二百四十里到新城共二百九十餘里距離尙稱確定

惟內藤博士考訂都爾鼻之意不僅在城址而在欲明從奉天到遼西之道路此爲史家所未註及之事清朝實錄天聰五年八月癸卯條云兵分兩路並進諭德格額類岳託阿濟格三貝勒曰爾等率兵二萬由義州進發屯於錦州大凌河之間以俟朕將大兵由白土場入趨廣寧大道初六日會於大凌河

從奉天渡遼河之後先出邊門外再由白土場門起義州路入遼西可
以推定又由義州至錦州之路據朝鮮日記亦可推知因知在清初本
有此一路至清康熙間乃經新民屯之路線而此道雖廢然要不可不
知都爾鼻爲清初松山杏山諸役在軍事上重要之地也原文頗長茲
擇要摭譯於此按武進馬冠羣著牧廠地略云杜爾筆山即今廠地廠
東南五里有杜爾筆城亦可與此文可相補證者也

清朝開國期之史料

讀史叢錄本 藝文三卷第十一號第十二號本

日人內藤虎次郎撰

明東北疆域辨誤

讀史叢錄本 地理與歷史第一卷第四號五號本

日人內藤虎次郎撰

明奴兒干永寧寺二碑補考

讀史叢錄本 地理與歷史第一卷第四號五號本

日人內藤虎次郎撰右三文攷證清初之史事及建碑之源流極詳已
詳於叙論中

清國創業時代之財政

太閤第六卷九號本

日人內藤虎次郎撰清初財政問題與清代之勃興極有關係惜未見

明代遼東之邊牆

滿洲歷史地理第二卷本

日人稻葉岩吉撰是編記遼東邊牆之原委約可分爲三類一遼河流域之邊牆二遼西之邊牆三遼東東部之邊牆建築邊牆之事明史不載此文足補其缺共分子目八一緒言二遼河流域及遼西邊牆之起原三回字邊牆及其起原四遼東東部邊牆及其起原五邊牆之區劃及其位置六邊牆之展退七邊牆之構成及脩邊八餘說按稻葉氏所撰數篇考證皆極精確所撰清朝全史其清初之史事皆取材於此

建州女真之原地及遷住地

滿洲歷史地理第二卷本

日人稻葉岩吉撰是篇計分子目八一緒言二建州衛三建州衛遷住之位置四建州左衛五建州右衛六建州雜考按建州之遷徙明宣德元年前後自其創始之地被忽刺溫野人侵害從吉林附近遷於婆豬

江移住渾河流域之竈突山即今興京西面之呼欄哈達蓋呼欄哈達於滿洲語作竈突山解也原書及清朝全史記之甚詳又當時又有東建州馬文升撫安東夷記云永樂末招降之舉漸弛而建州女直先處開原者叛入毛憐自相攻殺宣德間朝廷復遣使招降之遼東守臣遂請以建州老營俾居之老營者朝廷歲取人參松子地也名爲東建州是則明代建州共有四名矣

清初之疆域

滿洲地理研究報告第二卷

日人稻葉岩吉撰是書言清初之疆域係指天命元年西紀一六一六以前清朝之領土計分子目一緒言二俄朵里城之位置及滿洲國號三寧古塔貝勒之分住地四蘇克蘇河部及哲陳部五渾河部及王甲部六董鄂路及鴨綠江路七長白之東北路八扈倫部九東海瓦爾喀部十兀哲部此篇先考證王杲王台之領土因之而推定清初之疆域考證頗能得其真確

李氏朝鮮初年之東北境與女真之關係

滿洲歷史地理研究報告本

日人池內宏撰是書記高麗之末造恭愍辛禍辛昌恭讓四朝養成李成桂滅王氏而起新朝時在明洪武以後朝鮮李氏欲擴充東北之領土明廷之意則以此處羈縻女真不欲與朝鮮發生直接之接觸因之圖們豆滿江鎮城之建設與女真之撫綏遂發生關係茲錄其目於下

一叙言

二慶源府建置之情事

三兀良哈及斡都里來服

四斡都里之原住地及吾音會遷移之情事

甲建州衛之位置之疑問

乙建州衛之建置前後之事情

丙吾音會之建州衛與阿哈出之建州衛

丁阿哈出之建州衛之所在地

五建州衛之命名毛憐衛之設置

六當乙看兀狄哈與喜樂溫衛

七女真諸族之慶源入寇

甲嫌真兀狄哈及兀良哈之侵入

乙兀良哈及吾都里之侵入

丙嫌真兀狄哈及吾都里兀良哈之侵入

八慶源府之撤廢及建州兩衛之遷移

甲慶源府之撤廢德安慶之改築

乙建州兩衛之遷移

按日本南滿鐵道株式會社於民國二年即大正二年約日本學者白鳥庫吉監修箭內互稻葉岩吉松井等主撰滿洲歷史地理二卷朝鮮歷史地理二卷附歷代沿革圖二十帙爲研究滿鮮歷史最精確之書後又委託東京帝國大學文科主辦滿鮮歷史地理研究報告共出十

二卷未幾罹地震之禍其書同歸於燼而前出之滿洲朝鮮歷史地理近亦非出重資不易購得此數書者皆作於十餘年以前而吾國近年關於東北歷史之著作尙難有與之倫比者是則吾國學者不可不努力者也茲擇其關於清初史事之編目詮釋如上滿洲歷史地理首卷有引用書目解說又日本大正八年在東京有滿蒙叢書刊行會之組織刊行滿蒙叢書共出籌遼碩畫等書共七冊後以未得印完而止有滿蒙叢錄刊行之旨趣一文近人卞鴻儒轉錄於遼寧省立圖書館館刊第一卷中又日人中村榮孝編事大紀行目錄載在青丘學叢第一號是書網羅朝鮮使者禮聘明清兩代之紀行詩文集收自朝鮮總督李王家藏書閣朝鮮史編修會臚列頗詳其中所記乃萬曆至崇禎末年之出使日記文集如魏廷詰瀋陽日記金宗一瀋陽日乘頗於清初史事有關附其目於此

清朝國號考

東洋協會調查部學術報告本

日人市村瓚次郎撰

清初滿鮮關係與三田渡之碑文

史林第十三卷第一至四號本

日人鴛淵一撰是篇臚列碑中文字數種並譯爲日文考證頗詳

大寧都司之內徙

東洋學報第八卷一二五頁本

日人清水泰次撰

兀良哈三衛名稱考

東洋學報第四卷七七頁本 蒙古史研究本

日人箭內互撰

正統九年之征伐兀良哈三衛考

東洋學報四二七頁本

日人和田清撰

池內學士鮮初之東北境與女真關係之討論

史學雜誌第二十九卷第九期本

日人稻葉岩吉撰

兀良哈三衛考

史學雜誌四十卷第六期本

日人和田清撰

滿鮮關係之新史料

青丘學叢第一號本

日人中村榮孝撰是篇記清太宗征伐朝鮮之檔冊史料作者於民國十九年旅行滿洲搜輯史事對於滿鮮關係之書共獲見三篇一爲上虞羅氏藏清太宗第二次征伐朝鮮出師之祭文二爲遼寧博物館藏金國外藩各蒙古貝勒推戴太宗書三爲朝鮮總督府圖書館藏清太宗招服朝鮮之詔諭列其事實之先後每篇加以說明於研究丙子年太宗第二次征伐朝鮮之事頗有關係

朱蒙傳說及老獺稚傳說

內藤博士頌壽紀念史學論叢本

日人今西龍撰按朱蒙爲高句麗之祖生於夫餘自言朱蒙爲河伯女其說出於王充論衡魏收北齊書老獺稚者則朝鮮人傳說爲清太祖之祖是編彙輯朝鮮鏡城崔基南臨實記事咸鏡北道慶興郡守盧鑑氏大正元年調查記錄及其他各種傳說然率多神話出於無稽然藉此頗可知天女朱果傳說之演變於研究清初傳說者有足徵焉

漢軍烏真超哈考

桑原博士還曆紀念東洋史論叢本

日人浦廉一撰按漢軍二字在滿洲語爲烏真超哈清三朝實錄採要
順治十七年三月甲戌上諭烏真超哈滿字仍稱烏真超哈漢字稱爲
漢軍禮親王嘯亭雜錄卷二云國初時俘掠遼瀋之民悉爲滿臣奴隸
文皇帝憫之拔其少壯者爲設左右兩翼命修駙馬養性焉都統光遠
統之其後歸者漸多入關後明降將踵至遂設八旗一如滿洲之制是
編討論其事

建州左衛之遷住地考

桑原博士還曆紀念東洋史論叢本

日人鴛淵一撰

右日本人之記載耳目所及舉其大要於此

以上朝鮮及日本人記載之屬

清開國史料考卷六終

清開國史料考補

安陽 謝國楨 輯

是編摭輯粗定復得數事爰附於下至楨草叙論中建州譯名改定之事按明史始修於清康熙十八年至乾隆四年告成至乾隆四十二年五月丁丑諭前因明史內於蒙古人地名音譯未真特命館臣照遼金元三史例查覈改訂並就原板扣算字數刊正是譯名之改正在乾隆四十二年說見王頌蔚明史攷證擴逸序清太祖之併吞諸部日人稻葉岩吉清初之疆域一文記之極詳晚近史料日出訂證綦難一人所見容有紕繆之處即此一編亦不過爲研究清初史事者之筈矢而已

天命天聰朝滿文檔冊

北平故宮博物院藏稿本

不知撰人名氏民國二十年春故宮博物院文獻館整理實錄大庫舊檔發現檔冊頗多其滿文舊檔黃綾本與遼寧崇謨閣藏老檔相同內

有黃紙本三十一厚冊爲天命天聰朝滿文舊檔間有用嘉靖時文書紙所書有巡撫山東監察御史張劉等字樣有滿漢文并行者有僅用滿文所書者其中葉麟作拽黑吳喇作兀刺天命前間有用萬曆天啓年號奉寬先生及吾師陳寅恪先生嘗至寶錄大庫覽其檔冊確定爲老滿文所書見其內中三冊一爲用嘉靖文書紙所書一爲有翻譯之本與高昌館刻華夷譯語女真編形式相同其照片已影印於書首一爲老滿文寫本檔冊蓋滿文舊檔皆經乾隆時改定即遼寧故宮所藏亦爲乾隆時改定之本今此數帙確爲舊籍殘存不獨滿文舊檔可資研究即背面嘉靖時之文書亦足珍攝故亟錄於此以告海內外之嗜治斯學者近故宮又發現乾隆時十三排銅板地圖邊陲地域多仍滿蒙舊名昔先師王靜安先生亟稱斯圖而未得見今斯圖重現於世故宮博物院文獻館不久即將印行於研究史地者得一良好輿地之資也茲附檔冊簡目於后

天命天聰朝滿文檔冊簡目

字	冊	頁	備	考
天	一	一至八十三		
地	一	一至一百三十		
寒	一	一至九十九		
列	一	一至二百一十九		
張	一	一至五百五十五		
法	一	一至一百一十三		
字	一	一至二百七十		
曆	一	一至五十		
日	一	一至二百二十二	以上九冊共一箱	
宙	一	一至八十八		
黃	一	一至四十二		
盈	一	一至九十八		
間	一	一至三十八		
爲	一	一至五十七		
冬	一	一至四十三		

目錄

國立北平圖書館

○	○	歲	辰	律	餘	○	○	呂	○	騰	兩	宿	閏	辰	來
一	一	一	一	一	一	一	一	一	一	一	一	一	一	一	一
一至二十四	一至四十三	一至二十八	一至五十六	一至十七	一至四十五	一至一百四十七	一至三十五	一至六十五	一至十六	一至九	一至十六	一至四十二	一至五十	一至一百三十九	一至五十二
以上二十二册共一箱					以下六册有大聰年號					原本未列字					

陽九述略一卷

舜水遺書本

明餘姚朱之瑜魯璵撰魯璵號舜水明季諸生崇禎弘光時屢奉徵辟皆不就南都陷依黃斌卿乞師日本許師而不果出舟山陷流落日本學被一世異邦人士皆景仰之卒謚文恭先生見今井弘濟安積覺同爲撰行實是書爲致虜之繇虜害十條滅虜之策三篇作於辛丑即順治十七年順治初崩康熙繼立之時大旨謂述略者述者記其行事無有粉飾文致略者具其梗槩不能委曲周詳爲他日采逸事於外邦庶備史官野乘其中記清軍打老鼠拆房屋以婦人放衙參等事不免醜詆然藉此亦可見當日清軍無紀律之狀明末言籌遼恢復之計者甚多此篇可謂明季人士最後之策矣然在舜水當日不過記一時之幽憤而已安知二百年後興復之舉即因此而起哉

又禎至滬上見鄭振鐸先生藏有景迂先生學譜一書內兼記遼事惜未詳其內容附目於此燕京大學圖書館藏有明嘉靖四十五年刊本

羅洪先撰廣輿圖第二卷九邊總圖內有遼東邊圖亦足參攷

東隅恨事

不知撰人名氏違碍書籍目錄云此書起萬曆三十二年甲辰至崇禎三年己巳止專叙袁崇煥殺毛文龍始末通身狂吠

古學彙纂

明長洲周容雍輯違碍書籍目錄兩江督部堂薩查繳王愷汪士俊書目論序首刊王愷序文八頁次係建州總論即序三頁後有崇禎己卯新安吳繼仕書等字次係九邊圖誌十二頁有白嶽吳元龍于行輯吳元豐于中參板心有譬如齋三字次係建州考六十三頁有新安吳繼仕書信父考著浙江汪士俊俊民較閱板心有節齋二字

按建州考已入卷四存目因此節所述頗於史事有關故遂錄於此

朶顏三衛宗支

全祖望鮐埼亭外編卷二十九題朶顏三衛宗支云明之朶顏三衛

今之蒙古喇爾沁也其前事見於明史朵顏本傳後事則見於累朝諸實錄是冊蓋職方之底簿也在韓江馬氏藏書中讀史者考證力不及此然如有仿遼史之例作部落表則是冊不爲無用也東人之長曰土蠻曰黑失炭曰長禿曰納木歹曰那彥兀兒西人之長曰把都兒曰辛愛曰安灘北人之長曰納林其所屬多矣今之喇爾沁凡三國一曰杜冷郡王札世一曰鎮國公吳特巴拉一曰多羅貝勒札木殆並爲大部也方太宗伐明時喇爾沁以軍從曾上書莊烈帝請罷兵修好書中猶稱三衛自陳不得已之故今明史失載當補入

賣遼東傳

不知撰人名氏魯迅小說舊聞鈔曾見傳鈔殘本雖多落窠臼而頗多逸聞惟馮布政父子奔逃一回即涿州與東林構怨之一原因者則闕之矣

陸沈紀事

不知撰人名氏魯迅小說舊聞鈔自薩爾濟之戰起至睿忠親王入關止其事蹟皆魏源開國龍興紀所不及知者雖多道路傳語而作者見聞較近且無忌諱亦不能盡指爲齊東語也書中於遼東李氏佟氏遺事特多鋪張而九蓮菩薩會文殊一回稽之禮親王嘯亭雜錄亦非出傳會也

清開國史料考刊誤表

卷數頁	數面數行	數字數	誤	正
一	三	正	四	十一至
一	又三	反	一	未能實實未能
一	又四	反	六	旬(剛)
一	又又	又	七	部○多部族多
一	又	又	二十	速
一	又	又	五	嶺
一	又	又	七	遼
一	又	又	九	島
一	又	又	二十七	奔
一	又	又	一	故
一	又	又	二十八	被蒙
一	又	又	十三	躍
一	又	又	廿五至	不可不研
一	又	又	二十八	究
一	又	又	二十五	洲
一	又	又	十九	昇
一	又	又	十六	昇

卷數頁	數面數行	數字數	誤	正
一	十	反	三	是
一	又十	又	四	祐
一	又十一	正	一	土
一	又	反	六	州
一	又	又	八	州
一	又	又	十二	州
一	又	又	六	州
一	又	又	十一	字
一	又	又	十三	帝
一	又	又	十四	很
一	又	又	十五	仰
一	又	又	十六	內(右)注
一	又	又	十七	州
一	又	又	十八	抄
一	又	又	十九	抄
一	又	又	二十	抄
一	又	又	二十一	抄
一	又	又	二十二	抄
一	又	又	二十三	抄
一	又	又	二十四	抄
一	又	又	二十五	抄
一	又	又	二十六	抄
一	又	又	二十七	抄
一	又	又	二十八	抄
一	又	又	二十九	抄
一	又	又	三十	抄
一	又	又	三十一	抄
一	又	又	三十二	抄
一	又	又	三十三	抄
一	又	又	三十四	抄
一	又	又	三十五	抄
一	又	又	三十六	抄
一	又	又	三十七	抄
一	又	又	三十八	抄
一	又	又	三十九	抄
一	又	又	四十	抄
一	又	又	四十一	抄
一	又	又	四十二	抄
一	又	又	四十三	抄
一	又	又	四十四	抄
一	又	又	四十五	抄
一	又	又	四十六	抄
一	又	又	四十七	抄
一	又	又	四十八	抄
一	又	又	四十九	抄
一	又	又	五十	抄
一	又	又	五十一	抄
一	又	又	五十二	抄
一	又	又	五十三	抄
一	又	又	五十四	抄
一	又	又	五十五	抄
一	又	又	五十六	抄
一	又	又	五十七	抄
一	又	又	五十八	抄
一	又	又	五十九	抄
一	又	又	六十	抄
一	又	又	六十一	抄
一	又	又	六十二	抄
一	又	又	六十三	抄
一	又	又	六十四	抄
一	又	又	六十五	抄
一	又	又	六十六	抄
一	又	又	六十七	抄
一	又	又	六十八	抄
一	又	又	六十九	抄
一	又	又	七十	抄
一	又	又	七十一	抄
一	又	又	七十二	抄
一	又	又	七十三	抄
一	又	又	七十四	抄
一	又	又	七十五	抄
一	又	又	七十六	抄
一	又	又	七十七	抄
一	又	又	七十八	抄
一	又	又	七十九	抄
一	又	又	八十	抄
一	又	又	八十一	抄
一	又	又	八十二	抄
一	又	又	八十三	抄
一	又	又	八十四	抄
一	又	又	八十五	抄
一	又	又	八十六	抄
一	又	又	八十七	抄
一	又	又	八十八	抄
一	又	又	八十九	抄
一	又	又	九十	抄
一	又	又	九十一	抄
一	又	又	九十二	抄
一	又	又	九十三	抄
一	又	又	九十四	抄
一	又	又	九十五	抄
一	又	又	九十六	抄
一	又	又	九十七	抄
一	又	又	九十八	抄
一	又	又	九十九	抄
一	又	又	一百	抄

